

लोमा छ्येतिवी क्यावु हलेवु लाका

दी थेपकी कोर्ला

दी थेप ति लूकाकी टिवु यिन। लूकाकी दी थेपला खोरो टिवु कोन्छ्योककी लेन ल्यामु ति नरी ज्याकनी वे। तीकी तेन्दोक ति गोमी येशूकी लोमातिवाला चुक क्यानी कोन्छ्योककी थु चाङ्माकी ओड थोप्नी “यरूशलेमला ताड यहूदियाला ताड सामरिया लुङ्बातिवाला ताड जम्बुलिङकी अर्शा उर्शा सेक खोकी लेन ल्यामु फेल च्यिसुड।” (लोमा छ्येतिवी लाका १:८) सिनी सिरुपला यिन। ख्रीष्टियानतिवी तेपा क्यावु लेन ल्यामु ति यहूदीतिवा नेसुर फेलनी तेरी जम्बुलिङकी थोक्ला तेपा कितुप च्युङ्गुप यिन। दी थेप रोकुपतिवी ख्रीष्टियानतिवा रोमी ग्येल्खापला ना तोङ्गुपकी थोक्ला मिन, यहूदी फयानला लम्सु तोङ्गुपला यिन सिनी लो तेन ज्यितुपला टिवु यिन।

लोमा छ्येतिवी क्यावु लाका खक्छ्येवुतिवा छो सुमला गो थुप्किवी। १) येशू देवाच्येनला तेक्नी फेप्सिमा यरूशलेमला ख्रीष्टियानतिवी काड क्यासुड सिरुप कोर्ला। २) प्यालेस्टाइनकी यम्बा दासातिवाला कोन्छ्योककी सुङ टम्बुप। ३) भुमध्य ग्येम्छोकी गारी गुरीकी लुङ्बातिवाला ताड रोम सेक कोन्छ्योककी सुङ ख्याप्टाक क्यावु।

दी थेपकी खक्छ्येवु तेन्दोक ति कोन्छ्योककी थु चाङ्माकी लाका यिन। खो पेन्तिकोसकी छेर्मु[†] यरूशलेमला वोतुप तेपा कितुपतिवी पर्ला डार ताड क्यानी फेप्किवी। तमा खोकी दी थेपला सिक्कावु वुतुड के च्युङ्गुप ताम्डेतिवी कोर्ला चर्च ताड चर्चकी गोमा कितुपतिवाला तेपा रम्बु जो नङ्गिगी। थल्माकी

[†] पेन्तिकोसकी कोर्ला हाक्कोवुला दी थेपकी ग्यपला वोतुप “काले वोतुप छिकतिवा”ला ल्हाप।

ख्रीष्टियानतिवी लेन ल्यामु ति नम्बा बडीकी टिकपे टिकपे फयानकी कोर्ला
 टोङ्गुतिवा बिन वे। दी थेपला टिवु ताम्डेतिवाला ल्हासिन तेपा कितुपतिवी
 मिजी ताङ तिवी डिकजोम ति लेन ल्यामु नेसुर चो डार नोक सिरुप ति छ्या
 देन्गिवी।

मुला राङ वोतुप लोप्च्येनतिवा

- पङ्बुकी थोकला टडिक क्यावु १:१-२६
 - क) येशूकी तिङ्मी क ताङ थाक्छ्येतुप १:-१४
 - ख) यहूदाकी छापला पेतुप मी १:१५-२६
- यरूशलेमला पङ्बु बिन्दुप २:१-८:३
- यहूदिया ताङ सामरियाला पङ्बु बिन्दुप ८:४-१२:२५
- पावलकी लेन ल्यामु ख्याप्टाक क्यावु १३:१-२८:३१
 - क) थल्माला लेन ल्यामु ख्याप्टाक कि गलुप १३:१-१४:२८
 - ख) यरूशलेमला लोमा छ्येतिवी मुला केवुल कितुप १५:१-३५
 - ग) थेङ्मा झियवाला लेन ल्यामु ख्याप्टाक कि गलुप १५:३६-१८:२२
 - घ) थेङ्मा सुम्बाला लेन ल्यामु ख्याप्टाक कि गलुप १८:२३-२१:१६
 - ङ) यरूशलेम, कैसरिया ताङ रोमला पावल चोन्खाङला शोरुप
 २१:१७-२८:३१

कोन्छ्योककी थु चाङ्माकी कोर्ला थाक्छ्येन नङ्गुप

१ थियोफिलस ला, येशूकी क्या नङ्गुप ताङ लोपुपला गो चुवु तेरी ताम्डेतिवा थल्माला डे टिवु थेप^१ नाङ्ला टि वे। २ ती थेप नाङ्ला खोकी पेन नङ्गुप लोमातिवाला कोन्छ्योककी थु चाङ्मा नेमा क नङ्सिमा खो देवाच्येनला तेड फेवु छेर्मु सेककी ताम्डे ति तेरी वे। ३ खोकी दुक्पा खुर्नी डोसु लासिमा तिवाला खो डोसु लावु ति हाक्को ज्यितुपला पङ्बु बडी छ्या तेन्सुड। तमा डियमा खल ड्यी सेक थेङ्मा अलायी खोरो लोमा छ्येतिवी पर्ला राङ छ्यर्नी तिवाला कोन्छ्योककी ग्येल्खापकी कोर्ला सुङ्सुड। ४ खोरो लोमा छ्येतिवी मुला ज्युवु पेला खोकी तिवाला दुक् सिनी क नाङ्सुड, “ख्यिराङ यरूशलेम नेवा कनी साङ माडो, यिने कोन्छ्योककी ख्यिराङला नङ्गिगी सिनी थाक्छ्येन नङ्गुप ताम्डेला गुनी देता। तीकी कोर्ला डे गोमाला के ख्यिराङला सिक्कायिन। ५ यूहन्नाकी याङ ख्यिराङला छ्युकी बप्तिस्मा बिन्सुड, यिने त डियमा चेयी ज्युक्ला ख्यिराङला कोन्छ्योककी थु चाङ्माकी बप्तिस्मा थोप्कितो।”

येशू देवाच्येनला तेड फेवु

६ येशू तिवा मुला राङ जोम्नी वोतुप

पेला लोमा छ्येतिवी येशूला टिसुड, “चोवो, येलुङ इस्राएल लुङ्बा ति रोमी लुङ्बा नेसुर पि तोङ्गुप तुजे ति तन्दा राङ यिन?” ७ तमा खोकी लोमातिवाला सुङ्सुड, “दी तुजे ति कोन्छ्योककी ओङ्ज्येन नेमा राङ खोकी तेन्तेन क्यानी वे। ती ति ख्यिरा हाक्को गोवु लाका मिन। ८ यिने कोन्छ्योककी थु चाङ्मा ख्यिरा खला फेप्सिमा ख्यिरा ओङ ड्येनी यरूशलेमला ताङ तेरी यहूदियाला ताङ सामरियाला ताङ जम्बुलिङकी दासा अन्तिम सेक्ला ख्यिरा डे कोर्ला पङ्बु तेर्कितो।” ९ खोकी तुक् सुङ्सिमा लोमातिवी ल्हयी ल्हयी राङ कोन्छ्योककी खोला येर देवाच्येन ने टि फेप्सुड। तमा मुक्पी पर्ने तोक् तोर्सुड। १० लोमातिवी खो नाम ने टि फेवु ति ल्हयी वोतुप पेला शाक्येक मज्या कर्मु कोन्दुप मिरा ड्यी तिवी चिप्ला छ्यर्नी ११ तिवाला सिक्कासुड, “ओ गालीलकी मीतिवा, ख्यिराङ च्यिला दे लानी नामला ल्हानी देकिवी? तन्दा ख्यिरा पर नेमा येर देवाच्येनला टि फेवु येशू ति तन्दा चुक् क्यानी ख्यिरा ल्हयी ल्हयी देवाच्येन ने टि फेप्वे, तुक् राङ क्यानी खो येलुङ दी जम्बुलिङला लोकनी फेप्किवी।”

मतियासला यहूदाकी

छापलाज्यकुप

१२ ती ज्युक्ला लोमा छ्येतिवा जैतुन

१:१ ती थेप ति “लूकाकी टिवु लेन ल्यामु” यिन।

पम्दोक नेमा यरूशलेमला लोकसुड।
ती जैतुन पम्दोक ति यरूशलेम ने
अला थाक्किड्बु मिन्दुक।^{१३}तिवा
यरूशलेम लेप्सिमा खोप्राड देतुप
खाड्बी तेडाड तेला गाल। तिवा ति
पत्रुस ताड यूहन्ना ताड याकूब ताड
अन्द्रियास ताड फिलिप ताड थोमा
ताड बारथोलोमाइ ताड मत्ती ताड
अल्फयसकी पुज्युड याकूब ताड
जिलोट^१ सिनी डो शेवु सिमोन ताड
याकूबकी पुज्युड यहूदा यिनोक।^{१४}ती
लोमातिवा ति पुम्पेजातिवा ताड येशूकी
आमा मरियम ताड खोकी नुपतिवा
ताड मुला जोम्नी सेम च्यिक राड
थिन्नी मोपोर क्या क्यावा देकिनोक।

^{१५}ती पेला ते तेपा कितुपतिवा मी
मिरा सयी च्यिक ताड खल ज्यिक
चोयी जोम्नोक। तमा पत्रुसकी तिवी
पर्ला टडी लानी सिक्क्यासुड,^{१६}“ओ
अच्युनुपतिवा, यहूदाकी येशूला जिम
तेरुपकी कोर्ला याड दाऊदकी ख नेमा
कोन्छ्योककी थु चाङ्माकी गोमाला
के सुङ्गुप यिन। कोन्छ्योककी
सुङ्गी नाङ्गला वोतुप ती सुड ति
तेरी छेसुड।^{१७}यहूदा ति डियराड
दोके कोन्छ्योकला शब्ज्यी बुलुपला
येशूकी पेतुप मी यिन।^{१८}यिने यहूदाकी
लाका दुक्टा क्यानी शम्बुप टङ्गाकी
शिड यी ड्योसुड। तमा ती ज्युकला ती

ति पिचर्मा लुम्नी सुप कानी ग्येमाक
तिरुड तेरी पाङ्गला थेन्सुड।^{१९}ती
ताम्डे ति यरूशलेमकी मीतिवा तेरीला
हाक्कोसुड। तमा ती शिङ्गी मिड
ति तिवी ताम्डेला आखेल्दामा सिनी
ज्याक्सुड। तीकी तेन्दोक ति ठककी
शिड सिक्क्यावु यिन।”^{२०}येलुड
पत्रुसकी सिक्क्यासुड, “भजनसंग्रहला
दुक सिनी टि वे,

‘तीकी खाङ्बा ति तोङ्बा सिडी
डोशी।

तमा ते सु साड मेदेशी।

तीकी ओड साड मी यम्बी राड
ठोक्शी।’^{*}

^{२१}तुक क्यानी चोवो येशू डियरा
मुला वोतुप पेला नरी डियरा मुला
राड फार छुर युक्प मीतिवी पर नेमा
यहूदाकी छापला मी मिरा च्यिक
पेनी ज्योक गोकिवी।^{२२}ती मी ति
यूहन्नाकी बप्तिस्मा तेरुप पेला
नेज्युनी चोवो येशू डियरे पर नेमा
देवाच्येनला टि फेवु तुजे सेक डियरा
मुला राड वोतुप ति वुड गोकिवी।
च्यिलासिसिन ती मी तीकी येशू टुङ्गी
डोसु लावु ताम्डेकी पङ्बु ति डियरा
मुला राड तेर गोकिवी।”

^{२३}तुक क्यानी तिवी बारसाबास
सिरुप योसेफ (तीला युस्तस साड
सिनोक) ताड मतियास ति दी लाका

१:१२ घण्टा फेका चोयी थाक्किड्बु नोक।

१:१३ ती जिलोट ति देशभक्त सिरुप छोकपाकी मिड यिन।

१:२० भजन ६६:२५; १०६:८

कि छ्योवु वे सिनी सिक्कासिमा
 २४ दुक सिनी मोपोर क्यासुड, “ओ,
 तेरी मीतिवी सेमगी ताम्डे हाक्कोवु
 चोवो कोन्छ्योक, दी मिरा डियवुकी
 पर्ला सुला बेतुप ति कोन्छ्योककी
 नोवा नोके, ती ति डियराडला छ्या
 तेन नाड। २५ तमा ती पेतुप मी ति लोमा
 छ्येकी छापला देनी शब्ज्यी कितुप
 लाका कि थुप्शी। च्यिलासिसिन ती
 शब्ज्यी बुलुप लाका ति यहूदाकी
 क्युर ज्याक्नी ती ति ड्येलाला गाल।”
 २६ ती ज्युक्ला तिवी ती पेतुप मिरा
 ड्यीकी पर्ला ग्येन ग्येप्सुड। तमा ग्येन
 ति मतियासकी मिडला ख्येलनी ती ति
 लोमा छ्ये मिरा च्युच्यिक ताड मुला
 चिसुड।

कोन्छ्योककी थु चाड्मा फेवु

२ ती ज्युक्ला यहूदीतिवी पेन्तिकोस
 सिरुप तुछ्येन^१ यी लेसुड। ती
 तुछ्येनला तेपा कितुप मीतिवा दासा
 च्यिकला राड जोम्नोक। २ ती पेला
 शाक्येक देवाच्येन नेमा वोरु यी वावु
 तिवी थोसुड। ती वोरु ति कशेन लुड
 ग्येपुकी वोरु दोके नोक। तमा तिवा
 देन वोतुप खाड्बा तिरुड क्येड्सुड।
 ३ तमा ते मे मेवुर च्यिनदै वावु ति तिवी
 थोड्सुड। ती मेवुर ति छो छो गल्नी
 तिवा रे रेकी गो खला देसुड। ४ तमा
 ते जोम्बुपतिवा तेरी कोन्छ्योककी

थु चाड्माकी क्येड्नी थु चाड्माकी
 ओडला ग्येताम कुतुक कुतुकला
 तिवी ताम्डे कितुप छाल्सुड।

५ ती पेला जम्बुलिडकी तेरी लुड्बा
 लुड्बा नेसुर कोन्छ्योकला सोवा
 देकुप यहूदीतिवा साड ती तुछ्येनकी
 थोक्ला यरूशलेमला वानोक। ६ तुका
 वोरु थोसिमा मी माड्छ्योक ते जोम्नी
 छासे हलेवा क्यासुड। च्यिलासिसिन
 ते तिवी दाक दाक्पी ग्येतामला ताम्डे
 क्यावु ति थोसुड। ७ तमा तिवा हलेवा
 लानी च्यिककी च्यिकला सिक्कासुड,
 “काड दी दाक्पी ग्येतामला ताम्डे
 लपुपतिवा याड गालीलकी मीतिवा
 मिन? ८ तुकै यिन्सिन दिवी चुक क्यानी
 दाक्पु तेरीकी ग्येतामला ताम्डे लप
 थुप्किवी? ९ दे याड दाक्पु पार्थीतिवा
 ताड मादीतिवा ताड एलामीतिवा
 ताड मेसोपोटामिया ताड यहूदिया
 ताड कापाडोकिया ताड पोन्टस ताड
 एशियाकी मीतिवा ताड १० फ्रिगिया
 ताड पामफिलिया ताड मिश्र ताड
 कुरेनीला ख्येलुप लिबियाकी दासा
 ताड रोम नेसुर वावु मीतिवा (तिवा
 ति रोम नेमा वावु यहूदी ताड यम्बा
 यहूदी छ्योला शुवु छियग्यपकी
 मीतिवा यिन) ताड ११ क्रेटला देतुप
 मीतिवा ताड अरबीतिवा साड
 देनी वे। तमा डियराड दाक दाक्पी
 ग्येतामला कोन्छ्योककी क्या नड्गुप

२:१ पेन्तिकोसकी कोर्ला हाक्कोवुला दी थेपकी ग्यपला वोतुप “काले वोतुप छिकतिवा”ला
 ल्हाप।

हलेवु लाकाकी कोर्ला तिवी ताम्डे
क्यावु ति थोयी वे।” १२तमा तिवा
तेरी हलेवा लानी काड कितुप काड
कितुप गल्नी दीकी तेन्दोक ति काड
यिनाड सिनी च्यिककी च्यिकला
टिसुड। १३यिने मी माङ्छ्योककी
पर नेमा ललइकी मारे ताङ्नी, “दिवा
याड गुन्दुम छ्याड थुनी जिनोक।”
सिनी सिक्कासुड।

मी माङ्छ्योकला पत्रुसकी सुड ख्याप्ताक क्यावु

१४तमा पत्रुसकी लोमा छ्ये मिरा
च्युच्यिक ताड मुला खोक लानी थोर
ग्यकिन सिरा तिवाला सिक्कासुड,
“ओ यहूदिया ताड यरूशलेमला
देतुप मीतिवा, डे सिक्कावु ताम्डे
इयेन्नी हाक्कोवा की! १५खिरा
नासाम तङ्गुप दोके दिवा माजी वे,
च्यिलासिसिन तन्दा याड मलोक
टोपकी छ्युजी गु तिराड गल वे।
१६यिने दीकी कोर्ला कोन्छ्योककी
लुङ्तेम्बा योएलकी दुक सिक्का वे।

१७ज्युकथमाला ड तेरी मीतिवी
खला डे थु ति तोङ्गितो।
तमा खिरा पुज्युडपुमतिवी नन्दर
शेकितो।
ज्येन्दातिवी कोन्छ्योककी
ज्यल्का थोप्कितो।
तमा गावागुवातिवी मिलाम
थोङ्गितो।

१८ती छेर्मु डला शब्ज्यी कितुपतिवी
खला ड डे थु चाङ्मा
तोङ्गितो।

तमा तिवी नन्दर शेकितो।

१९येलुड ड येर नाम्खाला हलेवु
लाकातिवा ताड मर
जम्बुलिङला ठक ताड मे
ताड तुसोककी ततिवा छ्या
देन्गितो।

२०तमा चोवो कोन्छ्योककी मोवा
ताड ग्येछ्यावु तुजे वुङ्गुप
सिनाड गोमाला डियमा
नक्तोमी डितो।

उला ति ठक दोके मर्वु डितो।

२१ती पेला सी डला ज्होक्टे की
सिनी चोवोला गोङ्बा शिवे,
तिवाला थर्वा इयेकितो।”*

२२ओ इस्राएलकी मीतिवा, डे
ताम्डे इयेना! चोवो कोन्छ्योककी
नासरतकी येशूला खिरा चिप्ला तङ्नी
ओड छ्येवु लाकातिवा ताड हलेवु
लाकातिवा ताड ततिवा छ्या तेन्सुड।
ती ताम्डे याड खिराङला साड छ्या
राड वोज्यिवी। २३येशूला खिरा
कोन्छ्योककी सुडला मुयुकुपतिवी
लकला चेक तेनी ग्यङ्गिशड
लोला कल्नी से च्यिसुड। दी ति
कोन्छ्योककी नोवा ताड दीकी कोर्ला
ति तोङ्गला राड खोला छ्या नोक।
२४येशूकी छेटाड बडी खुर्नी टुङ्सनाड
कोन्छ्योककी खोला टुङ्गुप ने डोसु

लाइसुड। च्यिलासिसिन खो शेष ति
शितोक दे मुथुपी। २५ दाऊदकी खोकी
कोर्ला दुक सिनोक,

‘चोवोला नरी डे दोङ्ला राड
थोङ्गिवी।

खो डे लाक्पा यावी थाकाला
ज्यु वोतुप तप्की ड येर मर
मोडोवी।

२६ ती तप्की ड गा लानी सेम किर्मु
गल वे।

तुक क्यानी ड कोन्छ्योकला रेवा
क्यानी सोवा देकिन मिजी
क्योङ्गियन।

२७ च्यिलासिसिन कोन्छ्योककी
डला शेष मीला ज्योकुप
टककी फुक नाङ्ला राड
क्युर्नी मोज्योकिवी।

तमा खोरो पेतुप मीला शेष ति
शितोक ताड रुल्नी ना साड
डो मिज्यिवी।

२८ कोन्छ्योककी राड डला मिजी
टेङ्बुकी लाम छ्या तेन
नाइसुड।

तमा ड कोन्छ्योक ताड मुला
छासे गा कितिन।’*

२९ ओ अच्युनुपतिवा, दाक्पी
हङ्गावा दाऊदकी कोर्ला ड तेन्तेन
क्यानी ख्यिराडला सिरिन, खो
शिनी मुक्तुम ग्यप्सुड। ती खोकी
फुङ्बु ज्युकुप टककी फुक ति

तन्दा सेक दाक्पी पर्ला राड वे।
३० खो कोन्छ्योककी लुङ्तेम्बा यी
यिन्दुप तप्की खोरे गिपा नेमा राड
मिरा च्यिक ग्येला कितुप मी क्येनी
खोरे ठीला देकिवी सिरुप दाऊदला
छ्या नोक। दी ति कोन्छ्योककी
दाऊद ताड मुला थाक्छ्येवु यिन।
३१ ज्युक्ला वुङ्गुप ताम्डे गोमाला के
छ्या वोतुप तप्की ख्रीष्ट टुङ्नी डोसु
लङ्गुप कोर्ला दाऊदकी दुक सिक्का
वे, ‘खो ड्येलाला’ साड मालुम,
रुलुप साड मारुल।’ ३२ ती येशूला
राड कोन्छ्योककी डोसु लाइसुड।
ती ताम्डेकी कोर्ला दाक्पु तेरी पङ्बु
वे। ३३ ती येशूला कोन्छ्योककी
खोकी यावी थाकाला छासे ताङ्देन
वोतुप ठीकी खला ज्याक नाइसुड।
तमा खोकी थाक्छ्येन नङ्गुप थु
चाङ्मा ति येशूला थोप्नी ती ति
ङ्गिरा पर्ला तड नाइसुड। ती ताम्डे
ति तन्दा ख्यिरा थोङ्गुप ताड थोयी
वे। ३४ च्यिलासिसिन दाऊद खोरुड
देवाच्येनला मालेप्सिनाड दुक
सिवी,

‘कोन्छ्योककी डे चोवोला
सुइसुड,

३५ “ख्योरो डतिवाला ख्योरो
काङ्बी वोक्ला मालेप्वा
सेक्ला ख्युरुड डे लाक्पा
यावी थाकाला दे।” *

२:३१ ग्रीक ताम्डेला हादेस सिवी।

२:२५-२८ भजन १६:८-११ २:३४-३५ भजन ११०:१

३६ ती तप्की ख्यिरा ग्यडिशडला कलुप ती येशूला कोन्छ्योककी चोवो ताड ख्रीष्ट जो नाइसुड सिरुप ताम्डे ति तेरी इस्राएलकी मीतिवी ल्यामो क्यानी हाक्को गोकिवी।”

३७ पत्रुसकी सुड ख्याप्टाक क्यावु थोसिमा ते वोतुप मीतिवी सेमला छासे दुडल लानी पत्रुस ताड यम्बा लोमा छ्येतिवाला दुक सिक्यासुड, “ओ अच्युनुपतिवा, त ड्यिरा काड कि गोकिवी?” ३८ तमा पत्रुसकी तिवाला सिक्यासुड, “ख्यिराड तेरीकी ख्यिरा क्यावु दिक्पा नेमा थरुपला सेम ग्युर्नी येशू ख्रीष्टकी मिडला बप्तिस्मा लो! तमा कोन्छ्योककी थु चाइमाकी इयेम्बा ति ख्यिराडला थोप्कितो। ३९ च्यिलासिसिन कोन्छ्योककी थाक्छ्येवु ति ख्युरुड ताड ख्योरो गिपा ताड थाक्किड्बु वोतुप मीतिवा ताड सु सुला खोकी कताड नडिगवे तिवा तेरीकी थोक्ला यिन।” ४० पत्रुसकी यम्बा ताम्डेतिवा साड बडी सिक्यासुड। तमा तिङ्ला तिवाला दुक सिनी टोङ्गु बिन्सुड, “ख्यिराड दी दुक्टाकी गिपा ने ज्होकुप लाका किसा।” ४१ तमा सु सुकी पत्रुसकी सिक्यावु सुड थोवे, तिवी बप्तिस्मा लासुड। ती छेर्मु तो मिसिन मी तोङ्डा सुम चोयी तिवी दला शुसुड। ४२ तमा तिवा यम्बा तेपा कितुपतिवा ताड मुला थिन्नी लोमा छ्येतिवी येन्देन इयेन्दुप ताड डिक्जोम कितुप ताड चोवोकी डेन

साप लाका ताड मोपोर क्या क्यावा देकिनोक।

तेपा कितुपतिवा मुला ठेतुप

४३ ती पेला लोमा छ्येतिवी छासे हलेवु लाका ताड ततिवा छ्या तेन्सिमा मीतिवा ज्यिवा क्यासुड। ४४ ती तेपा कितुपतिवा तेरी मुला राड देकिनोक। तमा दाक दाक्पी मुला वोतुप तेरी च्यालकतिवा पिर्मा क्यानी थोकिनोक। ४५ तिवी खोप्राड मुला वोतुप टोङ्बा ताड समा च्यालकतिवा साड चोनी कतुकारला ख्येलुपतिवा तेरीला गोनी तेर्किनोक। ४६ तिवा ड्यिमी टेड सेम च्यिक्पा राड च्युङ्नी यहूदी ल्हडाडला जोम्गिनोक। तमा खाङ्बा खाङ्बाला कताङ्नी मुला राड देनी सेम गा ताड क्यानी समा सेनोक, ४७ कोन्छ्योकला सोवा देकिनोक। तमा तेरी मीतिवी तिवाला ल्यामु सिनोक। दिक्पा ने थरुपतिवाला ति कोन्छ्योककी ड्यिमी टेड फेल्ली डो ज्यिकिनोक।

मी थेङ्बा यीला टेक च्यितुप

३ ड्यिम्जिक पत्रुस ताड यूहन्ना ड्यिमी गुडगी छ्युजी सुम चोयीला यहूदी ल्हडाड नाङ्ला मोपोर कितुपला डोयी नोक। २ ते ल्हडाड नाङ्ला शुकुप मीतिवी लोला टङ्गा लोड ज्यितुपला क्येप पेला नेज्युनी काङ्बा योप मुथुवु मी थेङ्बा यीला मीतिवी ड्यिमी टेड खुन वानी



लहडाडकी गे चाला क्यल ज्योकिनोक।
 ती गोक मीड ति “गो डछ्यावु”
 सिनोक। ३पत्रुस ताड यूहन्ना लहडाड
 नाड्ला शुकुप थोड्नी ती मी थेड्बा
 तीकी पत्रुस ताड यूहन्नाला टड्गा
 लाड्सुड। ४तमा पत्रुस ताड यूहन्नाकी
 तीला ल्यामो क्या लहानी पत्रुसकी
 “डियरा थाकाला ल्हो ताड!” सिनी
 सिक्वासुड। ५तमा काड रे च्यिक रे
 तेर्किते नानी ती मी थेड्बा तीकी पत्रुस
 ताड यूहन्नाला लहा लहावा देसुड।
 ६तमा पत्रुसकी सिक्वासुड, “सेर ताड
 डुल याड डियरा लोला मे, यिने डियरा
 लोला काड नोके, ती ति ख्युरुडला
 तेरिन। नासरतकी येशू ख्रीष्टकी
 मिडला यु!” ७तमा पत्रुसकी तीकी
 लाक्पा नालोक्पाला जिम्नी लोड्डे

क्यासुड, क्यासिमा शाक्येक तीकी
 काड्बा ताड छिड्गुरतिवाला डार
 ड्येतुप ताड ८खोक लानी युसुड।
 तमा फिर्नी युकिन सिरा कोन्छ्योकला
 सोवा देकिन लहडाड नाड्ला
 शुसुड। ९तमा ती मी थेड्बा ति लानी
 कोन्छ्योकला सोवा देकिन युकुप
 ति मीतिवा तेरीकी थोड्सुड। १०ती
 थोड्सिमा “गो डछ्यावु” चाला देनी
 नरी लोड्गुप मी थेड्बा ति दी राड
 यिन सिनी डो शेसुड। तमा ती मी ति
 ल्यामो क्यानी लानी युकुप थोड्सिमा
 तिवा तेरी हलेवा क्यासुड।

पत्रुसकी ख्याण्टाक क्यावु

११ती मी थेड्बा ति पत्रुस ताड
 यूहन्नाकी लाक्पाला जिम्नी मुला

राड वोतुप थोडिसमा मीतिवा तेरी हलेवा लानी सोलोमन लेडाड खला छ्योडुबाल ग्यकिन वासुड। १२ती थोडनी पत्रुसकी मीतिवाला सिक्वासुड, “ओ इस्राएलकी मीतिवा, ख्यिराड च्यिला हलेवा किवी? काड दी मीला युक् थुपुप जोवु ति ड्यिराडला खक्छ्येवु डार वोतुप तप्की यिन सिनी ख्यिराड हलेवा क्यानी लहानी देकिवी? याडना ड्यिरा कोन्छ्योककी थोडदाडला क्यावु लाका ल्यामुकी यिन्दे सिनी नासाम तोडिगवी? १३अब्राहाम ताड इसहाक ताड याकूब ताड दाक्पी पगावा हङ्गावाकी कोन्छ्योककी खोला शब्ज्यी बुलुप येशूला मोवा कि छ्योवु जो नाड्सुड। ती येशूला राड ख्यिरा पिलातसकी लकला चेक तेतुप यिन। तमा पिलातसकी खोला पिताड तोड्गुप सिक्वासिनाड ख्यिराड माड्येन। १४खो ति चाड्मा ताड टेड्बु यिन्सिनाड खोला ख्यिरा गा माक्यानी मी शेन्बा यीला के पिताड तोड सिनी गोड्बा शुसुड। १५तमा मिजी नङ्गुप तीला सेसुड। यिन्सिनाड कोन्छ्योककी खोला शेष ने डोसु लाड्सुड। दीकी पड्बु ति ड्यिराड यिन। १६ख्यिरा थोड्गुप ताड डो शेवु दी मी ति येशूकी मिड नेसुर काड्बा चुनी युक् थुपुप गाल्सुड। येशूला तेपा क्यावु तप्की

राड हारिड ख्यिरा मिककी थोड्यिन दी मी ति टेकुप यिन।

१७ओ अच्युनपतिवा, ख्यिराड ताड ख्यिरा ठिम कितुपतिवी खो सु यिन सिरुप ति हाक्माकोनी येशूला सेतुप यिन सिरुप ति डला छ्या वै। १८यिने ख्रीष्टकी छेटाड खुर राड गोकिवी सिनी गोमाला नेज्युनी कोन्छ्योककी लुङ्तेम्बातिवी नम्दर शेतुप ति कोन्छ्योककी तेरी छे च्यिसुड। १९ती तप्की ‘ड दिक्छेन यिनोक’ सिनी सेम ग्युर्नी कोन्छ्योककी थाकाला ग्युर! तुक क्यासिन खोकी ख्यिरा दिक्पा ता च्यिनी लोदिमु नडिगवी। २०तमा खोकी ख्यिरा थोक्ला तोड्ला के पेन नङ्गुप ख्रीष्ट यिन्दुप येशूला तड नडिगवी। २१ती येशू ति कोन्छ्योककी तोड्ला नेज्युनी पेतुप खोरे लुङ्तेम्बा टेड्बुतिवी ख नेमा सुङ्गुप तेरी च्यालकतिवा सम्बा जोप तुजे माडुवा सेक्ला देवाच्येनला राड ज्यु गोकिवी। २२मोशाकी दुक् सिक्पा वे, ‘ख्यिरा मीतिवी पर नेमा राड ड दोके लुङ्तेम्बा मिरा च्यिकला कोन्छ्योककी टडिक क्या नडिगवी। ती लुङ्तेम्बाकी काड सुङ्गुप ति तेरी ख्यिरा ड्येन गोकितो।’* २३तमा सी ती लुङ्तेम्बाकी सुङ्गुप ताम्डे मेड्येन्वे, तिवा तेरी तिवी पर नेमा ना तोडिगवी।’* २४तीकी कोर्ला शमूएल ताड ती ज्युककी कोन्छ्योककी

लुङ्तेम्बातिवा तेरीकी साङ तन्दा
 वुङ्गुप तुजेकी कोर्ला सिक्या वे।
 २५ चुका कोन्छ्योककी खिरा
 हङ्गावातिवाला थाक्छ्येसुङ,
 खिराङ साङ ती कोन्छ्योककी
 लुङ्तेम्बातिवा ताङ थाक्छ्येवुकी
 गिपा राङ यिन। खिरा हङ्गावा
 अब्राहामला 'ख्योरो गिपा नेसुर राङ
 जम्बुलिङकी तेरी मिछाडतिवी मोलाम
 थोप्कितो' सिनी कोन्छ्योककी
 सुङ्सुङ।* २६ खिराङ रे रेला खिरा
 क्यावु लाका दुक्टा नेमा ग्युर च्यिनी
 मोलाम नङ्गुपला कोन्छ्योककी
 खोरुङला शब्ज्यी बुलुप मी यी पेसुङ।
 पेसिमा तेरी सिनाङ गोमाला तीला
 खिरा ते ताङ्सुङ।”

पत्रुस ताङ यूहन्ना ठिम्खाङला क्यलुप

४ पत्रुस ताङ यूहन्ना मीतिवाला
 ख्याप्टाक कियी वोतुप पेला
 कोङ्यारतिवा ताङ यहूदी ल्हडाङकी
 मी छ्ये ताङ सदुकीतिवा तिवी चाला
 वानोक। २ पत्रुस ताङ यूहन्नाकी
 येशू टुङ्नी डोसु लावु यिन सिरुप
 ताम्डे ति मीतिवाला लोपिन ताङ
 ख्याप्टाक क्यावु थोनी तिवाला
 ड्रियर्मु लानोक। ३ तमा तिवी पत्रुस
 ताङ यूहन्नाला जिम्मी ती सला टोपला
 सेक चोन्खाङला उम ज्याक्सुङ।
 च्यिलासिसिन ती छेर्मु नाम ल्होनोक।

४ यिने तिवी सुङ ख्याप्टाक क्यावु
 थोनी मी माङ्शोककी येशूला तेपा
 क्यासुङ। तमा तेपा कितुपतिवा तो
 मिसिन तोङ्डा ड चोयी लेप्नोक।

५ तमा ती सला टोपला ओङ्ज्येन
 कितुपतिवा ताङ यहूदी गोमा कितुप
 मी छ्येतिवा ताङ यहूदी छ्योकी
 गेकेनतिवा यरूशलेमला जोम्नोक। ६ ते
 तेरी सिनाङ कोङ्यार छ्ये हन्नास ताङ
 कैयाफा ताङ यूहन्ना ताङ अलेक्जेन्डर
 ताङ कोङ्यार छ्येकी खोरो मीतिवा
 साङ तेरी जोम्नोक। ७ तिवी पत्रुस
 ताङ यूहन्नाला खोप्पे पर्ला ज्याक्नी
 दुक सिनी टिसुङ, “खिरा चुका
 ओङ्ज्येन नेसुर ताङ सी मिङला
 दुक क्यावु यिन?” ८ तोजो पेला राङ
 पत्रुस कोन्छ्योककी थु चाङ्माकी
 क्येङ्नी तिवाला सिक्यासुङ, “ओ
 मीतिवी खला ओङ्ज्येन कितुपतिवा
 ताङ छ्योकी गेकेनतिवा, ९ ड्रियरा मी
 थेङ्बा यीला युक् थुपुप जोप लाका
 ल्यामु क्यावु कोर्ला ती मी ति चुक्
 क्यानी टेक थुप्सुङ सिनी हारिङ
 खिरा ड्रियराङला टिवु यिन्सिन
 १० खिराङ ताङ इस्राएलकी मीतिवा
 तेरीकी ग्यङ्शिङ लोला कल्नी
 सेसिनाङ कोन्छ्योककी डोसु लङ्गुप
 नासरतकी येशू ख्रीष्टकी मिङला दी
 मी ति खिरा मिङ्गाला राङ टेक्नी
 लानी वे। ११ येशू ख्रीष्ट ति दो दोके
 यिन सिनी कोन्छ्योककी सुङला वे।

‘ख्यिराड खाड्बा जोपतिवी दी
दो ति फेन मोथोवी सिनी
क्युसुड,
यिने ती दो ति तेरी सिनाड सुरकी
दोला गाल।’*

१२ येशू मिसिन सी साड दिक्पा ने
थर ज्यि मुथुपी। च्यिलासिसिन दी
जम्बुलिङला मी पर्ला कनी साड
दाक्पुला दिक्पा ने थर ज्यितुप यम्बा
मिङ काड साड मे।”

१३ पत्रुस ताड यूहन्ना काड साड
मालापुप ताड येन्देन मेतुप यिन्सिनाड
तुका डाडेड वोतुप थोङ्नी ते वावु
मीतिवा हलेवा क्यासुड। तमा पत्रुस
ताड यूहन्ना येशूकी मुला युक्पु मी यिन
सिरुप ति तिवी हाक्कोसुड। १४ यिने
ती टेकुप मी ति पत्रुस ताड यूहन्नाकी
मुला लानी देतुप थोङ्सिमा तिवी काड
साड सि माथुप। १५ ती तप्की तिवी
पत्रुस ताड यूहन्नाला तिवी छोक्पा
नेमा पाङ्ला तेन तङ्नी खोप्राड पर्ला
दुक सिनी केवुल क्यासुड। १६ “त दी
मीतिवाला दाक्पी काड कि गोवु यिन?
च्यिलासिसिन तिवी क्यावु हलेवु
लाकाकी कोर्ला याड यरूशलेमकी
मीतिवा तेरीकी हाक्कोनी वे। दाक्पी
साड दी ताम्डेला मिन सि मुथुपी।
१७ यिन्सिनाड येलुङ मीतिवाला
ख्याप्टाक माकी सिनी क्येक्नी येशूकी
मिङला यम्बा सुला साड ख्याप्टाक
माकी सिनी वोरु देन गोकिवी।” १८ ती

ज्युक्ला तिवी पत्रुस ताड यूहन्नाला
कताङ्नी “तफेन्ला येशूकी मिङला
काड येन्देन साड मातेर, तमा लोपुप
साड मालोपा!” सिनी सिक्पासुड।
१९ तमा पत्रुस ताड यूहन्नाकी दुक्
सिक्पासुड, “कोन्छ्योककी सुङ
ड्येन्दुप क्युर ज्याक्नी ख्यिरा ताम्डे
ड्येन्दुप ति कोन्छ्योककी थोङ्दाङला
ल्यामु यिनाड मिन सिनी ख्यिराड राड
नासाम तोड! २० च्यिलासिसिन ड्यिरा
थोङ्गुप ताड थोवु ताम्डेतिवा सि
माक्पावा क्यानी ड्यिराड दे मुथुपी।”
२१ तमा तिवी काड साड ठिम तोड
माथुप्सिमा पत्रुस ताड यूहन्नाला
मङ ज्यिवा कुनी पिताङ ताङ्सुड।
२२ च्यिलासिसिन लो खल ड्यी सिनाड
मङ युक् माथुपुप मी थोङ्बा यीला
हलेवा क्यानी टेक् च्यितुप थोङ्नी मी
तेरीकी कोन्छ्योकला सोवा देकिन
नोक।

तेपा कितुप मीतिवी मोपोर क्यावु

२३ तमा तिवाला पिताङ तङ्सिमा
पत्रुस ताड यूहन्ना खोरो मीतिवी ते
लोङ गल्नी कोङ्यार छ्येतिवा ताड
यहूदी गोमा कितुप मी छ्येतिवी
सिक्पावु ताम्डेतिवा तेरी खोप्रे
मीतिवाला लाप्सुड। २४ ती थोसिमा
तिवा तेरीकी कोन्छ्योकला दुक्
सिनी कशेन थोर ग्यप्नी मोपोर
क्यासुड, “ओ सछ्या नाम्छ्या

ताड ग्येम्छो ताड ती नाङ्ला वोतुप
तेरी च्यालकतिवा ज्येङ्गुप चोवो
कोन्छ्योक, ^{२५}कोन्छ्योककी राड
थु चाङ्मा नेमा कोन्छ्योकला शब्ज्यी
बुलुप दाक्पी हङ्गावा दाऊदकी ख
नेमा दुक सिनी सुङ्गुप यिन,

‘मिरिक यम्बातिवा च्यिला कशेन
डियर्मु किताड।

तमा मीतिवी च्यिला तेर्मेकी
ताम्डेतिवा नासाम
तोङ्गिताड?

^{२६}चोवो कोन्छ्योक ताड खोकी पेन
नङ्गुप ख्रीष्टकी तेन्दोकला
ग्येल्वुतिवा ताड ओङ्ज्येन
कितुपतिवा जोम्नी लासुड।’*

^{२७}वुतुड के हेरोद ताड पन्तियस
पिलातस डियकर यहूदी मिन्दुक
मिरिक यम्बातिवा ताड इस्राएलकी
मीतिवी मुला दी ग्येसाला राड
जोम्सुड, तमा जोम्सिमा कोन्छ्योककी
खोरुङला शब्ज्यी बुलुपला पेन नङ्गुप
चाङ्मा वोतुप येशूकी तेन्दोकला
लासुड। ^{२८}तिवी काङ क्यावु ति
कोन्छ्योककी तोड नेज्युनी वोतुप
नोवाला राड तेरी क्यावु यिन। ^{२९}ओ
चोवो कोन्छ्योक, त याड डियराङला
छेटाड दुङल तेरुपतिवाला ल्हानी
ख्योरे शब्ज्यी बुलुपतिवाला डाडेड
क्यानी सुड ख्याप्टाक कि थुपुप
जोटे की। ^{३०}तमा नेर्पु टेक ज्यितुपला
कोन्छ्योककी छ्याक ज्याड नङ्नी

कोन्छ्योककी चाङ्मा ताड टेङ्बु
वोतुप येशूकी मिड नेसुर ततिवा ताड
हलेवु लाकातिवा च्युङ्शी।” ^{३१}तुक
सिनी मोपोर क्यान सिन्सिमा तिवा
देतुप दासाला सयी ग्यपुप दोके क्यानी
योसुड। तमा तिवा तेरी कोन्छ्योककी
थु चाङ्माकी क्येङ्नी तिवी डाडेड
क्यानी कोन्छ्योककी सुड ख्याप्टाक
क्यासुड।

तेपा कितुपतिवी खोप्रे टोङ्बातिवा गोवु

^{३२}तमा तेपा कितुपतिवा तेरी सेम
च्यिक राड च्युङ्नी थिन देकिनोक।
तिवा सी साड खोप्रे नोर टोङ्बातिवा
“दी डे ति”, “ती ख्योरो ति” सिनी
मिसिनोक। यिने तेरीकी खोप्रे
च्यालकतिवा पिर्मा किनोक। ^{३३}ती
लोमा छयेतिवा छासे डाडेड क्यानी
चोवो येशू टुङ्नी डोसु लावुकी
कोर्ला पङ्बु तेर्किनोक। तमा तिवा
तेरीला कोन्छ्योककी ग्यक्चेकी
कटिन ति थोप्नोक। ^{३४}चुका
च्यालक साड तिवाला ड्युङ्मु
मेङ्गनोक। च्यिलासिसिन खाङ्बा
शिङ वोतुपतिवी खोरो खाङ्बा शिङ
चोनी टङ्गा ति ते खुन वानी ^{३५}लोमा
छयेतिवाला चेक तेर्किनोक। तमा
ती टङ्गा ति सु सुला काङ काङ्गी
थोक्ला गोकिवे, तिवाला गोनी
तेर्किनोक। ^{३६}तिवी पर्ला साइप्रस

लुङ्बाला क्येवु लेवी गिपाकी योसेफ सिरुप मी यी साङ नोक। तीला लोमातिवी बारनाबास साङ सिनोक। (बारनाबासकी तेन्दोक ति यम्बाला टोङ्गु तेरुप यिन।) ^{३७}तीकी साङ खोरो शिङ चोनी टङ्गा ति खुन वानी लोमा छ्येतिवाला चेक तेसुङ।

हननिया ताङ सफिरा

५ ती पेला हननिया सिरुप मी ताङ तीकी पेर्मी सफिराकी साङ खोप्राङ शिङ यी चोनी ^२खोरो पेर्मी ताङ मुला ताम्डे कयानी शिङ चोवु टङ्गा चेयी खोरो लोला ज्याक्सुङ। तेसुर लुवु टङ्गा ति खुर वानी लोमा छ्येतिवाला पुल्सुङ। ^३यिने पत्रुसकी हननियाला सिक्क्यासुङ, “ओ हननिया, कोन्छ्योककी थु चाङ्माला जिनोक जोनी शिङ चोवु टङ्गा चेयी ति खोरो लोला ज्योकुप नासाम ति चुक कयानी ख्योरो सेमला शैतानकी ज्याक बिन्सुङ? ^४शिङ चोङ्गुप सिनाङ गोमाला साङ ती शिङ ति ख्योरो तिराङ यिन, तमा चोसिमा ती टङ्गा साङ ख्योरो तिराङ यिन। यिने चुक कयानी ख्योरो सेमला दुका नासाम मेलोकपा शार्सुङ? ख्योरो याङ मीला मिन, यिने कोन्छ्योकला जिनोक जोसुङ।” ^५ती ताम्डे थोलुङ्मे हननिया ति शाकर्केक सला तला ग्यप्नी शिसुङ। तमा ती थोनी मीतिवा तेरी ज्यिवा क्यासुङ। ^६तमा ललाइ ख्योकपेजा

नाज्युडतिवा वानी ती शेष रो तीला राकी नाङ्गला टिल्नी मुक्तुम ग्यप्सुङ।

^७तमा छ्युजी सुम चोयी ज्युकला हननियाकी पेर्मी सफिरा तिङ तेराङ वासुङ। ती पेला ते च्युङ्गुप ताम्डे ति तीला छ्या मिन्दुक। ^८तमा पत्रुसकी सफिराला सिक्क्यासुङ, “डला सी ताङ, ख्यिराङ जप्प्राङ ड्रियवुकी शिङ चोवु टङ्गा ति तोजोयी राङ यिन?” तमा तीकी सिक्क्यासुङ, “लसे, तोजोयी राङ यिन।” ^९तमा पत्रुसकी तीला सिक्क्यासुङ, “कोन्छ्योकला खोक्पा ल्हापला ख्यिराङ च्यिला थिन्दुप? ल्हो ताङ, ख्योरो खाङ्बी मीला मुक्तुम ग्यकुपतिवा गे चा नेमा वुडियन वे। तिवी ख्युरुङला साङ खुर्नी पाङ्गला क्योल्लितो।” ^{१०}तुक सिक्क्यालुङ्मे सफिरा साङ पत्रुसकी चिप्ला राङ तला ग्यप्नी शिसुङ। ती ज्युकला ख्योकपेजा नाज्युडतिवा नाङ्गला वानी तीला शेष थोडिसमा खोरो ख्योवा मुक्तुम ग्यपुप चाला राङ खुन गल्नी तीला साङ मुक्तुम ग्यप्सुङ। ^{११}तमा तेरी तेपा कितुप मीतिवा ताङ ती ताम्डे थोवु तेरी मीतिवा छासे ज्यिवा क्यासुङ।

लोमा छ्येतिवी मी बडीला टेक च्यितुप

^{१२}ती पेला लोमा छ्येतिवी छासे मिच्चिकपाकी हलेवु लाकातिवा मीतिवाला छ्या तेन्सुङ। तमा तेपा कितुपतिवा तेरी मुला राङ ल्हडाङकी

चाला वोतुप सोलोमनकी लेडाड खला नरी जोम्गिनोक। १३मी यम्बातिवा तिवी मुला थिन्दुपला डाडेड कि माथुप। यिने माङ्शोक मीतिवी तिवाला ताङ्देन किनोक। १४तमा ख्योकपेजा ताङ पुम्पेजातिवा बडीकी कोन्छ्योकला तेपा क्यानी तिव ति मङ मङ फेलिन गाल्सुड। १५तमा मीतिवी पत्रुस युकुप लामला नेर्पुतिवा खुन वानी पत्रुस वुङ्गुप पेला खोकी ज्हिप्च्याड तिराड यिन्सिनाड तिवी खला ख्येलशी नोनी सप्तेन ताङ ठीकी खला नेर्पुतिवाला ड्याल्ली ज्योकिनोक। १६तमा यरूशलेम गारी गुरीकी ग्येसा नेसुर साङ मी बडीकी नेर्पुतिवा ताङ डेकी कुलुप मीतिवा टिनी गिनोक। तमा तिव तेरी टेकिनोक।

लोमा छ्येतिवाला छेटाड ख्येलुप

१७यिने तेरी सिनाड कोङ्यार छ्ये ताङ तीकी मुला वोतुप सडुकी छ्योकपाकी मीतिवा ठतोक लानी लोमा छ्येतिवी तेन्दोकला लासुड। १८तमा तिवाला जिम्नी चोन्खाडला उप्सुड। १९यिने नुपला कोन्छ्योककी लेन क्योलुप थु यी वानी चोन्खाडकी गो ति पेसिमा तिवाला पाङ्ला टि वानी सिक्यासुड, २०“ग्युक, ल्हडाङ नाङ्ला लानी मीतिवाला दी मिजीकी लेन ति तेरी लोप।” २१तमा तिव

टेताङ ल्हडाङ नाङ्ला गल्ली येन्देन तेरुप छाल्सुड। ती पेला तेरी सिनाड कोङ्यार छ्ये ताङ तीकी दाल्जातिवा तेरी वानी इस्राएलकी ठिम्खाडकी[†] मीतिवाला कताङ्सुड। तमा लोमा छ्येतिवाला चोन्खाड नेमा पिताङ शोक सिनी मीतिवाला ताङ्सुड। २२यिने ती मीतिवी तिव चोन्खाडला मेतुप थोडिसमा लोड वानी दुक सिक्यासुड, २३“ड्यिराङ चोन्खाडला गल्सिङ के चोन्खाडकी गोलज्याक साङ ग्यप्नी नोक, जहेन्दुप मीतिवा साङ गोला लानी राङ देन्नोक। यिने नाङ्ला गो पेनी लहासिन सु साङ मिन्दुक।” २४ती ताम्डे थोनी त दीकी तेन्दोक ति काङ गिते सिनी ल्हडाङकी मक्मी छ्ये ताङ कोङ्यार छ्येतिवा काङ कितुप काङ कितुप गाल।

२५ती पेला मी मिरा च्यिक ते वानी तिवाला “ख्यिरा चोन्खाडला उप्नी ज्यकुप मीतिवा याङ ल्हडाङ नाङ्ला लानी मीतिवाला ख्याप्ताक कियी नोक।” सिनी सिक्यासुड। २६ती ताम्डे थोसिमा ल्हडाङ जहेन्दुप मी छ्येतिवा यम्बा ल्हडाङ जहेन्दुप मीतिवी मुला गल्ली लोमा छ्येतिवाला काङ मेलोकपा माक्यावा क्यानी टिनी वासुड। च्यिलासिसिन तिवाला मेलोकपा क्यासिन मीतिवी खोप्पाडला दो बेष्किते नोनी तिव ज्यिवा क्यासुड।

२७तिवाला टि वानी ठिम्खाडकी दोङ्ला लाङ्सुड। तमा तेरी सिनाड कोङ्यार छ्ये तीकी दुक सिनी टिसुड, २८“ख्यिराडला येशूकी मिडला काड साड ख्याप्टाक माकिसा सिनी ड्यिरा सिक्कायिन, यिन्सिनाड ख्यिरा याड यरूशलेमकी दासा तेरीला ख्याप्टाक क्यानोक। तमा खोला सेतुप क्यान ति ख्यिरा ड्यिरा खला के ग्यकिनोक।” २९यिने पत्रुस ताड लोमा छ्येतिवी तिवाला सिक्कासुड, “ड्यिरा मी ताम्डे मिन, यिने कोन्छ्योककी नङ्गुप क ड्येन गोकिवी। ३०च्यिलासिसिन ख्यिरा ग्यङ्गिड लोला कल्नी सेतुप येशूला दाक्पी हङ्गावातिवी कोन्छ्योककी शेष ने डोसु लाङ्सुड। ३१तमा इस्राएलकी मीतिवाला सेम ग्युर ज्यितुपला ताड तिवाला तिवी दिक्पा ता ज्यितुपला खोला राड ग्येल्बु ताड दिक्पा ने थर ज्यितुप जोनी कोन्छ्योककी यावी थाकाला चोछ्येवु जोनी ज्याक्सुड। ३२दीकी कोर्ला ड्यिराड तेरी पङ्बु वे। तमा कोन्छ्योककी सुडला युक्पतिवाला खोकी नङ्गुप थु चाङ्मा साड दीकी कोर्ला पङ्बु वे।”

३३ती ताम्डे थोसिमा तिवा छासे ड्यिर्मु लानी लोमा छ्येतिवाला सेतुप नो क्यासुड। ३४यिने ते मीतिवा तेरीकी ताङ्देन क्यानी चिवु गमलिएल सिरुप यहूदी छ्योकी गेकेन फरिसी मिरा च्यिक नोक। ती ति ठिम्खाडला खोक लानी लोमा छ्येतिवाला उकुर च्यिक

पाङ्ला ग्युक सिक्कासुड। ३५तमा तीकी ठिम्खाडकी मीतिवाला दुक सिक्कासुड, “ओ इस्राएलकी मीतिवा, दी मीतिवाला ख्यिरा काड कितुप नो क्यावे, ल्यामो क्यानी नासाम तङ्नी तिराड किसान। ३६च्यिलासिसिन तोङ्ला साड थुदास सिरुप मी यी वानी खोरुड तिराड ड राड यिन सिनी दप्शे ग्यप्सुड। तमा तो मिसिन मी सयी ज्यी चोयी तीकी तिङ्ला तिङ्यासुड। यिने ज्युक्ला तीला सेसिमा तीकी तिङ्ला तिङ्योकुपतिवा तेरी थरा थुरा गाल्सुड। ३७ती ज्युक्ला लुङ्बा टङ्गा ग्यकुप पेला गालीलला देतुप यहूदा सिरुप यी लेसुड। तीकी साड मीतिवा रुनी खोरो छोकपाला ज्याक्सुड। यिने ज्युक्ला तीला साड सेसिमा तीकी तिङ्ला तिङ्योकुपतिवा तेरी थरा थुरा गाल। ३८ती तप्की ड ख्यिराडला सिरिन, दी मीतिवाला काड माक्यावा क्यानी पिताड तोड। दोजो दी मीतिवी क्यावु लाका ति मीकी ओङ्ज्येन नेमा राड क्यावु यिन्सिन तोर्नी डिवी। ३९यिने कोन्छ्योक नेमा क्यावु यिन्सिन ख्यिरा दिवाला ग्येक मुथुपी। मिसियाड ख्यिराड कोन्छ्योककी तेन्दोकला लावु डितो।” ४०तीकी सिक्कावु ताम्डे ति छयोखाडकी मीतिवी सेमला गाल। तमा तिवी लोमा छ्येतिवाला नाङ्ला कताङ्नी दुसिमा तफेन्ला येशूकी मिडला ख्याप्टाक माकी सिनी पिताड ताङ्सुड। ४१तमा लोमा छ्येतिवा येशूकी मिडला छेटाड

दुडल खुर छ्योवु च्युड थुप्सुड सिनी
गा कियी सिरा छ्योखाड नेमा पाङ्ला
थेन गाल। ४२ तमा येशू राड खीष्ट यिन
सिनी खाङ्बा खाङ्बा ताड ल्हडाड
ल्हडाडला डियमी टेड लेन ल्यामु
ख्याप्ताक कियी ताड येन्देन तेरिन
युसुड।

लोमा मिरा दिनला पेतुप

६ ती पेला तेपा कितुपतिवा बडी
गाल्सुड। तमा हिबू ताम्डे
लपुप यहूदीतिवी तेन्दोकला ग्रीक
ताम्डे लपुप यहूदीतिवी ड्योशोक
ड्योशोक सिक्यासुड। च्यिलासिसिन
लोमातिवी डियमी टेड साप समा
गोतुप पेला ग्रीक ताम्डे लपुप पेर्मी
युक्समतवाला लङ्गुप समा
मोथोप्नोक। २ ती तप्की लोमा छ्ये
मिरा च्यिङ्डीकी यम्बा लोमातिवा
तेरीला कताङ्नी सिक्यासुड, “दाक्पु
कोन्छ्योककी सुड ख्याप्ताक कितुप
क्युर ज्याक्नी समा गोतुप लाका
तिराड कितुप ति ल्यामु मिन। ३ तुक
क्यानी अच्युनुपतिवा, त याड ख्यिरा
पर नेमा कोन्छ्योककी थु चाङ्माकी
क्येङ्गुप ताड रिक्पा वोतुप ताड
तेरीकी ताङ्देन कितुप मिरा दिनला
ख्यिरा राड पेनी समा गोतुप लाका
ति तिवाला चेक ते। ४ यिने ड्यिराड
ति नरी मोपोर कितुप ताड सुड

ख्याप्ताक कितुप लाका कितिन।”
५ लोमा छ्येतिवी तुक सिक्यावु ताम्डे
ति तेरीकी सेमला गाल। तमा तिवी
तेपा रम्बु वोतुप ताड कोन्छ्योककी
थु चाङ्माकी क्येङ्गुप स्तिफनस
ताड फिलिप ताड प्रखरस ताड
निकनोर ताड तिमोन ताड पर्मिनास
ताड एन्टिओखिया नेसुर वानी यहूदी
छ्योला शुक्पु निकोलाउस तीला
पेसुड। ६ ती पेतुप मीतिवाला लोमा
छ्येतिवी चाला टि वानी लोमा
छ्येतिवी तिवी गोला लाक्पा ज्याक्नी
मोपोर क्यासुड। ७ तुक राड क्यानी
कोन्छ्योककी सुड ति फेल गल्नी
यरुशलेमला साड कोन्छ्योकला तेपा
कितुपतिवा बडी गाल। तमा यहूदी
ल्हडाडकी कोङ्यारतिवी नाड ने
बडीकी तिवी क्यावु तेपा ति सेमला
लासुड।

८ तमा कोन्छ्योक नेमा कटिन ताड
ओड थोप्नी स्तिफनसकी मीतिवी
पर्ला हलेवु लाका ताड ततिवा छ्या
तेन्सुड। ९ यिने ती पेला कुरेनी ताड
अलेक्जेन्ड्रिया ताड किलिकिया
ताड एशियाकी लुङ्बा नेसुर वावु
मीतिवा। १० ललाइ वानी स्तिफनस ताड
मुला खाँदा कितुप छाल्सुड। १० यिने
कोन्छ्योककी थु चाङ्माकी च्यु
ताड रिक्पा नेमा स्तिफनसकी ताम्डे
लापुप थोङ्सिमा तिवा सी साड काड

६:६ ती मीतिवा ति ‘स्वतन्त्र’ सिरुप ज्यिन्दाककी ओङ्ज्येन नेमा पि तङ्गुप योक्पु
छ्योक्पाकी मीतिवा यिन।

सि माथुप। ^{११}तमा तिवी छ्याकला मीतिवा ललाइला चेन्नी स्तिफनसकी तेन्दोकला दुक सि च्यिसुड, “दीकी याड कोन्छ्योक ताड मोशाकी तेन्दोकला के मारे तोङ्गुप ताम्डे लपुप ति ड्यिरा थोसुड।” ^{१२}तमा तिवी मीतिवा ताड यहूदी गोमा कितुप मी छ्येतिवा ताड यहूदी छ्योकी गेकेनतिवाला चेन्नी स्तिफनसला जिम्नी यहूदी छ्योकी ठिम्वाडला^१ टि वासुड। ^{१३}तमा तिवी पङ्बु जिनोक जोनी दुक सिक्कासुड, “दी मी तीकी याड मोशाकी ठिम ताड चाङ्मा वोतुप ल्हडाङकी तेन्दोकला नरी मारे तोङ्गुप ताम्डे तिराड लप्किनोक। ^{१४}च्यिलासिसिन नासरतकी येशूकी दी दासाला ना तोङ्गिगी, तमा मोशाकी दाक्पुला बिन्दुप लुक्सुतिवा साड पो गोकिवी सिनी तीकी सिक्कावु ति ड्यिरा थोसुड।” ^{१५}तमा ठिम्वाडला जोम्बुपतिवा तेरीकी स्तिफनसला छ्योर छ्योमे लहासालेन्सिन तीकी डो ति देवाच्येनकी लेन क्योलुप थुकी डो दोके ठछ्येली थोङ्सुड।

स्तिफनसकी कलोप बिन्दुप

७ ती ज्युकला तेरी सिनाड कोङ्गार छ्येकी स्तिफनसला “काड ख्योरो तेन्दोकला मीतिवी क्येन बिन्दुप ति टेङ्बु यिन?” सिनी टिसुड। ^२तमा स्तिफनसकी सिक्कासुड, “ओ

अच्युनुपतिवा ताड पालुतिवा, डे ताम्डे ल्यामो कयानी ड्येना! दाक्पी हङ्गावा अब्राहाम हारानला डोप सिनाड गोमाला मेसोपोटामियाला वोतुप पेला मोवा वोतुप कोन्छ्योककी ज्यल्का नाङ्नी ^३‘ख्युरुड ख्योरो लुङ्बा ताड ख्योरो छेङ्गाछालीतिवा क्युर ज्याक्नी चुका लुङ्बा ति डे ख्युरुडला छ्या देन्गिगे, ती लुङ्बाला ग्युक।’ सिनी सुङ्नोक। ^४कोन्छ्योककी तुक सुङ्सिमा अब्राहाम कल्दीतिवी लुङ्बा क्युर ज्याक्नी हारान लुङ्बाला गल्नी देसुड। तमा अब्राहामकी पपा नासु गल्सिमा कोन्छ्योककी खोला तन्दा दाक्पु देन वोतुप लुङ्बाला राड ताङ्सुड। ^५यिने कोन्छ्योककी ताङ्सिमा तीला नोर टोङ्बा तिराड मिन, कोम्बा ग्यकुप दासा साड मानाड। तोजो पेला अब्राहामला पेजा मेसिनाड कोन्छ्योककी दुक सिनी ताम्डे यी थाक्छ्येन नाङ्नोक, ‘ज्युक्थमाला दी तेरी लुङ्बा ति ख्युरुड ताड ख्योरो गिपाला तेर्कितो।’ ^६तमा कोन्छ्योककी अब्राहामला दुक सिनी सुङ्सुड, ‘ख्योरो गिपा ति छियग्यपला गल्नी दे गोकितो। तमा ती छियग्यपकी मीतिवी ख्योरो गिपाला लो सयी ज्यी सेक योक्पु जोनी छासे मेलोकपा कितो।’ ^७यिने ख्योरो गिपातिवाला योक्पु जोप लुङ्बी गिपाकी मीतिवी खला ड पच्या तोङ्गिनो। ती ज्युकला

ख्योरो गिपाकी मीतिवा ती लुङ्बा नेसुर थेन वानी दी दासाला राड डला सोवा देकितो।^९ तमा कोन्छ्योककी अब्राहामला यहूदीतिवी च्येतुप लुकसु कितुप ताम्डे साड थाक्छ्येन नाङ्सुड। ज्युक्ला अब्राहामला पुज्युड यी क्येनोक। तमा ती पुज्युड क्येवु डियमा दिनला तीकी यहूदी च्येतुप लुकसु क्यासुड। ज्युक्ला इसहाककी साड खोरो पुज्युड याकूबला ती च्येतुप लुकसु क्यासुड। तमा याकूबकी साड खोरो पुज्युड च्यिङ्डीला तुक राड क्यासुड।

^९याकूबकी पुज्युडतिवी खोप्रे नुप योसेफला ति ठतोक क्यानी मिश्र लुङ्बाला चोनी ताङ्सुड। क्यासिनाड कोन्छ्योक ति योसेफ ताड मुला राड ज्युनोक।^{१०} ती तप्की कोन्छ्योककी योसेफला ख्येलुप तेरी दुक्पा नेसुर ज्होक्नी मिश्रकी ग्येल्वु फारोकी चिप्ला खोकी कटिन ताड रिक्पा नाङ्सुड। तमा ग्येल्वु फारोकी योसेफला खोरो ग्येल्खाड ताड तेरी मिश्र लुङ्बाकी मी छ्ये जोसुड।^{११} तोजो पेला मिश्र लुङ्बा ताड कनानला डियमा मर्वु शर्नी तेरीला दुक्पा च्युङ्सुड। तमा दाक्पी हङ्गावातिवाला साड ग्यावी छ्येनी दुक्पा ड्येसुड।^{१२} मिश्र लुङ्बाला डु वे सिरुप ति याकूबकी थोनी खोरो पुज्युडतिवाला मिश्र लुङ्बाला डु ड्योपला ताङ्सुड।^{१३} तमा येलुड तिवा ते डु ड्योपला गलुप पेला योसेफकी उज्यु नुपतिवाला खोरो

कोर्ला लाप्सुड। तमा योसेफकी गिपातिवी कोर्ला ग्येल्वु फारोकी हाक्कोसुड।^{१४} ती ज्युक्ला योसेफकी पपा ताड तेरी मिछाडतिवा मिरा खल दिन ताड ड तेरीला खोरो ते राड कताङ्सुड।^{१५} कताङ्सिमा याकूब खोरो पुज्युडतिवा ताड मुला मिश्र लुङ्बाला गाल। तमा ते राड याकूब ताड दाक्पी हङ्गावातिवा गावा गल्नी नासु गाल।^{१६} ती ज्युक्ला तिवी फुङ्बु ति शकेमला खुन वानी हमोरकी पुज्युडतिवा ताड मुला अब्राहामकी गोड तेनी ड्योवु शिड खला मुक्तुम ग्यप्सुड।

^{१७} कोन्छ्योककी अब्राहाम ताड मुला थाक्छ्येन नङ्गुप तुजे ति छेन सिन्सुड। तमा मिश्र लुङ्बाला दाक्पी मीतिवा कशेन मड फेलिन गाल।^{१८} ती ज्युक्ला योसेफकी कोर्ला काड साड हाक्माकोवु यम्बा ग्येल्वु यीकी मिश्र लुङ्बाला ग्येला क्यासुड।^{१९} ती ग्येल्वु तीकी डियरा गिपाकी मीतिवाला किताड मेलोकपा क्यानी दाक्पी हङ्गावातिवाला मलोक क्येवु आडा टिकपेतिवाला सेन्बु मलङ्शी नोनी क्युर च्यिसुड।^{२०} ती पेला राड मोशा साड क्येसुड। ती ति कोन्छ्योककी थोङ्दाडला छासे ल्यामु नोक। तमा तीला ल सुम सेक खोरो पपाआमी सोसुड।^{२१} यिने ज्युक्ला तीला बानी ज्योक माथुप्नी क्युर्सिमा फारोकी पुमकी तीला खुन गल्नी खोरो पुज्युड दोके क्यानी सोसुड।^{२२} तमा मोशाकी

मिश्रीतिवी लुकसुला वोतुप येन्देनतिवा तेरी लाप्नी ताम्डे लपुप ताड लाकाला डार छ्येवु गाल्सुड।

२३ मोशा लो खल इयी लेप्सिमा तीला खोरो इस्राएलकी मीतिवाला ठेतुप नो क्यानोक। २४ मोशाकी खोरो मीतिवाला ठेतुप पेला तिवी पर नेमा मिरा च्यिकला मिश्री यीकी मेलोकपा क्यावु थोड्नी ती मिश्री तीला सेनी इयेन लासुड। २५ कोन्छ्योककी तिवाला मिश्रीकी ओड नेसुर ज्होकुपला खोरुडला तङ्गुप यिन सिरुप ति खोरो इस्राएलकी मीतिवी हाक्कोशी सिनी मोशाकी नो क्यानोक। यिने तिवी ती ताम्डे ति हाक्माको। २६ येलुड ती सला तीला इस्राएलकी मी मिरा इयी थमु ग्यकिन वोतुप मोशाकी थोड्सुड। तमा तिवाला थिन ज्यितुप नोनी दुक् सिक्यासुड, ‘ओ नुपतिवा, ख्यिराड याड पिन के यिन। च्यिला ख्यिराड थमु ग्यकिवी?’ २७ यिने मेलोकपा कितुप मी तीकी मोशाला पुलिन सिरा दुक् सिक्यासुड, ‘ख्युरुड ख्योरो लाम शु। ख्युरुडला सी ड्यिरा खला ठिम तोङ्गुप जोसुड?’ २८ काड दाड ति मिश्रीला सेतुप दोके ख्योरो डला साड सेतुप नोकिवी?’ २९ ती थोसिमा मोशा ति मिश्र लुङ्बा नेवा टोनी मिद्यान लुङ्बाला गल्नी देसुड। तमा ते तीकी ति पुज्युड पिन इयी क्येसुड।

३० तमा ते लो खल इयी सेक देसिमा सीनै रीला वोतुप दासा पाङ्थेरीला बुलुक दोङ्बी लोला बरिन वोतुप मे

मेलाप नाङ्ला मोशाकी देवाच्येनकी लेन क्योलुप थु यीला थोड्सुड। ३१ ती थोड्सिमा काड यिन्दे नोनी मोशा ति हलेवा लानी ल्ह गाल्सुड। तमा चोवो कोन्छ्योककी तीला दुक् सुङ्गुप वोरु थोसुड, ३२ ‘ड ख्योरो हङ्गावातिवा, अब्राहाम ताड इसहाक ताड याकूबकी कोन्छ्योक यिन।’ ती थोसिमा मोशा ज्यिवा लानी ज्हुकुप ताड तेवा लहापला साड डाडेड माक्या। ३३ तमा कोन्छ्योककी तीला सुड्सुड, ‘ख्योरो काङ्बाला कोन्दुप जुता पी! च्यिलासिसिन ख्युरुड लानी देतुप दासा ति चाङ्मा यिन। ३४ मिश्र लुङ्बाला वोतुप डे मीतिवाला छेटाड दुङल ख्येलुप ति वुतुड के डे थोड्सुड। तिवी डुप्राड क्यावु तिड डे थोसुड। ती तप्की ड तिवाला ज्होकुपला वावु यिन। दे शोक। त याड ड ख्युरुडला मिश्र लुङ्बा राड लोकनी तोडियनो।’

३५ ती मोशाला राड मीतिवी दुक् सिक्यावु यिन, ‘ख्युरुडला सी ड्यिरा खला ओङ्ज्येन कितुप ताड ठिम तोङ्गुप जोसुड?’ यिने कोन्छ्योककी ती मोशाला राड ती मीतिवाला ठिम तोङ्गुप ताड थर ज्यितुपला मे बरिन वोतुप दोङ्बी पर नेमा देवाच्येनला लेन क्योलुप थु नेसुर ताड्सुड। ३६ तमा मोशाकी मिश्र लुङ्बा ताड ग्येम्छो मर्वु ताड दासा पाङ्थेरीला क्यानी लो खल इयी सेक हलेवु लाका ताड ततिवा छ्या तेन्नी यहूदीतिवाला तीकी राड मिश्र लुङ्बा नेसुर तेन्सुड। ३७ ती

मोशाकी राड इस्राएलकी मीतिवाला
दुक सिक्या वे, 'कोन्छ्योककी
ख्यिरा रङ्गी उज्युनपतिवी पर
नेसुर ड दोके खोकी लुङ्तेम्बा मिरा
च्यिकला तोङ्गितो।' ३८ती मोशाकी
राड दाक्पी हङ्गावातिवाला दासा
पाङ्थेरीला टिनी वासुड। तमा सीनै
रीला देवाच्येनकी लेन क्योलुप थुकी
मोशा ताड मुला ताम्डे लाप्सुड। ते
राड सुड टेङ्बु ति मोशाला थोप्नी
दाक्पुला बिन्दुप यिन।

३९यिने दाक्पी हङ्गावातिवी खोकी
ताम्डे माङ्येन, तमा तीला क्युर
ज्याक्नी मिश्र लुङ्बाला लोकनी डोप
नो क्यासुड। ४०तमा तिवी हारूनला
दुक सिक्यासुड, 'ड्यिरा थोक्ला
गोमा कितुप ल्हलुतिवा जो नाड।
च्यिलासिसिन ड्यिराडला मिश्र
लुङ्बा नेसुर तेन वुङ्गुप मोशाला
काड क्याते, ड्यिराडला छ्या मे।' ४१तमा ती ज्युक्ला तिवी पिउकी कु
यी जोनी तीला जिन्बा तङ्नी खोप्ने
जोवु च्यालकला गा क्यासुड। ४२तुक
क्यानी कोन्छ्योककी तिवाला ड्याम
माक्यानी नामगी कर्मातिवाला छ्यो
तोङ्गुपला क्युर्नी ज्याक्सुड। ती तप्की
कोन्छ्योककी लुङ्तेम्बाकी सुडला
साड दुक सिनी टि वे,

‘ओ इस्राएलकी मीतिवा,
काड लो खल ड्यी सेक ख्यिरा
डला ती दासा पाङ्थेरीला

बुल्वा ताड सेम्येन सेनी
जिन्बा तङ्गुप?

४३ख्यिरा याड मोलोख ल्हकी कुर
ताड रेफन ल्हकी कर्मा ताड
ख्यिरा छ्यो तोङ्गुपला जोवु
कुतिवा खुर्नी गाल।

ती तप्की ख्यिराडला बेबिलोन
पाङ्गला तेन्नी तोङ्गियन।’*

४४तमा पाङ्थेरी दासाला देतुप पेला
दाक्पी हङ्गावातिवी पङ्बुकी कुर
यी नोक। ती कुर ति कोन्छ्योककी
मोशाला छ्या तेन्दुप दोके राड जोवु
नोक। ४५ज्युक्ला ती कुर ति दाक्पी
हङ्गावातिवाला थोप्सुड। तमा
यहोशूकी मीतिवी मिरिक यम्बी लुङ्बा
ति खोरो लकला लासिमा ती कुर ति
ती लुङ्बाला खुर्नी वासुड। ती कुर
ति दाऊदकी डो सेक ते राड लुसुड।

४६ती दाऊदकी राड कोन्छ्योक नेमा
मोलांम थोप्नी, याकूबकी कोन्छ्योक
ज्युवु दासा यी जो नाड सिनी गोङ्बा
शुसुड। ४७यिने ती दासा जोप ति
सोलोमन यिन। ४८क्यासिनाड चोछ्येवु
कोन्छ्योक ति मी जोवु खाङ्बी नाङ्गला
मुज्युयी। तीकी थोक्ला कोन्छ्योककी
लुङ्तेम्बाकी दुक सिक्या वे,

४९‘देवाच्येन ति डे ठी यिन।

जम्बुलिङ ति डे काङ्बा ज्योक्सा
यिन।

ख्यिरा डे थोक्ला चुका खाङ्बा
जेवी?

डे डासोप दासा ति चुका ति
यिन?

५० काड दी तेरी च्यालकतिवा डे
राड जेवु मिन?’*

५१ ओ अम्बारडिशड ताड सेम
क्योङ्बु ताड नम्ज्योक वोन्बी टेङ,
खिरा हङ्गावातिवी क्यावु दोके
खिराड साड कोन्छ्योककी थु
चाङ्माला मारे तोङ्गिनोक। ५२ खिरा
हङ्गावातिवी चुका कोन्छ्योककी
लुङ्तेम्बातिवाला छेटाड माबिन
वे? टेङ्बु वोतुप मी यी गितो सिरुप
कोन्छ्योककी लुङ्तेम्बातिवा तेरीला
तिवी सेसुड। तमा खिरा साड ती
टेङ्बु वोतुप तीला क्येन बिन्नी सेतुप
यिन। ५३ देवाच्येनकी लेन क्योलुप
थुतिवी सिक्कावु ठिम याड खिराडला
थोप्सुड, यिने खिराड ती ठिमला ति
माङ्येन।”

स्तिफनसला सेतुप

५४ स्तिफनसकी तुक सिक्कावु
थोसिमा यहूदी छ्येतिवा छासे
डियर्मु लानी काड साड माथोड।
५५ यिने स्तिफनस कोन्छ्योककी
थु चाङ्माकी क्येङ्नी देवाच्येन ने
ल्हानी कोन्छ्योककी मोवा ताड
येशू ख्रीष्ट ति कोन्छ्योककी यावी
थाकाला लानी वोतुप थोङ्सुड।
५६ तमा तीकी सिक्कासुड, “ल्होसा,
देवाच्येन सेङ्गुप ताड मी सेवु ति

कोन्छ्योककी यावी थाकाला लानी
वोतुप ति डे थोङ्सुड।” ५७ ती थोसिमा
तिवा तेरी खोप्रे नम्ज्योक उप्नी थोर
ग्यकिन सिरा स्तिफनसला दुङ्गुपला
छ्योङ्बाल ग्यप्नी गाल्सुड। ५८ तमा
तीला टितिन सिरा ग्येसाकी फिला
क्यल्नी दो थवोनी पोप्सुड। ती पेला
ते च्युङ्गुप ताम्डेकी पङ्बु देतुपतिवी
खोप्रे मज्यातिवा पिनी शाऊल सिरुप
ख्योकपेजा यीकी चाला ज्याक्नोक।
५९ मीतिवी खोरुडला दो बेपिन वोतुप
पेला स्तिफनसकी दुक सिनी मोपोर
क्यासुड, “ओ चोवो येशू, डे सेम ति
ख्युरुडला राड चेक तेतिन।” ६० ती
ज्युक्ला खोकी पुमुड सला चुनी थोर
ग्यप्नी सिक्कासुड, “कोन्छ्योक, दिवी
क्यावु दिक्पाकी क्येन ति दिवाला
मोफोकशी।” तोजोयी सिक्कासिमा
तीकी उ छ्येसुड।

स्तिफनसला सेतुप मीतिवी पर्ला
शाऊल साड ख च्यिक नोक।

शाऊलकी तेपा कितुपतिवाला छेटाड बिन्दुप

ती छेर्मु राड यरूशलेमकी तेपा कितुप
मीतिवाला यहूदी गोमा कितुपतिवी
जिम्नी छेटाड तेरुप छाल्सुड। तमा
लोमा छ्येतिवा मिसिन यम्बा तेपा
कितुप मीतिवा तेरी यहूदिया ताड
सामरियाकी दासा दासा नेवा थरा
थुरा गाल्सुड। २ ललाइ कोन्छ्योकला

सोवा देकुप मीतिवी स्तिफनसकी
फुङ्बु ति खुन गल्नी मुक्तुम ग्यप्सुड।
तमा खोकी थोक्ला छासे डुप्राड
क्यासुड। ३यिने शाऊलकी ते वोतुप
चर्चतिवा ना तोङ्गुप छाल्सुड। तमा
खाङ्बा खाङ्बाला शुनी तेपा कितुप
ख्योकपेजा ताड पुम्पेजातिवा तेरीला
टिनी वुङ्गियन ताड चोन्खाङला उपिन
क्यासुड।

फिलिपकी सामरियाला ख्याप्टाक क्यावु

४ती थरा थुरा गलुप तेपा कितुप
मीतिवा खोप्राड कनी कनी डिवे,
ते राड कोन्छ्योककी सुड ति
ख्याप्टाक क्यासुड। ५तमा फिलिप
ति सामरियाकी ग्येसा यीला गल्नी
ख्रीष्टकी कोर्ला ख्याप्टाक क्यासुड।
६फिलिपकी हलेवु ततिवा छ्या
तेन्दुप ताड सुड ख्याप्टाक क्यावु
थोङ्नी मीतिवी तीकी ताम्डेला ड्याम
क्यानी ड्येन्सुड। ७च्यिलासिसिन मी
माङ्शोक नेमा डेतिवा थोर ग्यप्नी च्यार
देनिन थेन्सुड। तमा जे ग्यपुप मीतिवा
ताड युक् मुथुवुतिवा साड टेकसुड।
८ती तप्की ती ग्येसाकी मीतिवाला
छासे सेम लोदिमु च्युङ्गनोक।

जिम्डुल टुलुप सिमोनकी कोर्ला

९ती पेला ती ग्येसाला सिमोन
सिरुप मी यी नोक। तीकी गोमा
नेज्युनी जिम्डुल टुलुप लाकातिवा
छ्या तेन्नी सामरियाकी मीतिवा

तेरीला हलेवा लङ्नी खोरुड ति ड
राड यिन सिनी नो किनोक। १०तमा
तीला छ्ये छ्युडा तेरीकी “दी मी
ति चोछ्येवु कोन्छ्योककी ओड
थोपुप यिन।” सिनी ताङ्देन किनोक।
११च्यिलासिसिन तोड नेज्युनी ती
सिमोन तीकी मीतिवाला जिम्डुल
छ्या देन्दुप लाकातिवा क्यानी हलेवा
लाङ्गनोक। तुक् क्यानी मीतिवा तीकी
तिङ्गला तिङ्ग्योकिनोक। १२यिने
फिलिपकी कोन्छ्योककी ग्येल्खापकी
कोर्ला ताड येशू ख्रीष्ट मिङ्की कोर्ला
ख्याप्टाक क्यावु ताम्डेला ख्योकपेजा
ताड पुम्पेजातिवा तेरीकी तेपा क्यानी
बप्तिस्मा लासुड। १३तमा ती सिमोन
तीकी साड तेपा क्यानी बप्तिस्मा
लासुड। तमा फिलिप कनी डिवे, ती
साड ते राड गाल। फिलिपकी क्यावु
हलेवु लाकातिवा थोङ्नी तीला हलेवा
लासुड।

१४तमा सामरियाकी मीतिवी साड
कोन्छ्योककी सुड सेमला लासुड
सिरुप ताम्डे ति यरूशलेमला
वोतुप लोमा छ्येतिवी थोनी पत्रुस
ताड यूहन्नाला तिवी ते ताङ्सुड।
१५तिवा ते लेप्सिमा तेपा क्यावु मी
सम्बातिवाला कोन्छ्योककी थु
चाङ्मा थोप्शी सिनी तिवी थोक्ला
मोपोर क्यासुड। १६च्यिलासिसिन ती
पेला तेपा कितुप मी सम्बातिवी येशूकी
मिङ्गला बप्तिस्मा तिराड लानोक,
यिने कोन्छ्योककी थु चाङ्मा ति
सुला साड माथोप्नोक। १७ती तप्की

पत्रुस ताड यूहन्नाकी तिवी गोला लाक्पा ज्याक्सुड। तमा तिवाला कोन्छ्योककी थु चाङ्मा थोप्सुड।
 १८लोमा छ्येतिवी मीतिवी गोला लाक्पा ज्याक्सिमा कोन्छ्योककी थु चाङ्मा थोप्किनोक सिरुप ति थोङ्नी ती सिमोनकी लोमा छ्येतिवाला टङ्गा तेरिन दुक सिक्यासुड, १९“दी ओड ति डला साड नङ्नी डे साड सु थेपकी गोला लाक्पा ज्याक्सिन तीला कोन्छ्योककी थु चाङ्मा थोप्शी।”

२०ती थोसिमा पत्रुसकी दुक सिक्यासुड, “ख्योरो टोङ्बा याड ख्योरो लोला राड ना डोशी, च्यिलासिसिन कोन्छ्योककी कटिन ति टङ्गा तेनी इयो थुप्किवी सिनी ख्योरो नासाम ताङ्नोक। २१दीकी कोर्ला याड ख्योरो डियरा मुला काड साड लाका कि मुथुपी। च्यिलासिसिन कोन्छ्योककी थोङ्दाडला ख्योरो सेम टेङ्बु मिन्दुक। २२ख्युरुड दी सेम मेटेङ्बु कितुप लाका क्युर्नी कोन्छ्योकला मोपोर की! तुक क्यासिन ख्योरो सेमगी ताम्डे मेलोकपातिवाला खोकी माफ नङ्गते यिन्दे। २३च्यिलासिसिन डे ल्हासिन ख्युरुड खोनक्पु ताड दिक्पी ओडला शोर्नी नोक।” २४ती थोसिमा सिमोनकी सिक्यासुड, “डे थोक्ला कोन्छ्योकला मोपोर क्या नड, तुक क्यासिन ख्योरो सुङ्गुप दोके ताम्डे मेलोकपातिवा डे खला मेख्येल्ली।”

२५तमा पत्रुस ताड यूहन्ना कोन्छ्योककी सुड ख्याप्टाक कियी

ताड पङ्बु तेरिन सिरा यरूशलेमला लोकसुड। लोकुप पेला तिवी सामरियाकी युल बडीला लेन ल्यामु ख्याप्टाक क्यासुड।

फिलिप ताड इथियोपियाकी मी छ्ये

२६ती ज्युक्ला कोन्छ्योककी लेन क्योलुप थु यीकी फिलिपला दुक सिक्यासुड, “ख्युरुड लानी ल्होकी थाकाला ख्येलुप दासा पाङ्थेरीला ग्युक। तेसुर यरूशलेम नेवा गाजाला डोप लामला लेप्किवी।” २७ती थोसिमा फिलिप ति लानी गाल। डोप पेला लामला इथियोपियाकी मी छ्ये यीला ठेसुड। ती मी ति इथियोपियाकी ग्येल्मु कन्दाकीकी तेरी नोर टोङ्बा ल्हाप खाक्छ्येवु मी छ्ये यिनोक। ती ति कोन्छ्योकला सोवा देकुपला यरूशलेमला वानोक। २८तमा खाङ्बा लोकुप पेला लामला ती मी ति खोरो तखुर खला देनी यशैया लुङ्तेम्बाकी थेप लोपिन वोतुप फिलिपकी थोङ्सुड। २९तमा कोन्छ्योककी थु चाङ्माकी फिलिपला सुङ्सुड, “ख्युरुड ती तखुरकी तिङ तिङ्ला ग्युक।” ३०तमा फिलिप ति छ्योङ्बाल ग्यकिन गाल। ती मी छ्ये तीकी कोन्छ्योककी लुङ्तेम्बाकी थेप लोपिन क्यावु थोनी फिलिपकी तीला दुक सिनी टिसुड, “दी ख्योरो लोपिन वोतुप थेप ति हाक्कोकिनोक?” ३१तमा

तीकी सिक्यासुड, “दीकी तेन्दोक ति ललाइकी सि माक्यासिन डे चुक क्यानी हाक्कोवुजा?” तुक सिक्यासिमा तीकी फिलिपला खोरो तखुर खला मुला राड दे च्यिसुड।
 ३२ती मी छ्ये तीकी रकिन कितुप सुड ति दी नोक,

“लुक सेतुपला टि गलुप दोके
 याङ्ना पाल टेकुप पेला लुक
 खरक्पा सोके देतुप दोके
 खोकी काड साड मासुड।

३३तुक राड क्यानी मीतिवी खोला
 मारे तोङ्गुप पेला टेके ठिम
 क्या माबिन।

काड खोकी गिपाकी मेलोवा
 क्यावु कोर्ला सी ताम्डे कि
 थुक्किवी?

च्यिलासिसिन खोकी मिजी ति दी
 जम्बुलिङ ने तोर्नी गाल।”*

३४तमा ती मी तीकी फिलिपला
 दुक सिनी टिसुड, “कोन्छ्योककी
 लुङ्तेम्बाकी दुक सिक्यावु ति सी
 थोक्ला सिक्यावु यिन? खोरो थोक्ला
 यिनाड की, यम्बी थोक्ला यिन?
 डला लोप।” ३५तमा फिलिपकी
 ती कोन्छ्योककी लुङ्तेम्बाकी
 थेप नेसुर राड येशूकी कोर्ला लेन
 ल्यामु ख्याप्टाक क्यासुड। ३६तेसुर
 तिवा डोयी कितुप पेला छ्यु वोतुप
 दासा यीला लेप्सुड। तमा ती मी

तीकी फिलिपला “ल्हो ताड, दे
 छ्यु नोक। काड डला बप्तिस्मा
 तेर थुक्किवी?” सिनी सिक्यासुड।
 ३७(तमा फिलिपकी सिक्यासुड,
 “दोजो ख्योरो सेमगी दिड नेज्युनी
 तेपा क्यासिन बप्तिस्मा लासिनाड
 गिवी।” तमा तीकी सिक्यासुड, “येशू
 ख्रीष्ट कोन्छ्योककी शेवु राड यिन
 सिनी ड तेपा कितिन।”)† ३८तीकी
 तुक सिक्यासिमा तखुर तीला तेराड
 ज्याक्नी तिवा डियकर मर छ्यी
 चाला गाल्सुड। तमा फिलिपकी
 ती मी तीला बप्तिस्मा बिन्सुड।
 ३९तमा तिवा डियकर छ्यी नाड ने
 थेन्लुङ्मे कोन्छ्योककी थु चाङ्माकी
 फिलिपला शाक्येक टिनी फेप्सुड।
 ती ज्युक्ला ती मी तीकी फिलिपला
 माथोड, यिन्सिनाड गा कियी सिरा
 खोरो लाम शुसुड। ४०ती पेला राड
 फिलिप ति अशदोदला लेप्नोक। तमा
 कैसरियाला लेप्ता सेक लामला वोतुप
 तेरी युल ताड ग्येसातिवाला लेन ल्यामु
 ख्याप्टाक कियी गाल।

शाऊलकी सेम ग्युर्नी येशूला तिङ्यावु

(लोमा छ्येतिवी लाका २२:६-१६; २६:१२-१८)

ए यिने शाऊल ति चोवो येशूला
 तेपा कितुप लोमातिवाला सेन
 क्युरिन सिनी ज्यिवा कुयिन नोक।
 तमा ती ति तेरी सिनाड कोङ्यार

८:३७ माङ्शोक थेपला ती पदला सिक्यावु ताम्डे ति मे।


८:३२-३३ यशैया ५३:७-८

छ्येकी चाला गल्नी २येशूला तेपा कितुप ख्योकपेजा ताड पुम्पेजातिवा सुला थेप्सिनाड टानी यरूशलेमला टि वुङ्गुप सिनी दमस्कसकी छ्योखाडतिवी मी छ्येला छ्या देन्दुप यिकी जो नाड सिनी सिक्क्यासुड।

३तमा यिकी थोप्नी तेसुर गल्सिमा दमस्कसला लेप्तु छ्येवु पेला शाक्येक देवाच्येन नेमा तीकी गारी गुरीला वो सल्वु यी ग्यप्सुड। ४तमा वो ग्यप्लुङ्मे शाऊल ति तला लोक ग्यप्सुड। ती पेला तीकी दुक सिरुप वोरु यी थोसुड, “शाऊल, शाऊल, ख्युरुड डला च्यिला छेटाड तेर्किवी?” ५तमा शाऊलकी सिक्क्यासुड, “चोवो ख्युरुड सु यिन?” तमा ते दुक सिरुप वोरु यी शाऊलकी थोसुड, “ड येशू यिन, ख्योरो डला छेटाड तेरिन वे। ६त ख्युरुड लानी ग्येसाला ग्युक! तमा ते ख्योरो काड कि गोक, ती ति मी च्यिककी ख्युरुडला लोप्कितो।” ७ती थोनी शाऊलकी मुला गलुप मीतिवा हलेवा कियी खरक्पा सोके छ्योर छ्योरी लहानी देसुड। च्यिलासिसिन तिवी वोरु तिराड थोनोक, यिने सुला साड माथोङ्नोक। ८तमा शाऊल खोक लानी मिक पेनी लहासिन तीकी काड साड थोड मुथुपुप गाल्सुड। ती तप्की तीकी मुला वोतुप मीतिवी तीला लाक्पाला जिम टिनी दमस्कसला क्याल्सुड। ९डियमा सुम सेक तीकी मिक साड थोड माथुप। तमा समा साड मासो, छ्यु साड माथु।

१०ती पेला दमस्कसला हननिया सिरुप येशूला तेपा कितुप मी मिरा च्यिक नोक। चोवोकी तीला ज्यल्का थोप्नी “ओ हननिया!” सिनी कताड्सुड। तमा तीकी “ला चोवो, ड दे राड वे।” सिनी सिक्क्यासुड। ११तमा चोवोकी तीला सुड्सुड, “ख्युरुड थेकाड सिरुप लामला वोतुप यहूदाकी खाड्बा ग्युक! तमा ते लेप्सिमा टार्ससकी शाऊल कनी वे सिनी टी! तन्दा ती मी ति तेराड कोन्छ्योकला मोपोर कयानी देन वे। १२तीकी हननिया सिरुप मी यी वानी खोरो गोला लाक्पा ज्याक्सिमा खोरो मिक थोड थुपुप ज्यल्का थोप्नी वे।” १३तमा हननियाकी सिक्क्यासुड, “चोवो, ती मी तीकी याड यरूशलेमला देतुप तेपा कितुप मीतिवाला छासे मेलोक्पा किनोक सिरुप ति मी बडीकी ख नेसुर डे थोसुड। १४दे साड येशूकी मिडला तेपा कितुपतिवा तेरीला टानी टि डोपला कोड्यार छ्येतिवा नेसुर तीला ओड ड्येनी वे।” १५यिने चोवोकी हननियाला सुड्सुड, “ख्युरुड ग्युक! गल्नी डे काड सिक्क्यावे, ती ति की! च्यिलासिसिन शाऊल ति मिरिक यम्बातिवा ताड ग्येल्बुतिवा ताड इस्राएल मीतिवाला डे सुड ख्याप्टाक कितुपला पेतुप मी यिन। १६तमा तीकी डे थोक्ला चो दुक्पा खुर गोकिनोक सिरुप ति ड तीला छ्या देनिन।”

१७चोवोकी तुक सुडिसमा हननिया गल्नी ती खाड्बी नाड्ला शुसुड।



तमा शाऊलकी गोला लाक्पा ज्याक्नी
 “आड शाऊल, ख्युरुड दी ग्येसाला
 वुङ्गुप पेला लामला ख्युरुडला छ्या
 देन्दुप चोवो येशूकी ख्युरुडला येलुड
 थोड थुपुप ताड ख्युरुड कोन्छ्योककी
 थु चाङ्माकी क्येङ्शी सुङ्नी डला
 ख्योरो चाला तङ्गुप यिन।” सिनी
 सिक्यासुड। १८हननियाकी तुक
 सिक्यालुङ्मे शाऊलकी मिक नेमा
 चेताक दोके थेन गल्नी तीकी मिक
 ति थोड थुपुप गाल्सुड। तमा ती ति
 खोक लान गल्नी बप्तिस्मा लासुड।
 १९ती ज्युक्ला तीकी समा सोसिमा
 जुला डार ड्येसुड।

शाऊलकी दमस्कसला ख्याप्ताक क्यावु

तमा शाऊल डियमा अलायी सेक
 दमस्कसला वोतुप लोमातिवी मुला
 राड देसुड। २०ते शाक्येक तीकी
 येशू ति कोन्छ्योककी सेवु राड यिन

सिनी यहूदी छ्योखाडतिवी नाङ्ला
 ख्याप्ताक कितुप छाल्सुड। २१तीकी
 सुड ख्याप्ताक क्यावु थोनी मीतिवा
 तेरी हलेवा लानी, “काड दी मी ति याड
 यरुशलेमला वोतुप येशूकी तिङ्ला
 तिङ्योकुपतिवाला छेटाड तेरुप ति
 मिन? तोजो तिराड मिन, दीकी याड
 देकी तेपा कितुपतिवाला साड जिम्नी
 कोङ्यार छ्येतिवाला चेक तेतुपला
 वावु यिन।” सिनी सिक्यासुड।
 २२यिन्सिनाड शाऊल मड डार छ्येवु
 गल्नी दमस्कसला देतुप यहूदीतिवाला
 वुतुड के येशू राड ख्रीष्ट यिन सिरुप
 पङ्बु बिन्नी तिवी सेमला काड कितुप
 काड कितुप जोसुड।

२३ती तप्की डियमा अलायी ज्युक्ला
 यहूदीतिवी शाऊलला सेतुप छाल्सुड।
 २४ती ताम्डे ति मीतिवी शाऊलला
 सिक्यासुड। तमा यहूदीतिवा
 शाऊलला सेतुप सिनी गारी गुरीला
 दोकर ग्यपुप ग्येसा नेमा पाङ्ला थेन्दुप

गोतिवी चाला ड्यी ताड नुज्या गुनी देकिनोक। २५ती तप्की तीकी मुला वोतुप लोमातिवी तीला नुपला राड तोलुम नाङ्ला ज्याक्नी ग्येसाकी दोकर ख नेमा मर पाप्नी ताड्सुड।

शाऊल यरूशलेमला लोकनी वावु

२६तेसुर शाऊल यरूशलेमला लेप्सिमा तेकी लोमातिवा ताड मुला थिन्दुप छाल्सुड। यिने तिवा तेरी ती ताड मुला ज्यिवा क्यासुड। च्यिलासिसिन शाऊल ति वुतुड के येशूकी लोमा यिन सिरुप ति तिवी तेपा कि माथुप। २७तमा लोमातिवी पर नेमा बारनाबासकी शाऊलकी लाक्पाला जिम्नी लोमा छ्येतिवी चाला टि वानी चुक क्यानी चोवो येशूकी शाऊलला दमस्कस डोप लामला छ्यार्सुड, खोकी तीला काड सुड्सुड, तमा चुक क्यानी ती ग्येसाला ज्यिवा माक्यावा क्यानी येशूकी मिडला लेन ल्यामु ख्याप्टाक क्यासुड, ती तेरी ताम्डे ति तिवाला लाप्सुड। २८ती तप्की यरूशलेमला वोतुप लोमातिवी शाऊलकी ताम्डेला तेपा क्यासुड। तुक क्यानी शाऊल ति तेपा कितुप मीतिवी मुला नरी देनी काड ज्यिवा माक्यावा क्यानी यरूशलेमला युनी येशूकी सुड ख्याप्टाक क्यासुड। २९तमा खो ग्रीक ताम्डे लपुप यहूदीतिवी मुला येशूकी सुडगी कोर्ला ताम्डे कितुप ताड केवुल साड किनोक। यिने तिवी

तीला सेतुप छोल्लिनोक। ३०ती ताम्डे थोसिमा तेपा कितुपतिवी शाऊलला कैसरियाला टि वानी तेसुर तीला टार्ससला ताड्सुड।

३१तमा यहूदिया ताड गालील ताड सामरियाला वोतुप तेरी चर्चतिवाला लोदिमु ताड रम्बु डोयी गाल। तेपा कितुपतिवा कोन्छ्योकला ज्यिवा क्यानी खोकी सुडला युकुप ताड खोकी थु चाङ्माकी टोङ्गु ड्येनी चर्चतिवा मड मड फरिन गाल्सुड।

पत्रुसकी लाक्पा काड्बा शोरुप मीला टेक च्यितुप

३२ती पेला पत्रुस ति फार छुर तेरी दासाला कोरा ग्यकिन ग्यकिन लुड्डाला वोतुप तेपा कितुपतिवी चाला लेप्सुड। ३३ते तीकी एनियास सिरुप मी यी ठेसुड। ती मी ति लो ग्ये नेज्युनी काड्बा लाक्पा शोरुप नेजु ग्यप्नी ड्यिलोकनी राड देकिनोक। ३४तमा पत्रुसकी तीला “ओ एनियास, येशू ख्रीष्टकी ख्युरुडला टेक ज्यिकिवी। खोक लानी ख्योरो सप्तेन थुल!” सिनी सिक्कासुड। तमा ती ति शाक्येक खोक लासुड। ३५ती थोड्सिमा लुड्डा ताड शारोनला देतुप मीतिवा तेरीकी येशूला तेपा क्यासुड।

पत्रुसकी शेप डोरकासला सेन्बु लङ्गुप

३६योप्पा ग्येसाला तबीता सिरुप पुम्पेजा यी देकिनोक। तीकी मिड ति

ग्रीक ताम्डेला डोरकास सिनोक।[†] तीकी नरी लाका टेङ्बु तिराड कितुप ताड पेराङ्बुतिवाला साड दाल्जा किनोक।^{३७} तोजो पेला राड ती ति नानी शिसुड। तमा मीतिवी तीला जु टुनी येर तेला वोतुप कोठाला ज्याक्सुड।^{३८} पत्रुस ति लुङ्डाला वे सिरुप ति लोमातिवी थोनी मी मिरा ड्यीला “ड्यिरा ते डमु फेप।” सिनी गोङ्बा शु ताङ्सुड। च्यिलासिसिन लुङ्डा ति योप्पा नेवा थाक्डियमु राड ख्येल्लिनोक।^{३९} तमा पत्रुस तिवी मुला ते गाल। ते लेप्सिमा तिवी पत्रुसला येला तेला वोतुप कोठाला क्याल्सुड। ते पेर्मी युक्सिमतिवा तेरी पत्रुसकी गारी गुरीला लानी डुयी सिरा तबीता तिवी मुला वोतुप पेला तीकी चेम्बुप मज्यातिवा छ्या तेन्सुड।^{४०} तमा पत्रुसकी ते खाङ्बी नाङ्ला वोतुप मीतिवा तेरीला पाङ्ला तेन तङ्नी पुमुड चुनी मोपोर क्यासुड। ती ज्युकला फुङ्बु तीकी थाकाला ल्हानी, “ओ तबीता खोक लो!” सिनी सिक्यासुड। तमा तीकी मिक पेनी पत्रुसला थोङ्सिमा लानी देसुड।^{४१} तमा पत्रुसकी तीकी लाक्पाला जिम्नी खोक लाङ्सुड। ती ज्युकला तेकी युक्सिमतिवा ताड तेपा कितुपतिवाला नाङ्ला कताङ्नी ती शेष ने सेन्बु लावु ति तेरीला छ्या तेन्सुड।^{४२} ती ताम्डे थोनी योप्पाला

देतुप मीतिवा माङ्शोककी येशूला तेपा क्यासुड।

^{४३} ती ज्युकला पत्रुस योप्पा ग्येसाला क्वा चेम्बुप सिमोन सिरुप मी यीकी खाङ्बा ड्यिमा अलायी देसुड।

कर्नेलियसकी पत्रुसला कतङ्गुप

१० ती पेला कैसरिया ग्येसाला कर्नेलियस सिरुप रोमी मी यी नोक। ती ति इटालिया सिरुप रोमी मक्मी सयी च्यिककी खकी छ्ये यिनोक।^१ ती कर्नेलियस ति कोन्छ्योककी सुडला युक्प मी नोक। तीकी मिछाडतिवा तेरी मुला कोन्छ्योकला ज्यिवा क्यानी पेराङ्बुतिवाला बुल्दिर ग्यकुप ताड कोन्छ्योकला नरी मोपोर कियिनोक।^२ ड्यिमज्यिक गोसे छ्युजी सुम चोयीला ज्यल्काला कोन्छ्योककी लेन क्योलुप थु यी खोरो चाला वुङ्गुप ति कर्नेलियसकी ल्यामो क्यानी थोङ्सुड। तमा ती लेन क्योलुप थु तीकी कर्नेलियसला “ओ कर्नेलियस!” सिनी कताङ्सुड।

^३ देवाच्येनकी लेन क्योलुप थु तीला थोङ्सिमा कर्नेलियसकी ज्यिवा लानी दुक सिक्यासुड, “ओ चोवो, ख्युरुडला काङ गोसुड?” तमा देवाच्येनकी लेन क्योलुप थु तीकी सिक्यासुड, “ख्योरो मोपोर क्यावु ताड पेराङ्बुतिवाला बुल्दिर बिन्दुप ति कोन्छ्योकला छ्या

वे। ५तुक क्यानी त याड पत्रुस सिरुप सिमोनला कतोङ्गुपला मीतिवा योप्पा ग्येसाला तोड! ६ती ति ग्येम्छो गारीला देतुप क्वा चेम्बुप सिमोन सिरुप मी यीकी खाङ्बा देनी वे।” ७तोजोयी सिक्कासिमा देवाच्येनकी लेन क्योलुप थु ति गाल। गल्सिमा कर्नेलियसकी खोरो लावा मिरा ड्यी ताड यम्बा खोरुडला शब्ज्यी कितुप कोन्छ्योककी कला युकुप मक्मी यीला कताङ्गिसमा ८ते च्युङ्गुप ताम्डेतिवा तेरी सिक्कानी तिवाला योप्पा ग्येसाला ताङ्सुड।

कोन्छ्योककी पत्रुस ताड मुला ताम्डे क्यावु

९ती सला तीला ड्यीमी गुडगी छ्युजी च्यिङ्डी चोयीला कर्नेलियसकी तङ्गुप मीतिवा योप्पा ग्येसाला लेप्सुड। ती पेला पत्रुस ति मोपोर कितुपला खाङ्बी खला वोतुप कौसीला गालनोक। १०-११ती पेला पत्रुसला ल्होवा लावु तप्की काड रे च्यिक रे सयिदे लानोक। यिने यम्बातिवा समा जोयी कितुप पेला तीकी नाम सेवु ताड नाम नेमा सुर सुरला टावु च्यादार दोके सला पपिन वोतुप ज्यल्का थोङ्सुड। १२ती च्यादार खला जम्बुलिङकी नम्बा कुतुक कुतुक ठेक्पा ज्यी चुनी युकुप सेम्ज्येन ताड जु टिनी युकुप बु ताड नामला फुरुप च्यच्युमतिवा तेरी नोक। १३तमा ते पत्रुसला “ओ पत्रुस,

लानी तिवा सेनी सो।” सिरुप वोरु यी थोसुड। १४तमा पत्रुसकी सिक्कासुड, “चोवो, मिन! डे याड नाम्साड मेचेङ्गा वोतुप श मासो वे।” १५ती ज्युक्ला साड येलुड दुक सिरुप वोरु यी लेसुड, “कोन्छ्योककी चेङ्गा जो नङ्गुप च्यालकला ख्योरो मेचेङ्गा यिन सिनी नासाम मातोड!” १६येलुड तिङ्गला साड थेङ्मा सुम सेक तुक सिरुप वोरु थोसुड। तमा ती ज्युक्ला शाक्येक ती च्यादार ति नाम ने केला राड लोकनी गाल।

१७तमा खोरो थोङ्गुप तेन्दोक ति काड यिनाड सिनी पत्रुसकी सेम ख्यला ख्यिला गाल। ती पेला राड कर्नेलियसकी तङ्गुप मीतिवा सिमोन पत्रुस देतुप खाङ्बा च च्येयी सिरा ती खाङ्बी गोला थेन्सुड। १८तमा ती खाङ्बी नाङ्गला देतुप मीतिवाला कतोङ्गियन सिरा पत्रुस सिरुप सिमोन देतुप खाङ्बा ति दी राड यिन सिनी टिसुड। १९ती पेला पत्रुस ति खोरो थोङ्गुप ताड थोवुकी कोर्ला नासाम तोङ्गियन नोक। कोन्छ्योककी थु चाङ्माकी तीला सुङ्सुड, “सिमोन, ख्युरुडला मी मिरा सुमकी छोलिन नोक। २०तुक क्यानी तन्दा लानी मर वोक्ला गल्नी ज्यिवा माक्यावा क्यानी तिवा मुला राड ग्युक। च्यिलासिसिन तिवाला डे राड तङ्गुप यिन।”

२१तमा पत्रुस मर वोक्ला पाप्नी ती मीतिवी चाला गल्नी सिक्कासुड, “ल्हो ताड, ख्यिरा छलुप मी याड ड राड

यिन। ख्यिराड दे च्यिला वावु यिन?”
 २२तमा तिवी सिक्यासुड, “ड्यिराडला
 याड रोमी मक्मी सयी च्यिककी खकी
 छये कर्नेलियसकी तङ्गुप यिन। खो
 ति कोन्छ्योककी थोड्दाडला टेड्बु
 वोतुप ताड खोला ज्यिवा कितुप ताड
 यहूदीतिवा तेरीकी ताड्देन क्यावु मी
 यिन। चाड्मा वोतुप देवाच्येनकी
 लेन क्योलुप थु यीकी ख्योरो ताम्डे
 ड्येन्दुपला ख्युरुडला कताडनी
 शोक सिनी खोला सुड्दोनोक।” २३ती
 ताम्डे थोनी पत्रुसकी ती मीतिवाला
 गासो शुनी खोरो खाड्बाला शासा दे
 च्यिसुड।

पत्रुस कर्नेलियसकी खाड्बा गलुप

ती सला तीला कर्नेलियसकी तङ्गुप
 मिरा सुमतिवा ताड मुला पत्रुस
 गाल्सुड। तिवी मुला योप्पाकी यम्बा
 तेपा कितुप मीतिवा साड गाल्सुड।
 २४न तीला तिवा कैसरिया लेप्सुड। ती
 पेला कर्नेलियस ति खोरो नाड्बातिवा
 ताड दाल्जातिवाला साड कताडनी
 पत्रुसला गुनी देनोक। २५तमा पत्रुस
 कर्नेलियसकी खाड्बा लेप्लुड्मेताला
 पत्रुसकी काड्बाला कर्नेलियसकी
 शावा क्यासुड। २६यिने पत्रुसकी
 कर्नेलियसला दुक सिनी येर लाड्सुड,
 “येर लो! ड साड ख्युरुड दोके मी
 राड यिन।” २७तमा पत्रुस कर्नेलियस
 ताड मुला ताम्डे कियी कोठा नाड्ला
 गल्नी मीतिवा बडी जोम वोतुप ति
 थोड्नी २८तिवाला सिक्यासुड,

“यहूदी मिन्दुप मिरिक यम्बाकी
 मीतिवी मुला ठेतुप ताड तिवी दला
 शुकुप ति यहूदी ठिमला ल्यामु मिन
 सिरुप ताम्डे ख्यिराडला साड छ्या
 राड वे। क्यासिनाड कोन्छ्योककी
 डला मी सुला साड मेचेङ्गा यिन
 नो माकी सिनी सुड वे। २६ती तप्की
 ख्यिरा डला कताडिसमा ताम्डे काड
 साड माटिवा क्यानी ड दे वायिन।
 तुक क्यानी ड ख्यिराडला ताम्डे यी
 टेयी, ख्यिरा डला काडगी थोकला
 कतङ्गुप यिन?”

३०तमा कर्नेलियसकी सिक्यासुड,
 “ड्यिमा ज्यी गोमाला गोसे छ्युजी
 सुम चोयीला ड खाड्बा देनी मोपोर
 कियी वोतुप पेला वो ग्यकुप मज्या
 कर्मु कोन्दुप मी यी शाक्येक डे चिप्ला
 वानी, ३१ओ कर्नेलियस, ख्योरो
 मोपोर क्यावु ति कोन्छ्योककी
 थोनी वे। तमा पेराड्बुतिवाला ख्योरो
 च्यम्बा क्यावु ति कोन्छ्योकला
 छ्या वे। ३२ती तप्की पत्रुस सिरुप
 सिमोनला दे कतोङ्गुपला ख्योरो
 मीतिवा योप्पाला तोड। ती ति
 ग्येम्छोकी गारीला क्वा चेम्बुप
 सिमोनकी खाड्बा देनी वे।’ सिनी
 सुड्सुड। ३३ती तप्की ख्युरुडला डे
 शाक्येक कतोड तङ्गुप यिन। तमा
 ख्युरुड साड दे फेप्सुड। त याड
 कोन्छ्योककी ख्युरुडला क नङ्गुप
 तेरी ताम्डेतिवा ड्येन्दुपला ड्यिराड
 तेरी कोन्छ्योककी थोड्दाडला जोम
 वे।”

कर्नेलियसकी खाड्बाला पत्रुसकी सुड बिन्दुप

३४ ती थोसिमा पत्रुसकी सिक्कासुड,
“त याड डे हाक्कोसुड। कोन्छ्योककी
मी ललाइला ल्यामु, मी ललाइला
मेलोवा मिकिवी, तेरीला चियक्पा
राड किवी। ३५ तमा खोला ज्यिवा
कितुप ताड लाका टेड्बु कियी
वोतुप मिरिक तेरीला खोकी गासो
शिबी। ३६ इस्राएलकी मीतिवी थोक्ला
कोन्छ्योककी नङ्गुप सुड ति
स्थिराडला साड छ्या वे। ती सुड ति
येशू ख्रीष्ट नेमा सुङ्गुप कोन्छ्योक
ताड मीतिवी पर्ला वोतुप लोदिमुकी
लेन ल्यामु यिन। तमा येशू ति तेरीकी
चोवो यिन। ३७ येल्ड ती सुड ति
यूहन्नाकी बप्तिस्माकी सेम ग्युरुप
कोर्ला ख्याप्टाक क्यावु तिङ्ला
गालील नेज्युन गो चुनी यहूदियाकी
लुड्बा तेरीला ख्याप्टाक क्यावु सुड
यिन। ३८ कोन्छ्योककी नासरतकी
येशूला खोकी थु चाड्मा ताड डार
छ्येवु ओड नाड्सुड। तमा कोन्छ्योक
ति खोकी मुला राड ज्यु वोतुप
तप्की लुड्बाकी छो ज्यीला खोकी
लाका ल्यामुतिवा कियी शैतानकी
दुक्पा बिन्नी नानी वोतुप ताड डेकी
कुलुपतिवा तेरीला टेक च्यितुप ति
स्थिराडला साड छ्या वे।

३९ यहूदीतिवी लुड्बा ताड
यरूशलेमला खोकी काड क्या नड
वे, ती तेरी ताम्डेकी पड्बु ति ड्यिराड

यिन। खोला राड यहूदीतिवी ग्यडिशड
लोला कल्नी सेसुड। ४० यिने टुङ्गुप
ड्यिमा सुमला राड कोन्छ्योककी
खोला डोसु लाङ्नी मीतिवी चिप्ला
छ्या तेन्सुड। ४१ ती पेला तेरी मीतिवी
खो माथोड, यिने खोकी पड्बु तेरुपला
ड्यिराड कोन्छ्योककी तोङ्ला
के पेतुपतिवी तिराड थोङ्सुड।
तमा येशू टुङ्नी डोसु लावु ज्युक्ला
खोकी मुला राड देनी ड्यिरा समा
साड सोयिन। ४२ सेन्बु वोतुप ताड
शेपतिवी खला ठिम तोङ्गुपला
कोन्छ्योककी येशूला पेसुड। ती ताम्डे
ति मीतिवाला ख्याप्टाक कितुप ताड
पड्बु तेरुपला येशूकी ड्यिराडला क
नड वे। ४३ खोला तेपा कितुपतिवा
तेरीला खोकी मिड नेमा तिबी क्यावु
दिक्पा ने थर ज्यिकिवी सिनी तेरी
कोन्छ्योककी लुङ्तेम्बातिवी खोकी
कोर्ला सिक्का वे।”

यहूदी मिन्दुप मिरिक यम्बातिवाला थु चाड्मा थोपुप

४४ पत्रुसकी ती ताम्डे ति सियी
वोतुप पेला ते सुड ड्येन्दुपतिवा
तेरीकी खला कोन्छ्योककी थु
चाड्मा पाप्नी फेप्सुड। ४५ तमा यहूदी
मिन्दुप मिरिक यम्बाकी मीतिवाला
साड कोन्छ्योककी थु चाड्मा फेवु
थोडिसमा पत्रुसकी मुला वावु तेपा
कितुप यहूदीतिवा हलेवा क्यासुड।
४६ च्यिलासिसिन तिवा ग्येताम
कुतुक कुतुकला ताम्डे लपुप ताड

कोन्छ्योकला सोवा देकुप ति तिवी थोसुड। तमा पत्रुसकी सिक्यासुड,
 ४७“डियराडला दोके कोन्छ्योककी थु चाङ्मा याड दिवाला साड थोप्सुड। त याड दी मीतिवाला बप्तिस्मा लङ्गुपला सी ग्येक थुप्किवी रो?” ४८तमा पत्रुसकी तिवाला येशू ख्रीष्टकी मिडला बप्तिस्मा बिन्सुड। तमा तिवी पत्रुसला डियमा च्येयी ते राड ज्यु सिनी गोड्बा शुसुड।

पत्रुसकी खोरो लाकाकी थोक्ला यरूशलेमकी चर्चला सिक्यावु

११ तमा यहूदी मिन्दुप मिरिक यम्बाकी मीतिवी साड कोन्छ्योककी सुड ड्येन्नी तेपा क्यानोक सिरुप ताम्डे ति लोमा छयेतिवा ताड यहूदियाला वोतुप तेपा कितुपतिवी थोनोक। २ती थोसिमा पत्रुस यरूशलेमला लेपुप पेला यहूदियाला वोतुप तेपा कितुपतिवी पत्रुसला ३“ख्युरुड यहूदीतिवी च्येतुप लुकसु मालावु मीतिवी ते गल्नी तिवी मुला च्यिला समा सोवु? ती ति दाक्पी लुकसुला मे।” सिनी क्येन बिन्सुड। ४तमा गोमाला काड च्युङ्गुप ताम्डे तेरी रिम्बा क्यानी पत्रुसकी दुक सिनी शेसुड, ५“ड योप्पा ग्येसाला मोपोर कियी वोतुप पेला ज्यल्का थोप्नी सुर सुरला टावु च्यादार दोके नाम नेमा डे चाला पापिन वोतुप ति डे थोड्सुड। ६तमा ती नाड्ला डे ल्यामो क्यान ल्हासिन के ते याड जम्बुलिङकी

ठेक्पा ज्यी चुनी युकुप सेम्ज्येनतिवा ताड जु टिनी युकुप बु ताड नामगी च्यच्युमतिवा नोक। ७तमा डला ‘ओ पत्रुस, दिवाला सेनी सो!’ सिरुप वोरु यी डे थोसुड। ८यिने डे ‘चोवो, मिन! त सेक्ला डे चेङ्गा मेतुप च्यालक काड साड मासो वे।’ सिनी सिक्यायी। ९येलुड देवाच्येन नेमा ‘कोन्छ्योककी चेङ्गा जो नङ्गुप च्यालकला ख्योरो मेचेङ्गा यिन नो माकी!’ सिरुप वोरु यी डला थोसुड। १०थेङ्मा सुम सेक तुक सिक्यासिमा ती च्यादार च्यिन्दै ति येलुड येर नामला राड लोकनी गाल्सुड।

११ती पेला राड कैसरिया नेसुर डला कतोड तङ्गुप मी मिरा सुमतिवा ड देतुप खाङ्बी गे चाला राड वानोक। १२तमा कोन्छ्योककी थु चाङ्माकी डला ‘नाम्दोक माक्यानी तिवी मुला ग्युक!’ सिनी सुड्सुड। तेसुर तन्दा डे मुला वोतुप योप्पा नेसुर वावु तेपा कितुप मिरा टुक साड डे मुला राड कैसरियाला गलिन। तमा ती डियराडला कतोड तोङ्गुप मी तीकी खाङ्बा टिम्बु राड लेप्सुड। १३डियराड ते लेप्सिमा ती मी तीकी डियराडला देवाच्येनकी लेन क्येलुप थु च्यिक तीकी खाङ्बा वानी, ‘मीतिवा योप्पाला तङ्नी पत्रुस सिरुप सिमोनला कताङ्नी शोक! १४तमा तीकी ख्युरुडला कोन्छ्योककी सुड लप्कितो। ती नेसुर राड ख्युरुड ताड ख्योरो तेरी मिछाडला दिक्पा

ने थर ज्यिकिवी।' सिनी डियराडला लाप्सुड। १५तमा तिवाला डे मालोक सुड लपिन कितुप पेला तोडला दाक्पी खला फेवु दोके क्यानी तिवी खला साड कोन्छ्योककी थु चाड्मा फेप्सुड। १६ती पेला 'यूहन्नाकी याड छ्यु थवोनी बप्तिस्मा बिन्सुड। यिने स्त्रियराडला कोन्छ्योककी थु चाड्माकी बप्तिस्मा नडिगतो।' सिनी चोवो येशूकी गोमाला सुड्गुप ति डला नासाम शार्सुड। १७तुक क्यानी दाक्पु चोवो येशू स्त्रीष्टला तेपा कितुपतिवाला कोन्छ्योककी नड्गुप थु चाड्मा ति तिवाला साड नाड्सुड सिसिन खोकी नोवाला डे चुक क्यानी ग्येक थुप्किवी रो?"

१८ती थोसिमा पत्रुसला क्येन तेरुपतिवा खरक्पा देसुड। तमा "त याड कोन्छ्योककी यहूदी मिन्दुप मिरिक यम्बाकी मीतिवाला साड सेम ग्युर्नी नाम्साड मिशिवु मिजी थोपुप लाम नाड्सुड।" सियी कोन्छ्योकला सोवा देकुप छाल्सुड।

एन्टिओखियाला चर्च गो चुवु

१९तमा मीतिवी स्तिफनसला सेसिमा तेपा कितुप मीतिवाला साड छेटाड बिन्दुप तप्की तेपा कितुप मीतिवा यरूशलेम नेवा थरा थुरा गल्नी फोनिके ताड साइप्रस ताड सिरियाकी एन्टिओखिया लुड्बा सेक लेप्सुड। तमा तिवा ते राड देनी यहूदीतिवाला तिराड येशूकी कोर्ला सुड ख्याप्टाक

क्यासुड। २०ती पर्ला ललाइ ति साइप्रस ताड कुरेनीकी मीतिवा नोक। तिवा ति एन्टिओखियाला वानी ग्रीककी मीतिवाला साड येशू स्त्रीष्टकी कोर्ला लेन ल्यामु ख्याप्टाक क्यासुड। २१तमा कोन्छ्योककी ओड वोतुप तप्की तिवी ख्याप्टाक क्यावु सुड थोनी मी बडी चोवो येशूला तेपा क्यानी कोन्छ्योककी थाकाला ग्युर्सुड। २२ती ताम्डे ति यरूशलेमकी चर्चला साड हाक्कोनी बारनाबासला एन्टिओखियाला ताड्सुड। २३बारनाबास ते लेप्सिमा तेकी मीतिवाला कोन्छ्योककी कटिन थोपुप थोड्नी गा क्यासुड। तमा सेमगी दिड नेज्युनी चोवो येशूला तेपा रम्बु क्यानी दे गोकितो सिनी तिवाला टोड्गु बिन्सुड। २४ती बारनाबास ति मी टेड्बु ताड कोन्छ्योककी थु चाड्माकी क्येड्गुप ताड तेपा रम्बु वोतुप मी यिन्दुप तप्की ते मी बडीकी चोवो येशूला तेपा क्यासुड। २५ती ज्युक्ला शाऊलला छोलुपला बारनाबास ति टार्ससला गल्नी २६शाऊलला ठेसिमा एन्टिओखियाला टिनी वासुड। तमा तिवी मुला लो खोर्मा यी सेक देनी चर्चला वोतुप तेपा कितुप मीतिवा बडीला नरी ठेनी येन्देन बिन्सुड। ती पेला नेज्युनी एन्टिओखियाला वोतुप लोमातिवाला थल्माला स्त्रीष्टियान सिनी सिक्यावु यिन।

२७ती पेला ललाइ कोन्छ्योककी लुड्तेम्बातिवा यरूशलेम नेसुर

एन्टिओखियाला वानोक। ^{२८}तिवी पर्ला अगाबस सिरुप कोन्छ्योककी लुङ्तेम्बा मिरा च्यिककी रोमकी लुङ्बा तेरीला छासे डियमा मर्वु शर्कितो सिनी कोन्छ्योककी थु चाङ्मा नेमा नम्दर शेषुड। ती ति रोमकी ग्येल्बु क्लौडियसकी डोला च्युङ्गिनोक। ^{२९}तुक क्यानी एन्टिओखियाला देतुप तेपा कितुप मीतिवी दाक दाक्पी काङ अछ्योवु ति टङ्गा दुनी यहूदियाला देतुप तेपा कितुपतिवी थोकला कल तोङ्गुप सिनी तेन्तेन क्यासुड। ^{३०}तमा तिवी दुवु टङ्गा ति बारनाबास ताङ शाऊलकी लक नेवा क्यानी यरूशलेमला वोतुप चर्चकी गोमा कितुप मी छ्येतिवाला कल्नी ताङ्सुड।

याकूबला सेतुप ताङ पत्रुस चोन्खाडला शोरुप

१२ ती पेला यरूशलेमकी चर्चला वोतुप तेपा कितुप मीतिवा ललाइला ग्येल्बु हेरोदकी छेटाङ तेरुपला जिम्बुप छाल्सुड। ^२तमा यहून्नाकी अच्यु याकूबला खर्पा थ्वोनी से च्यिसुड। ^३तुक क्यासिमा यहूदीतिवा गा क्यावु थोङ्नी तीकी पत्रुसला साङ जिम्सुड। ती पेला ति खमीर मालुकुप शुब्ज्याङ साप तुछ्येनला[†] यिन्नोक। ^४तीकी पत्रुसला जिम्नी चोन्खाडला उप्सिमा मक्मी

मिरा ज्यी ज्यीकी छो ज्यी जोनी गोर्मा ताङ्नी ज्हेन्दुपला ज्याक्सुड, तमा खमीर मालुकुप शुब्ज्याङ साप तुछ्येन सिन्सिमा लुङ्बाकी मीतिवी चिप्ला टि वानी ठिम कितुप नो क्यानोक। ^५पत्रुस चोन्खाडला वोतुप पेला चर्चकी मीतिवा तेरीकी तीकी थोकला कोन्छ्योकला मोपोर क्यासुड।

कोन्छ्योककी पत्रुसला चोन्खाङ ने थर च्यितुप

^६तमा ग्येल्बु हेरोदकी पत्रुसला ठिम तोङ्गुपला चोन्खाङ नेमा पाङ्ला टि वुङ्गुप गोमी नुपला पत्रुसला च्याटोक ड्यी ग्यप्नी लाक्पा यावी थाकाला मक्मी मिरा च्यिक, येन्बी थाकाला मक्मी मिरा च्यिककी च्याटोकला जिम्सुड। ती पेला पत्रुस ति डियलोक्नी नोक। तमा चोन्खाङकी गोला साङ मक्मीतिवी ज्हेन्दुपला देनोक। ^७ती पेला राङ शाक्येक देवाच्येनकी लेन क्योलुप थु यी वानी चोन्खाङ नाङ्ला वो ग्यप्सुड। ती देवाच्येनकी लेन क्योलुप थु तीकी पत्रुसकी याशिङ्बी वोक्ला पोप्नी “डमु खोक लो!” सिनी लाङ्सुड। ती ज्युक्ला पत्रुसकी लाक्पाला ग्यपुप च्याटोकतिवा ति टोल्सुड। ^८तमा ती देवाच्येनकी लेन क्योलुप थु तीकी पत्रुसला “मज्या ताङ काचा कोन!” सिनी

१२:३ ती तुछ्येनकी कोर्ला प्रस्थान १२:२१-२८ ला वे।

सिक्यासुड। तीकी सिक्यावु दोके पत्रुसकी क्यासुड। लोड देवाच्येनकी थु तीकी पत्रुसला “खयिटो यालुक ग्यप्नी डे तिङ्ला शोक!” सिनी सिक्यासुड। ६तमा पत्रुस मज्या कोन्नी ती देवाच्येनकी थु तीकी तिङ तिङ्ला गाल्सुड। यिने देवाच्येनकी थु तीकी क्यावु ति टेङ्बु यिन सिरुप ति तीकी हाक्माकोनी मिलाम दोके यिन सिनी नोक्यानोक। १०तिवा ज्हेन्दुपला देतुप दासा तङ्बु ताङ ड्रियवाकी मक्मीतिवी हाक्माकोवा क्यानी थेन्नी चोन्खाड नेसुर ग्येसाला डोप च्याकी गोला लेप्सिमा ती गो ति खोरुड राङ पेसुड। तिवा तेसुर थेन्नी लाम यम्बाला डोयी कितुप पेला ती देवाच्येनकी लेन क्योलुप थु तीकी पत्रुसला क्युर्नी ज्याक्सुड। ११ती ज्युक्ला पत्रुसकी टेन्बा ड्येनी दुक सिक्यासुड, “त याड डे ल्यामो क्यानी हाक्कोसुड। कोन्छ्योककी खोकी लेन क्योलुप थु तङ्नी डला ग्येल्वु हेरोद ताङ यहूदीतिवी काङ कितुप नो क्यावे, ती नेसुर डला ज्होक्सुड।”

१२पत्रुसकी दी ताम्डे हाक्कोसिमा मर्कूस सिरुप यूहन्नाकी आमा मरियमकी खाङ्बा गाल्नोक। ती पेला ते मी बडी मोपोर कियी नोक। १३ते लेप्सिमा पत्रुसकी गोला डक डक ग्यप्सुड। तमा रोदा सिरुप लावाम यी गो बेतुपला वासुड, १४तमा पत्रुसकी वोरु थोसिमा गा

लानी गो साङ मापेवा क्यानी डमु नाङ्ला गल्नी, “पत्रुस गे चाला लानी देनोक!” सिनी मीतिवाला च्यार ग्यप्सुड। १५यिने तिवी लावाम तीला दी ड्येन्मु ति काङ सिरुप यिनाङ सिक्यासुड। तमा तीकी पत्रुस वुतुड के वानोक सिनी हम्बा क्यानी सिक्यासुड। यिने तिवी याङ पत्रुसला ल्हाटे कितुप देवाच्येनकी लेन क्योलुप थु के यिन्दे सिक्यासुड। १६यिन्सिनाङ पत्रुसकी गोला डक डक ग्यपुप ति ग्यप्तोक क्यासिमा तिवी गो पेसुड। तमा पत्रुसला थोङ्नी तिवा छासे हलेवा क्यासुड। १७तमा पत्रुसकी तिवाला खरक्पा दे सिनी लाक्पी छ्याक के क्यानी कोन्छ्योककी खोरुडला चुक क्यानी चोन्खाड नेमा तेन्सुड सिरुप ताम्डे ति तिवाला लाप्सुड। तमा ती ताम्डे ति याकूब ताङ यम्बा तेपा कितुपतिवाला साङ लोपा सिनी खोरुड ति दासा यम्बाला गाल।

१८ती सला तीला नाम लासिमा पत्रुस चोन्खाड नेमा थेन गलुप थोङ्नी मक्मीतिवा हराङ हुरुड क्यासुड। १९तमा ग्येल्वु हेरोदकी पत्रुसला छोल च्यिसुड। यिने तीला माङ्येसिमा पत्रुसला ज्हेन्दुप मक्मीतिवाला ल्यामो क्यानी टि लहानी ती मक्मीतिवाला सेतुप क बिन्सुड। तमा ग्येल्वु हेरोद ति खोरुड देन वोतुप यहूदिया दासा क्युर ज्याक्नी कैसरियाला गल्नी ते राङ देसुड।

ग्येल्बु हेरोद शेप

२० तमा टुरोस ताड सीदोनकी मीतिवाला ग्येल्बु हेरोद छासे डियर्मु कियिनोक। तुक क्यानी टुरोस ताड सीदोनकी मीतिवा ख च्यिक क्यानी हेरोदकी ग्येल्खाडला लाका कितुप बलस्तस सिरुप मी छ्ये तीकी चाला गल्ली ग्येल्बु हेरोद ताड मुला डिड नाड सिनी गोड्बा शुनोक। च्यिलासिसिन टुरोस ताड सीदोनकी मीतिवा ति ग्येल्बु हेरोदकी लुङ्बा नेमा राड साप डुतिवा खुर्नी वुड गोकिनोक। २१ ग्येल्बु हेरोद ति टुरोस ताड सीदोनकी मीतिवी मुला ठेतुप तुजेला ग्येल्बी नम्सा कोन्नी ग्येल्लिकला देनी तिवाला कलोप बिन्सुड। २२ तमा मीतिवी खोकी ताम्डे थोनी, “दी ताम्डे ति मी लापुप मिन, लहे लापुप यिन।” सियी च्यार ग्यप्सुड। २३ यिने हेरोदकी कोन्छ्योकला सोवा मातेकुप तप्की शाकर्येक देवाच्येनकी लेन क्योलुप थुकी तीला पोप्सुड। तमा तीकी खोकला बु ग्यप्नी शिसुड।

२४ यिने कोन्छ्योककी सुड ति दासा तेरीला टम्बुप ताड तेपा कितुप मीतिवा साड बडी गाल्सुड।

२५ तमा बारनाबास ताड शाऊलकी कोन्छ्योककी क नङ्गुप लाकातिवा तेरी क्या सिन्सिमा मर्कूस सिरुप यूहन्नाला साड मुला राड टिनी

यरूशलेम नेमा एन्टिओखियाला लोकसुड।

एन्टिओखिया चर्चकी बारनाबास ताड शाऊलला पेनी कतङ्गुप

१३ एन्टिओखियाकी चर्चला कोन्छ्योककी लुङ्तेम्बातिवा ताड गेकेनतिवा नोक। तिवा ति बारनाबास ताड नक्पु सिरुप शिमियोन ताड कुरेनी नेसुर वावु लुकियस ताड ग्येल्बु हेरोद टिकपे वोतुप पेलाकी दाल्जा मनेन ताड शाऊल नोक। २ तिवा कोन्छ्योकला सोवा तेक्नी ड्युङ्ने ज्हुङ्गियन कितुप पेला कोन्छ्योककी थु चाङ्माकी तिवाला सुङ्सुड, “बारनाबास ताड शाऊलला पेनी ज्योक! तिवा ति डे थोकला लाका कितुपला कतङ्गुप यिन।” ३ ती तप्की तिवा येलुड ड्युङ्ने ज्हुङ्गुप ताड मोपोर क्यासिमा बारनाबास ताड शाऊलकी खला लाक्पा ज्याक्नी मोपोर क्यानी ताङ्सुड।

थल्माला बारनाबास ताड शाऊल साइप्रसला गलुप

४ तमा कोन्छ्योककी थु चाङ्माकी तङ्गुप तप्की बारनाबास ताड शाऊल ति मर सिलुकियाला गल्ली तेसुर टु जेनी ग्येम्छोकी पर्ला वोतुप साइप्रस सिरुप ग्येम्छो परकी स कम्बु† च्यिकला गाल। ५ गाल्सिमा तिवा सलामिस सिरुप

ग्येसाला लेप्नी यहूदी छ्योखाडतिवी नाङ्ला कोन्छ्योककी सुड ख्याप्टाक क्यासुड। ती पेला तिवाला दाल्जा कितुपला यूहन्ना साड तिवी मुला राड नोक। ६तमा तिवा तलग्येक साइप्रस गोम्नी पाफोस सिरुप ग्येसाला लेप्सुड। ते बार येशू सिरुप जिम्डुल छ्या देन्दुप यहूदी लुङ्तेम्बा मेटेङ्बु यीला ठेसुड। ७ती ति ती लुङ्बाला ग्येला कितुप सर्गियास पौलस सिरुप मी छ्ये यीकी मुला देनी तीला शब्ज्यी किनोक। ती सर्गियास पौलस ति रिक्पा वोतुप मी यिनोक। तुक क्यानी तीकी बारनाबास ताड शाऊलला कताङ्नी कोन्छ्योककी सुड ड्येन्दुप नो क्यानोक। ८यिने एलुमास सिरुप ती जिम्डुल छ्या देन्दुप मी ति बारनाबास ताड शाऊलकी तेन्दोकला लानी सर्गियास पौलसला कोन्छ्योकला तेपा कि मिज्यिवु छाल्सुड। एलुमासकी तेन्दोक ति ग्रीक ताम्डेला जिम्डुल छ्या देन्दुप मी यिन। ९तमा गोमाला शाऊल सिरुप पावल ति कोन्छ्योककी थु चाङ्माकी क्येङ्नी ती जिम्डुल छ्या देन्दुप तीला छ्योर छ्योर्मे ल्हानी दुक सिक्कासुड, १०“ख्यो टेङ्बुला गा मिकिवु डेकी पुज्युड, ख्युरुड जिनोक जोप ताड दुक्टाकी क्येङ्गुप मी यिन। ख्युरुड कोन्छ्योककी लाम टेङ्बुला क्योकोलोक जोप नो किवी? ११त ल्होसा! कोन्छ्योककी पर्च्या ख्युरुडला ख्येल वोतो। तुक क्यानी चेयी पर सेक ख्युरुड ड्येमी

वो मोथोङ्गुप शर्वा डितो!” तुक सिक्कालुङ्मे मुक्पा छुपुप ताड नक्तोमी गल्नी तीकी काड साड थोड माथुप्नोक। तमा मीतिवी लाक्पाला जिम्नी टिटे किते नोनी ती ति फार ताड छुर युक्पुप छाल्सुड। १२ती थोडिसमा ती लुङ्बी ग्येला कितुप सर्गियस पौलस तीकी कोन्छ्योकला तेपा क्यासुड। च्यिलासिसिन चोवो येशूकी येन्देन हाक्कोनी ती ति हलेवा लानोक।

पावल ताड बारनाबास पिसिदियाकी एन्टिओखियाला गलुप

१३तमा पावल ताड खोकी दाल्जातिवा पाफोस नेवा टुला जेनी पामफिलियाकी लुङ्बाला वोतुप पर्गा सिरुप दासाला लेप्सुड। यिने यूहन्ना ति तिवी मु नेसुर केनी यरूशलेमला राड लोकसुड। १४तिवा पर्गा नेसुर थेन्नी पिसिदियाकी एन्टिओखियाला वासुड। तमा डासोप ड्येमाला यहूदी छ्योखाडला गल्नी देसुड। १५ते यहूदी छ्योखाडकी छ्येतिवी मोशाकी ठिम ताड कोन्छ्योककी लुङ्तेम्बाकी थेप नेसुर लाप्सिमा पावल ताड बारनाबासला दुक सिनी कताङ्सुड, “ओ नुपतिवा, ख्यिरा मुला मीतिवाला टोङ्गु नड गोवु सुडतिवा विसिन सुडा!”

१६तमा पावल खोक लानी लाक्पी छ्याक्के क्यानी मीतिवाला सिक्कासुड, “इसाएलकी मीतिवा ताड

कोन्छ्योकला ज्यिवा कितुप यहूदी मिन्दुप मिरिक यम्बाकी मीतिवा, सेना! ^{१७}इसाएलकी कोन्छ्योककी दाक्पी हङ्गावातिवाला खोकी गिपा सिनी पेसुड। तमा तिवा मिश्र लुङ्बाला देतुप पेला खोकी तिवाला फेल ज्यितुप ताड डार छ्येवु जो नाङ्सुड। तमा डार छ्येवु क्यानी तिवाला ती लुङ्बा नेसुर तेन्नी फेप्सुड। ^{१८}तमा दासा पाङ्थेरीला लो खल इयी सेक तिवी कोन्छ्योककी सुडला माङ्येन्सिनाड खो हम क्यानी ज्युसुड। ^{१९}ती ज्युक्ला खोकी राड कनानला वोतुप लुङ्बा दिनला ना तङ्नी इसाएलकी गिपातिवाला ती लुङ्बा ति कोन्छ्योककी थाक्छ्येवु टोङ्बा जोसुड। ^{२०}ती सेक लो सयी ज्यी ताड खल ड लेप्सुड।

ती ज्युक्ला कोन्छ्योककी लुङ्तेम्बा शमूएलकी डो सेक खोकी इसाएलकी मीतिवाला ठिम तोङ्गुप मीतिवा नाङ्सुड। ^{२१}लोड ती ज्युक्ला तिवी ग्येल्बु गोकिवी सिनी लङ्गुप तप्की कोन्छ्योककी बिन्यामिन गिपाकी कीशकी पुज्युड शाऊलला ग्येल्बु जो नाङ्सुड। तमा तीकी लो खल इयी सेक ग्येल क्यासुड। ^{२२}येलुड कोन्छ्योककी ग्येल्बु शाऊलला ग्येला कितुप नेमा तेन तङ्नी दाऊदला ग्येल्बु जोसुड। तीकी कोर्ला कोन्छ्योककी पङ्बु नङ्नी 'दी यिशैकी पुज्युड

दाऊदकी सेम ति डे सेम दोके राड वोतुप ति डे थोङ्सुड। दीकी डे नोवाला वोतुप लाकातिवा तेरी किवितो!' सिनी सुङ्सुड। * ^{२३}तमा ज्युक्ला ती ग्येल्बु दाऊदकी गिपा नेमा राड कोन्छ्योककी थाक्छ्येन नङ्गुप दोके इसाएलकी मीतिवाला दिक्पा ने थर ज्यितुपला येशू ताङ्सुड। ^{२४}येशू फेपुप सिनाड गोमाला यूहन्नाकी तेरी इसाएलकी मीतिवाला 'ड दिक्छेन यिनोक सिनी सेम ग्युर्नी बप्तिस्मा लड गोकिवी' सिनी ख्याप्टाक क्यासुड। ^{२५}खोरो ख्याप्टाक कितुप लाका सिन्दु छ्येवु पेला यूहन्नाकी सिक्कासुड, 'ख्यिरा डला सु यिन नोकिनोक? ख्यिरा गिवी सिनी गु देतुप मी ति ड मिन, यिने खो डे तिङ्ला फेक्किवी। ड याड खोकी काची ज्हाम्डोक डोलुप साड पोमु मे।'

^{२६}ओ अब्राहामकी गिपा ताड कोन्छ्योकला ज्यिवा कितुप यहूदी मिन्दुप मिरिक यम्बाकी मीतिवा, दी दिक्पा ने थरुप लेन ल्यामु ति कोन्छ्योककी दाक्पी पर्ला राड ताड वे। ^{२७}यिने यरूशलेमकी मीतिवा ताड तिवाला ओङ्ज्येन कितुपतिवी येशू सु यिन सिरुप ति डो माशेवु ताड डासोप डियमा डियमाला रोकुप कोन्छ्योककी लुङ्तेम्बाकी सुडतिवा साड हाक्माकोवु तप्की खोला क्याने बिन्सुड। तुक क्यासिमा गोमाला

कोन्छ्योककी लुङ्तेम्बातिवी खोकी कोर्ला सुङ्गुप ताम्डेतिवा तेरी छेसुड। २८खोला से गोवु तेन्दोक काड मेसिनाड तिबी खोला से राड गोकिवी सिनी पिलातसला गोड्बा शुसुड। २९तुक क्यानी खोकी कोर्ला कोन्छ्योककी लुङ्तेम्बाकी सुडला टिन वोतुप तेरी छेसिमा तिबी खोला ग्यङ्गिङ लो नेमा पाप्नी शेष मीला ज्योकुप टककी फुककी नाङ्ला ज्याक्सुड। ३०यिने कोन्छ्योककी खोला शेष ने डोसु लाङ्सुड। ३१ती ज्युक्ला खोकी मुला राड गालील नेसुर यरूशलेमला वुङ्गुपतिवी चिप्ला खो डियमा अलायी सेक छ्यार्सुड। तमा तिवा तन्दा साड खोकी पङ्बु यिन। ३२कोन्छ्योककी दाक्पी पगावा हङ्गावाला थाक्छ्येन नङ्गुप लेन ल्यामु ति डियराड ख्याप्टाक किवी। ३३तीकी तेन्दोक ति खोकी येशूला डोसु लाङ्सिमा ती थाक्छ्येन नङ्गुप ति तेरी दाक्पु तिबी गिपातिवाला डुप्सुड। तुक क्यानी भजनसंग्रह ड्यीला दुक सिनी टि वे,

‘ख्युरुड डे पुज्युड यिनो,
हारिड डे ख्युरुडला क्येवु
यिन।’*

३४कोन्छ्योककी येशूला डोसु लाङ्सुड, डोसु लाङ्सिमा नाम्साड रुल डो माच्यी। तीकी कोर्ला भजनसंग्रहला दुक सिनी टि वे,

‘दाऊदला थाक्छ्येवु टेङ्बु ताड
तेन्तेन क्यावु मोलाम ति ड
ख्यिराडला तेरिनो।’

३५तुक क्यानी भजनसंग्रहकी यम्बा दासाला दुक सिनी टि वे,
‘कोन्छ्योककी खोरे मी टेङ्बुला
नाम्साड रुल मिज्यिवी।’*

३६यिन्सिनाड दाऊद जम्बुलिङला वोतुप पेला कोन्छ्योकला ल्यामो क्यानी शब्ज्यी पुलनी शिसुड, शिसिमा तीकी हङ्गावातिवी मुला राड मुक्तुम ग्यप्नी रुल्सुड। ३७यिने कोन्छ्योककी शेष ने डोसु लङ्गुप तीकी जु ति मारुल। ३८ती तप्की अच्युनुपतिवा, कोन्छ्योककी शेष ने डोसु लङ्गुप ती येशूकी क्या नङ्गुप लाका नेसुर कोन्छ्योककी ख्यिराडला दिक्पा ने थर ज्यितुप ताम्डे ति ख्यिराडला हाक्कोशी। ३९ख्यिराड येशूला तेपा कितुपतिवा तेरीला ख्यिरा क्यावु दिक्पा नेसुर थर च्यिनी वे। ती थर ज्यितुप लाका ति मोशाकी ठिम नेसुर वुङ् मुथुपी। ४०ती तप्की च्याङ्से देता! मिसियाड कोन्छ्योककी लुङ्तेम्बातिवी थपे नाङ्ला सिक्यावु दोके येशूला तेपा माक्यासिन ख्यिराड दिक्पा ने थर मुथुप्तो। ती कोन्छ्योककी लुङ्तेम्बाकी थपेला दुक सिनी टि वे,

४१‘ओ मारे तोङ्गुप टेड, ल्होसा।

तमा हलेवा क्यानी ना डोशी।
 च्यिलासिसिन ख्यिरा डोला राड
 ड लाका यी कितिन।
 ती लाकाकी कोर्ला सी
 ख्यिराडला सिक्यासिनाड
 ख्यिरा नाम्साड तेपा
 मिकिवी।’ ”*

४२ ती ज्युक्ला पावल ताड बारनाबास
 यहूदी छ्योखाड नाड नेमा थेन डोप
 पेला मीतिवी “ज्युककी डासोप
 डियमाला साड दी ताम्डे सुड्डे की।”
 सिनी तिवाला गोड्बा शुसुड। ४३ तमा
 कोन्छ्योकला सोवा देकुप छर्सिमा
 यहूदीतिवा ताड यहूदी छ्योला ल्यामो
 क्यानी तेपा कितुप यहूदी मिन्दुप
 मिरिक यम्बातिवा बडी पावल ताड
 बारनाबासकी तिङ्ला तिङ्यासुड।
 तमा पावल ताड बारनाबासकी तिवी
 मुला ताम्डे अरा उरा सिक्यासिमा
 “ख्यिराड नरी कोन्छ्योककी सुडला
 ड्येन्नी कोन्छ्योक नेमा वुङ्गुप
 कटिन थोप्नी देता।” सिनी तिवाला
 सिक्यासुड।

४४ ज्युककी डासोप डियमाला
 कोन्छ्योककी सुड ड्येन्दुपला तेरी
 ग्येसाकी मीतिवा फोक ल्हानी यहूदी
 छ्योखाडला वासुड। ४५ मी माङ्छ्योक
 वुङ्गुप थोङ्नी यहूदीतिवा ठतोक
 लानी पावलकी मीतिवाला लापुप
 ताम्डे ति टेड्बु भिन सिनी पावलकी
 तेन्दोकला लासुड। ४६ यिने पावल

ताड बारनाबासकी डाडेड क्यानी
 सिक्यासुड, “कोन्छ्योककी सुड
 ति थल्माला ख्यिराड यहूदीतिवाला
 राड ख्याप्टाक कि गोवु ति यिन्जा।
 यिने ख्यिरा दी सुडला माङ्ग्येन्नी
 नाम्साड मिशिवु मिजी ड्ये छ्योवु
 मेतुप तप्की ड्यिराड यहूदी मिन्दुप
 मिरिक यम्बाकी मीतिवी ते डिवी।


४७ च्यिलासिसिन कोन्छ्योककी

“जम्बुलिङकी अन्तिमला गल्नी
 यहूदी मिन्दुप मिरिक
 यम्बाकी मीतिवाला दिक्पा ने
 थरुप लेन ल्यामु ख्याप्टाक
 कितुप वोसिर दोके
 च्युङ्गुपला ख्यिराड पेनी वे।’

सिनी ड्यिराडला सुड वे।”*

४८ ती थोसिमा यहूदी मिन्दुप
 मिरिक यम्बाकी मीतिवा गा लानी
 कोन्छ्योककी सुडगी थोक्ला सोवा
 तेक्सुड। तमा नाम्साड मिशिवु मिजी
 थोपुपला कोन्छ्योककी पेतुप मीतिवा
 तेरीकी तेपा क्यासुड।

४९ तुक क्यानी येशूकी सुड ति
 फेलिन ताड ओड छ्येवु डोयी
 गाल्सुड। ५० यिने यहूदीतिवी पावल
 ताड बारनाबासकी तेन्दोकला लानी
 कोन्छ्योकला सोवा देकुप पुम्पेजा
 छ्युकपुतिवा ताड ती ग्येसाला गोमा
 कितुप मी छ्येतिवाला चेन्नी तिवाला
 छेटाड बिन च्यिनी ती ग्येसा नेवा
 तेन ताङ्सुड। ५१ यिने पावल ताड



लोमा छ्येतिवी लाका १३:४-१४:२८

पावलकी लेन ल्यामू ख्याप्ताक किंतुपला थल्माला युक् गलुप दासातिवा

बारनाबासकी खोप्राड तेन्दोकला लङ्गुपतिवाला काङ्बी थला ज्हुन ज्याक्नी आइकोनियनला गाल्सुड।
 ५२तमा एन्टिओखियाला वोतुप येशूकी लोमातिवा कोन्छ्योककी थु चाङ्माकी क्येङ्नी सेम किर्मु क्यानी देसुड।

पावल ताड बारनाबास आइकोनियनला गलुप

१४ पावल ताड बारनाबास नरी दोके क्यानी आइकोनियनला वोतुप यहूदी छयोखाडला गल्नी कोन्छ्योककी सुड ख्याप्ताक क्यासुड।
 तिवी सुड ख्याप्ताक क्यावु थोनी यहूदीतिवा ताड यहूदी मिन्दुप मिरिक यम्बाकी मीतिवा बडीकी येशूला तेपा क्यासुड।
 ३यिने तेपा मिकिवु यहूदीतिवी मिरिक यम्बातिवाला चेन्नी तेपा कितुपतिवाला सेम मेलोकपा जोसुड।
 ३ती तप्की पावल ताड बारनाबासकी डाडेड क्यानी चोवो येशूकी सुड ख्याप्ताक कियी डियमा अलायी सेक ते राड देसुड।
 तमा चोवो येशूकी तिवाला हलेवु ततिवा ताड येम्जेन लङ्गुप लाकातिवा कितुप ओड नङ्नी तिवी ख्याप्ताक क्यावु सुड ति टेङ्बु यिन सिनी पङ्बु छ्या तेन्सुड।
 ४यिने ग्येसाकी मीतिवा छो ड्यी गल्नी ललाइ ति यहूदीतिवी छ्योला लासुड, ललाइ ति लोमा छयेतिवी छ्योला लासुड।
 ५तमा मिरिक यम्बा ताड यहूदीतिवा

ति तिवी खला ओङ्ज्येन कितुपतिवी मुला डिक्नी तिवाला छेटाड तेरुप ताड दो पोप्नी सेतुप छाल्सुड।
 ६ती ताम्डे थोनी पावल ताड बारनाबास लुकोनियाकी दासाला वोतुप लुस्त्रा ताड डर्बी ताड ती गारी गुरीला वोतुप लुङ्बाला टो गल्नी ७तिवी ते साड नरी कोन्छ्योककी लेन ल्यामु ख्याप्ताक क्यासुड।

पावल ताड बारनाबास लुस्त्राला गलुप

८ते लुस्त्रा ग्येसाला मी काङ्बा थेङ्बा यी सला देनी नोक। ती ति क्येप पेला नेज्युनी नाम्साड काङ्बा चुनी मायुनोक।
 ९पावलकी सुड ख्याप्ताक कियी वोतुप पेला तीकी ड्येन्नी देसुड।
 तमा पावलकी तीला केरी ल्हासिमा तीकी सेमला “ड टेक थुप्किवी।” सिरुप तेपा वोतुप थोङ्नी १०पावलकी तीला थोर ग्यप्नी, “काङ्बा चुनी खोक लो!” सिक्यासिमा ती ति खोक लानी फिर्नी युक्पुप छाल्सुड।
 ११पावलकी तुका लाका क्यावु थोडिसमा मी माङ्छ्योककी लुकोनियाकी ताम्डेला थोर ग्यप्नी “ल्हतिवा मीला टुल्नी दाक्पी पर्ला वानोक!” सिनी सिक्यासुड।
 १२तमा तिवी बारनाबासला ति जिउस सिरुप ल्ह ताड पावलला ति सुड तेरुप मी यिन्दुप तप्की हर्मेस सिरुप ल्ह सिनी तेन्दुप छाल्सुड।
 १३ते ग्येसाकी पाङ्गला वोतुप जिउस ल्हडाङकी कोङ्यारकी

मेन्दोकतिवा तानी लाडतिवा दानी मीतिवा ताड मुला डिकनी पावल ताड बारनाबासकी थोक्ला ग्येसाकी गोला जिन्बा तोङ्गुपला टडिक क्यासुड।

१४ यिने तीकी कोर्ला हाक्कोनी बारनाबास ताड पावलकी खोप्ने मज्यातिवा ज्होलिन सिरा मी माङ्छ्योककी पर्ला छ्योङ्बाल ग्यम गल्नी दुक सिनी वोरु तेन्सुड, १५ “ओ अच्युनुपतिवा, ख्यिराड च्यिला ड्यिराडला ल्हलु सिनी तेन्दुप यिन? ड्यिराड साड ख्यिराड दोके मी यिन, ल्हलु मिन। यिने ख्यिराडला लेन ल्यामु ख्याप्टाक कितुप तेन्दोक ति फेन मोथोवु ल्हतिवा क्युर ज्याक्नी नाम ताड ग्येम्छो ताड ती नाङ्गला वोतुप तेरी च्यालकतिवा जो नङ्गुप डोसु वोतुप कोन्छ्योककी थाकाला ग्युर ज्यितुपला यिन। १६ कोन्छ्योककी राड गलुप ड्यिमाला यहूदी मिन्दुप मिरिक यम्बातिवा तेरीला दाक दाक्पी ल्हलुतिवाला तेन्दुप ड्याम माक्यानोक। १७ यिन्सिनाड खोकी क्या नङ्गुप लाका ति टेङ्बु यिन सिनी पङ्बु तेरुप क्युर्नी माज्याक। च्यिलासिसिन खोकी ख्यिराडला नाम नेमा छ्यर्वा तङ्नी डेलु ताड डुप्सेन ताड ख्यिराडला गोवु समातिवा गोरुप तुजे नङ्नी ख्यिराडला सेम किर्मु जो नाङ्सुड।” १८ तुक सिनी पावल ताड बारनाबासकी तिवाला छासे कार क्यानी तिवी थोक्ला जिन्बा तोड मिज्यिवुला क्येक्सुड।

१९ ति ज्युक्ला ललाइ यहूदीतिवा एन्टिओखिया ताड आइकोनियन नेसुर ते वानोक। तिवी मी माङ्छ्योकला चेन्नी पावलला दो थ्वोनी बेप च्यिसुड, तमा पावल शिते यिन्दे नोनी ग्येसा ने पाङ्गला दररर टिनी गाल। २० यिने तेकी लोमातिवा पावलकी गारी गुरीला चुम्नी लेसुड। तमा पावल खोक लानी ग्येसा नाङ्गला राड शुसुड। तमा ती सला तीला बारनाबास ताड क्यानी ती दासा नेवा थेन्नी डर्बीला गाल।

पावल ताड बारनाबास सिरियाकी एन्टिओखिया ने लोकनी वावु

२१ तमा पावल ताड बारनाबासकी डर्बीला साड लेन ल्यामु ख्याप्टाक क्यानी येशूला तेपा कितुप लोमातिवा बडी जोसुड। ती ज्युक्ला तिवा लुस्त्रा ताड आइकोनियन ताड एन्टिओखियाला लोकसुड। २२ तमा लोकुप पेला तेकी लोमातिवाला “ख्यिराड हम क्या दे गोकिवी, तेपा रम्बु क्या दे गोकिवी, तमा कोन्छ्योककी ग्येल्खापला लेपुपला ड्यिराड दुक्पा बडी खुर गोकिवी।” सिनी टोङ्गु बिन्सुड। २३ ती ज्युक्ला चर्च रे रेकी मीतिवी थोक्ला गोमा कितुप मी छ्येतिवा पेसुड। तमा तिवी थोक्ला ड्युङ्गे ज्हुङ्नी मोपोर क्यानी ती लोमातिवाला रङ्गी तेपा क्यावु कोन्छ्योकला चेक तेसुड।

२४ ती ज्युक्ला तिवा पिसिदिया नेवा

क्यानी पामफिलियाकी लुङ्बाला लेप्नी
 २५ पर्गाला सुङ ख्याप्टाक क्यासिमा मर
 अटालियाला गाल। २६ तेसुर तिवा टुला
 जेनी एन्टिओखियाला गाल्सुङ। ती
 दासा ति तिवी थल्माला सुङ ख्याप्टाक
 कितुप गो चुवु पेला चर्चकी मीतिवी
 तिवाला कोन्छ्योककी कटिनला चेक
 तेतुप दासा यिनोक। तन्दा ति तिवी तेरी
 ख्याप्टाक कितुप लाकातिवा छेनोक।
 २७ तिवा एन्टिओखिया लेप्सिमा तेकी
 चर्चकी मीतिवाला मुला राङ कताङ्नी
 कोन्छ्योककी तिवा नेसुर क्या नङ्गुप
 तेरी लाका ताङ कोन्छ्योककी यहूदी
 मिन्दुप मिरिक यम्बाकी मीतिवा
 चुक क्यानी खोला तेपा कि थुपुप
 जो नाङ्सुङ सिरुप ताम्डे ति तिवाला
 शेषुङ। २८ तमा तिवा ल अलायी सेक
 लोमातिवी मुला ते राङ देसुङ।

यहूदी मिन्दुप मिरिक यम्बाकी लुक्सुकी कोर्ला

१५ ती पेला यहूदिया नेसुर मी
 ललाइ एन्टिओखियाला
 वानी तेकी तेपा कितुप मीतिवाला
 “मोशाकी ठिमला सिक्यावु दोके
 यहूदीतिवी च्येतुप लुक्सु माक्यासुङ
 सिसिन कोन्छ्योककी ख्यिराङला
 दिक्पा ने थर मिज्यिवी।” सिनी येन्देन
 बिन्सुङ। २ तुक क्यानी पावल ताङ
 बारनाबास यहूदी मिन्दुप मिरिक
 यम्बाकी मीतिवी साङ यहूदीतिवी
 दोके च्येतुप लुक्सु कि गोकिवी सिरुप
 कोर्ला ताम्डे माडिक्नी च्यिककी

च्यिकला लप्सिर ग्यक्टी चेसुङ।
 तमा तेकी तेपा कितुप मीतिवी पावल
 ताङ बारनाबास ताङ यम्बा तेपा
 कितुप मीतिवाला पेनी ती ताम्डेकी
 केवुल कितुपला यरूशलेमला
 लोमा छ्येतिवा ताङ गोमा कितुप
 मी छ्येतिवी ते तोङ्सा क्यासुङ।
 ३ तोङ्गुप पेला चर्चकी मीतिवी
 तिवाला ल्यामो क्यानी ताङ्सुङ। तमा
 तिवा यरूशलेम डोप पेला फोनिके
 ताङ सामरियाला लेप्सुङ। लेप्सिमा ते
 वोतुप तेपा कितुप मीतिवाला यहूदी
 मिन्दुप मिरिक यम्बाकी मीतिवी सेम
 ग्युनी कोन्छ्योकला तेपा क्यासुङ
 सिरुप ताम्डे ति लाप्सुङ। तमा तेकी
 मीतिवा तेरी गा क्यासुङ। ४ तेसुर तिवा
 यरूशलेमला लेप्सिमा तेकी चर्चकी
 तेपा कितुपतिवा ताङ लोमा छ्येतिवा
 ताङ गोमा कितुप मी छ्येतिवी
 तिवाला गासो शुसुङ। तमा पावल
 ताङ बारनाबासकी कोन्छ्योककी
 तिवी मुला यहूदी मिन्दुप मिरिक
 यम्बातिवाला क्या नङ्गुप तेरी
 ताम्डेकी शुवा ति तिवाला तेसुङ।
 ५ यिने तेपा क्यावु फरिसी छ्योकपाकी
 मीतिवा ललाइकी लानी यहूदी मिन्दुप
 मिरिक यम्बातिवी साङ च्येतुप लुक्सु
 क्यानी मोशाकी ठिमला युक् गोकिवी
 सिनी सिक्यासुङ।

६ तमा ती ताम्डेकी कोर्ला केवुल
 कितुपला लोमा छ्येतिवा ताङ
 यहूदीतिवी नाङ ने गोमा कितुप मी
 छ्येतिवा जोम्नी ७ तिवा अलायी

केवुल क्यासिमा पत्रुस लानी तिवाला सिक्कासुड। “ओ अच्युनुपतिवा, गलुप डियमाला कोन्छ्योककी डला ख्यिरा पर नेमा ख्याप्टाक कितुपला पेतुप ताड यहूदी मिन्दुप मिरिक यम्बाकी मीतिवी डे ख्याप्टाक क्यावु लेन ल्यामु थोसिमा तेपा क्यासुड सिरुप ति ख्यिराडला छ्या राड वे।^८ तमा दाक्पी सेमगी ताम्डे हाक्कोवु कोन्छ्योककी यहूदी मिन्दुप मिरिक यम्बाकी मीतिवाला साड दाक्पुला दोके खोकी थु चाड्मा नङ्नी तिवा साड खोकी पेजा यिन सिरुप पङ्बु छ्या तेन्सुड।^९ खोकी यहूदी मिन्दुप मिरिक यम्बातिवा ताड डियरा पर्ला ललाइला ल्यामु, ललाइला मेलोकपा माक्या। यिने तेपा क्यावु तप्की तिवी सेम टेङ्बु जो नाङ्सुड।^{१०} तुक क्यानी च्यिला मलोक तेपा क्यावु यहूदी मिन्दुप मिरिक यम्बाकी मीतिवाला मोशाकी ठिमला वोतुप दुक्पा खुर च्यिनी कोन्छ्योकला खोक्पा लहेवी? ती दुक्पा ति दाक्पी पगावा हङ्गावी साड खुर माथुप, दाक्पी साड खुर माथुप।^{११} यिने चोवो येशूकी कटिन नेमा राड दाक्पु दिक्पा ने थरुप दोके तिवा साड चोवो येशूकी कटिन नेमा राड दिक्पा ने थरुप यिन सिरुप ति डियराडला तेपा वे।”

^{१२} तुक सिक्कासिमा ते वोतुप मीतिवा तेरी खरक्पा देसुड। तमा बारनाबास

ताड पावलकी यहूदी मिन्दुप मिरिक यम्बाकी मीतिवी पर्ला कोन्छ्योककी खोप्रे मिजी नेमा ततिवा ताड हलेवु लाकातिवा छ्या तेन्दुप ताम्डे ति तिवाला लाप्सुड। तमा तिवा ती ताम्डे ड्येन्नी देसुड।^{१३} तिवी लाप्नी सिन्सिमा याकूबकी दुक सिक्कासुड, “ओ अच्युनुपतिवा, डे ताम्डे ड्येना!^{१४} यहूदी मिन्दुप मिरिक यम्बाकी मीतिवी पर नेमा कोन्छ्योककी खोरो थोक्ला गिपा मिरा च्यिक पेतुप ताम्डे ति सिमोन पत्रुसकी सिक्का वे।^{१५} ती ताम्डे ति कोन्छ्योककी लुङ्तेम्बा नेसुर सुङ्गुप सुडला साड डिकिवी। ती सुडला दुक सिनी टि वे,

^{१६} “ती ज्युक्ला ड लोड वानी

दाऊदकी ज्हम्बुप खाड्बा ति येलुड जोयिन।

तमा तीकी टेवकतिवा येलुड जोनी तीला येर लोङ्गियन।

^{१७} तमा यम्बा लुवु मीतिवी साड चोवो कोन्छ्योकला छोल्ली।

तमा डे मिडला पेतुप यहूदी मिन्दुप मिरिक यम्बाकी मी तेरीकी डला छोल्ली।*

^{१८} दी ति चोवो कोन्छ्योककी सुड यिन।

ती कोन्छ्योककी ताड्बो नेज्युनी दाक्पुला ती ताम्डे ति हाक्को च्यिसुड।’

१६ती तप्की डे सि गोवु ताम्डे ति दी राड यिन। कोन्छ्योककी थाकाला ग्युरुप यहूदी मिन्दुप मिरिक यम्बाकी मीतिवाला डियराड मोशाकी ठिमला दे च्यिनी दुक्पा मेतेर। २०यिने तिवाला ‘लहलुतिवाला पुलुप समातिवा मासा! शम्डेन माकी! ज्यिङ्बा बाक्यम तङ्नी सेतुप सेम्ज्येनकी श ताड ठक मासा।’ सिरुप ताम्डे ति यिकी टिनी तोङ्गुप। २१च्यिलासिसिन ताङ्बो नेज्युनी ग्येसा ग्येसाला वोतुप यहूदी छ्योखाडला ज्यिङ्बा बाक्यम तङ्नी सेतुप सेम्ज्येनकी कोर्ला मोशाकी ठिम ति डासोप डियमाला नरी रोकिनोक।”

लोमा छ्येतिवी मिरिक यम्बातिवाला टिवु यिकी

२२ती ज्युक्ला लोमा छ्येतिवा ताड यहूदी गोमा कितुप मी छ्येतिवा ताड तेपा कितुपतिवा तेरी डिकनी तिवी पर नेमा ललाइ मीतिवाला पेनी पावल ताड बारनाबासकी मुला एन्टिओखियाला तोङ्गुप नो क्यासुड। तुक क्यानी तेपा कितुपतिवी पर नेमा बारसाबास सिरुप यहूदा ताड सिलास मिरा ड्यीला पेसुड। २३तमा तिवी लकला दुक सिनी यिकी ताङ्सुड,
“टसी देलेक, एन्टिओखिया ताड सिरिया ताड किलिकियाला वोतुप चोवोला तेपा कितुप यहूदी मिन्दुप मिरिक यम्बाकी अच्युनुपतिवाला दे वोतुप ख्यिरे अच्युनुप यिन्दुप

लोमा छ्ये ताड चर्चकी गोमा कितुप मी छ्येतिवी छ्योक नेसुर दी यिकी टिवु यिनो।

२४डियरा पर नेमा ललाइ मीतिवा डियराडला माटिवा क्यानी ख्यिरा ते गल्नी मेतुप ताम्डेतिवा लाप्नी ख्यिराडला दुक्पा बिन्दुप ताड सेम ना लङ्गुप ति डियरा हाक्कोसुड। २५ती तप्की डियराड तेरी डिकनी मी ललाइला पेनी तिवाला डियङ्ज्येवु बारनाबास ताड पावलकी मुला ख्यिरा ते तडिसन ल्यामु गिते नोसुड। २६पावल ताड बारनाबासकी दाक्पी चोवो येशू ख्रीष्टकी थोक्ला खोप्पे मिजी साड बिन वे। २७तमा डियरा यहूदा ताड सिलासला साड ख्यिरा ते तङ्गुप यिनो। तिवी ख्यिराडला डियरा यिकी टिन तङ्गुप ताम्डेकी कोर्ला शेकितो। २८कोन्छ्योककी थु चाङ्मा ताड डियराडला ख्यिरा ड्येन गोवु खक्छ्येवु ताम्डेतिवा मिसिन यम्बा कले ख्येल मिज्यी सिनी नो वे। २९ती ताम्डे ति काड यिन सिसिन, ख्यिराड लहला पुलुप च्यालक ताड ज्यिङ्बा बाक्यम तङ्नी सेतुप सेम्ज्येनकी श ताड ठक साप ताड शम्डेन कितुप लाकातिवा माक्यानी देसुड सिसिन ख्यिराडला ल्यामु गितो। हारिड ति दोजोयी राड गोङ्बा शोप्नो।”

३० यरूशलेम ने लोमा छ्येतिवा ताड मुला क्येसिमा पावल ताड बारनाबास ताड यहूदा ताड सिलास एन्टिओखियाला लेप्सुड। तमा ते तेपा कितुप मीतिवा तेरीला जोम च्यिनी ती यिकी ति तेसुड। ३१ ती यिकी नाङ्ला वोतुप टोङ्गु तेरुप ताम्डे ति रासिमा तेकी मीतिवा गा क्यासुड। ३२ तमा यहूदा ताड सिलास साड कोन्छ्योककी लुङ्तेम्बा यिन्दुप तप्की तेपा कितुप मीतिवाला कोन्छ्योककी सुड नेमा टोङ्गु बिन्नी तिवाला तेपा रम्बु जोसुड। ३३ तिवा ते डियमा चेयी देसिमा तेकी तेपा कितुप मीतिवी गा ताड क्यानी तिवाला लोदिमु वुङ्शी सिनी मोलाम बिन्नी यरूशलेमला ताङ्सुड। ३४ (३४ मे१) ३५ यिने पावल ताड बारनाबास ति एन्टिओखियाला देनी मी यम्बा बडीकी मुला कोन्छ्योककी सुड ख्याप्टाक कितुप ताड मीतिवाला येन्देन बिन्सुड।

पावल ताड बारनाबास पेतुप

३६ डियमा चेयी ज्युकला पावलकी बारनाबासला “दाक्पी गोमाला कोन्छ्योककी सुड ख्याप्टाक क्यावु ग्येसातिवाला गल्नी ते वोतुप तेपा कितुप मीतिवा चुकै वोते ल्हा डोप।” सिनी सिक्क्यासुड। ३७ ती पेला बारनाबासकी मर्कूस सिरुप यूहन्नाला साड मुला राड टिनी डोप नो क्यासुड।

३८ यिने पावलकी मर्कूस पामफिलिया नेसुर तिवा ताड मुला क्येनी गलुप ताड तिवी मुला लाका माक्यावु तप्की तीला टिनी डोप नो माक्या। ३९ तुक क्यानी तिवी पर्ला कशेन खाँदा शोरुप तप्की तिवा पेसुड। तमा बारनाबास ति मर्कूस ताड क्यानी टुला जेनी साइप्रस लुङ्बाला गाल। ४० यिने पावलकी सिलासला पेनी डियकर मुला राड डोप पेला ते तेपा कितुप मीतिवी तिवाला कोन्छ्योककी कटिनला दे थुप्शी सिनी मोलाम बिन्नी ताङ्सुड। ४१ तमा पावल ताड सिलास सिरिया ताड किलिकियाला कोरा ग्यकिन चर्चतिवाला तेपा रम्बु जोसुड।

पावल ताड सिलासकी तिमोथीला ठेतुप

१६ तेसुर पावलतिवा डर्बी ताड लुस्त्राला साड गाल। तमा लुस्त्राला तीकी तिमोथी सिरुप लोमाला ठेसुड। ती तिमोथीकी आमा ति येशूला तेपा कितुप ताड यहूदी गिपा यिनोक, पपा ति ग्रीककी मी यिनोक। २ तमा लुस्त्रा ताड आइकोनियनकी तेपा कितुपतिवी तिमोथीकी कोर्ला ताम्डे ल्यामु किनोक। ३ पावलकी तीला मुला राड टिनी डोप नो क्यानोक। तमा ते देतुप यहूदीतिवी खोकी पपा ति ग्रीक यिन सिरुप ति तिवा तेरीला छ्या वोतुप तप्की पावलकी तीला

१५:३४ यम्बा थेपला, “यिने सिलास ति ते राड देतुप नो क्यासुड।” सिनी टिवु साड वे।


यहूदीतिवी च्येतुप लुकसु क्यानोक।
 ४तमा तिवा ग्येसा ग्येसाला डोप पेला
 यरूशलेमकी लोमा छ्येतिवा ताड
 यहूदी गोमा कितुप मी छ्येतिवी जोवु
 ठिम ति तिवाला बिन्नी ती ठिमला
 ल्यामो क्यानी यु सिनी तेकी तेपा
 कितुपतिवाला सिक्यासुड। ५तमा
 चर्चकी मीतिवा तेपा रम्बु डोयी गल्नी
 डियमी टेड फेलिन गाल।

माकेडोनियाकी थोक्ला पावलकी ज्यल्का थोङ्गुप

६ती पेला एशियाकी लुङ्बाला
 कोन्छ्योककी थु चाङ्मा नेमा
 खोकी सुड ख्याप्टाक कि माच्यिवु
 तप्की तिवा फ्रिगिया ताड गलातिया
 नेवा गाल्सुड। ७तिवा माइसियाकी
 सन्छमला लेप्सिमा बिथिनिया
 थाकाला डोप नो क्यासुड। यिन्सिनाड
 येशूकी थुकी तिवाला डो माच्यी।
 ८तुक क्यानी तिवा माइसिया नेवा
 क्यानी त्रोआसला गाल्सुड। ९ती नुपला
 माकेडोनियाकी मी यी पावलकी
 चाला वानी, “माकेडोनियाला वानी
 डियराडला दाल्जा किटे की!” सिनी
 गोङ्बा शुवु ति पावलकी ज्यल्का
 थोङ्गुनोक। १०ती थोङ्सिमा पावल
 ताड डियराड शाक्येक माकेडोनियाला
 डोप नो क्यायिन। च्यिलासिसिन
 कोन्छ्योककी तेकी मीतिवाला लेन
 ल्यामु ख्याप्टाक कितुपला डियराडला
 कताड नङ्गुप यिन सिरुप ति डियरा
 हाक्कोसुड।

फिलिप्पीला लिडियाकी सेम ग्युरुप

११तेसुर डियराड त्रोआस नेसुर टुला
 जेनी तल्ल्येक सामोथ्राके नेवा गलिन।
 तमा ती सला तीला नियापोलिसला
 लेप्नी १२तेसुर डियराड काङ्बी राड
 युनी फिलिप्पीला वायिन। फिलिप्पी
 ति माकेडोनियाकी ग्येसा नाड ने छासे
 ग्येर्पु ताड रोमी लुङ्बाकी ओडला
 वोतुप दासा यिनोक। तमा डियराड
 ती ग्येसाला डियमा चेयी पर सेक
 देतिन। १३तमा डासोपकी डियमाला
 डियराड ग्येसाकी गोक्री फिला
 वोतुप चङ्बी गारीला यहूदीतिवा
 मोपोर कितुप दासा वोते सिनी
 गलिन। ते जोम्बुप पुम्पेजातिवी मुला
 ताम्डे अरा उरा सिक्यायिन। १४ती
 पेला ते जोम्बुप पुम्पेजातिवी नाङ्गला
 लिडिया सिरुप कोन्छ्योकला
 शब्ज्यी बुलुप पुम्पेजा मिरा च्यिककी
 डियरा ख्याप्टाक क्यावु सुड ति
 ड्येन्सुड। ती पुम्पेजा ति थिआटीरा
 ग्येसा ने वावु रा मुक्पु चोङ्गुप
 छोङ्मेन नोक। कोन्छ्योककी
 तीकी सेम ति पेतुप तप्की पावलकी
 ख्याप्टाक क्यावु सुड ति ल्यामो
 क्यानी ड्येन्सुड। १५तमा ती पुम्पेजा
 ताड तीकी खाङ्बी मीतिवा तेरीकी
 बप्तिस्मा लासिमा तीकी “दोजो
 ख्यिरा डियराड येशूला तेपा कितुप
 यिन सिनी नासाम वोसिन डियरा
 खाङ्बाला फेप्नी ज्यु।” सिनी
 डियराडला कार क्यानी टिसुड।



पावलकी लेन ल्यामु ख्यान्टाक कितुपला इयिवाला युक् गलुप दासातिवा लोमा छ्येतिवी लाका १५:३६-१८:२२

पावल ताड सिलास चोन्खाडला शोरुप

१६डियम्जिक डियराड यहूदीतिवा मोपोर कितुप दासाला डोयी वोतुप पेला ते ल्हलुतिवा रेन्नी मो ल्हाप पुम्पेजा लावाम यीला ठेसुड। ती पुम्पेजा लावाम तीकी मो ल्हाप लाका क्यानी खोरो ज्यिन्दाकतिवी थोक्ला टङ्गा बडी शम्नी तेर्किनोक। १७तमा ती पुम्पेजा तीकी च्यार ग्यकिन सिरा “दी मीतिवा चोछ्येवु कोन्छ्योकला शब्ज्यी बुलुप मी यिन। दिवी याड दिक्पा ने थर ज्यितुप लामकी कोर्ला ख्याप्टाक किवी।” सियी पावल ताड डियरा तिङ्ला तिङ्यानी लेसुड। १८तीकी डियमा अलायी सेक तुक सिनी तिङ्यासिमा पावलला छेरा लानी ख्युर ग्युर्नी ती डे तीला, “येशू ख्रीष्टकी मिडला ख्युरुड दे नेसुर थेन ग्युक!” सिनी वोरो तेन्सुड। तमा ती डे ति शाक्येक ती पुम्पेजी नेसुर थेन्नी गाल।

१९ती मो ल्हाप पुम्पेजा नेमा डे थेन गलुप हाक्कोसिमा लावामकी ज्यिन्दाकतिवी खोप्पाडला टङ्गा शम्नी खुन वुङ्गुप रेवा मेतुप थोङ्नी पावल ताड सिलासला जिम्नी हाला टिनी ठिम तोङ्गुपतिवी चाला क्याल्सुड। २०तिवाला ठिम तोङ्गुपतिवी ते क्यल्सिमा “दी मीतिवा यहूदी राड यिन्सिनाड दाक्पी ग्येसाकी मीतिवाला ठका ठुका तोङ्गिनोक।

२१दिवी याड दाक्पु रोमीतिवी कितुप मेङ्गुप ताड खलाड कितुप मेङ्गुप लुकमुतिवा के दाक्पुला लोप्किनोक।” सिनी सिक्पासुड। २२तुक सिक्पालुङ्मे शाक्येक पावल ताड सिलासकी तेन्दोकला मी माङ्छ्योक लासुड। तमा ठिम तोङ्गुप तिवी “तिवाला पेटुङ्बा सिड जोनी दु।” सिनी क बिन्सुड। २३तमा तिवी पावल ताड सिलासला लकाम थ्वोनी कशेन दुसिमा चोन्खाड नाङ्ला उप्सुड, तमा दी मीतिवाला ल्यामो क्यानी ज्हेना सिनी चोन्खाड ल्हाप मीला चेक तेन ज्याक्सुड। २४तमा चोन्खाड ल्हाप मी तीकी पावल ताड सिलासला नाङ्गी कोठाला टिनी काङ्बाला च्याटोक ग्यप्नी ज्याक्सुड।

२५यिने नुप फेका चोयीला पावल ताड सिलास मोपोर कियी कोन्छ्योकला सोवा देकुप लु लङ्गियन नोक। तमा चोन्खाडला शोरुप यम्बा मीतिवा ति ड्येन्नी देनोक। २६ती पेला राड शाक्येक सयी ग्येर्पु यी ग्यप्सिमा चोन्खाडकी डम्ज्यीतिवा योसुड। तमा चोन्खाडकी गोतिवा पेनी तिवाला ग्यपुप च्याटोकतिवा टोल्सुड। २७तमा चोन्खाड ल्हाप मी ति डिय छेनी खोक लानी ल्हासालेन्सिन चोन्खाडकी गोतिवा तेरी पेतुप थोङ्गिसमा चोन्खाडला उम ज्यकुप मीतिवा तेरी टोन गाल्ते सिनी खोरुड राड शेष नोनी खोरुडला खुर्पा थ्वोनी बेपुप छाल्सुड। २८पावलकी ती

थोङ्नी कशेन थोर ग्यप्नी, “ओ अच्यु, तुक माकी! डियराड तेरी देराड वे!” सिनी सिक्कासुड।

२६तमा ती चोन्खाड ल्हाप मी ति दिप्ली च्येनी छ्योङ्बाल ग्यकिन नाङ्ला वानी ज्यिवा कियी सिरा पावल ताड सिलासकी चिप्ला खवुतुङ्मा देसुड। ३०तमा तिवाला पाङ्ला टि गल्नी, “ओ गेकेनतिवा, दिक्पा ने थरुपला डे काड कि गोकिवी?” सिनी टिसुड। ३१पावल ताड सिलासकी “चोवो येसूला तेपा क्यासिन ख्युरुड ताड ख्योरो मिछाड तेरी दिक्पा ने थर्किवी।” सिनी सिक्कासुड। ३२ती ज्युक्ला पावल ताड सिलासकी चोन्खाड ल्हाप मी ताड तीकी खाङ्बा वोतुप मिछाडतिवा तेरीला कोन्छ्योककी सुड ख्याप्ताक क्यासुड। ३३ती नुपला राड तीकी पावल ताड सिलासला म थेन्दुप ति दुनी बिन्सुड। तमा खोरुड ताड खोरो खाङ्बी मीतिवा तेरीकी बप्तिस्मा लासुड। ३४तीकी पावल ताड सिलासला खोरो खाङ्बा कताङ्नी समा बिन्सुड। च्यिलासिसिन खोरुड ताड खोरो मिछाडतिवा तेरीकी कोन्छ्योकला तेपा क्यावु तप्की तीला छासे गा लानोक।

३५ती सला तीला नाम लासिमा ठिम तोङ्गुपतिवी पावल ताड सिलासला पिताड तोड सिनी चोन्खाड ल्हाप मीला लेन क्योलुपला मक्मीतिवा ताङ्सुड। ३६तमा चोन्खाड ल्हाप मी

तीकी पावलला “ठिम तोङ्गुपतिवी अच्युतिवाला पि तोड सिनी क बिन वे। तुक क्यानी लोदिमु क्यानी दे नेसुर थेन फेप्सिन गिवी।” सिनी सिक्कासुड। ३७यिने पावलकी मक्मीतिवाला “डियराड रोमी नागरिक्ता वोतुप मीतिवाला काड क्येन मेसिनाड तिवी डियराडला मीतिवी मिङ्गाला दुसुड। तमा चोन्खाडला साड उप्सुड। त च्यिला डियराडला सी साड हाक्माकोवा क्यानी पि तोङ्गुप छोलिगी? दुकै वुड मुथुपी। खोप्प्राड राड वानी डियराडला पिताड तोङ्शी!” सिनी सिक्कासुड। ३८ती ताम्डे ति मक्मीतिवी ठिम तोङ्गुपतिवाला सिक्कासुड। पावल ताड सिलासला रोमी नागरिक्ता वोतुप मीतिवा यिन्दुप हाक्कोसिमा तिवाला ज्यिवा क्यासुड। ३९ती तप्की तिवा वानी पावल ताड सिलासला माफ लाङ्सुड। तमा तिवाला पाङ्ला टि गल्नी दी ग्येसा नेवा फेप सिनी ताङ्सुड। ४०तेसुर तिवा चोन्खाड नेमा थेन गल्सिमा लिडियाकी खाङ्बा गाल। तमा तेकी तेपा कितुपतिवाला टोङ्गु बिन्नी तेसुर गाल्सुड।

पावलकी थेसलोनिकेला
ख्याप्ताक क्यावु

१७ ती ज्युक्ला पावल ताड सिलास अम्पिपोलिस ताड अपोल्लोनियाकी लाम नेवा क्यानी थेसलोनिकेला वासुड। ते यहूदी

छ्योखाङ यी नोक। २तमा नरी दोके क्यानी पावल यहूदी छ्योखाङ नाङ्ला गल्ली डासोप डियमा डियमाला थेङ्मा सुम सेक कोन्छ्योककी सुङ नेसुर केवुल कियी देसुङ। ३तमा ख्रीष्टकी छेटाङ खुरुप ताङ टुङ्नी डोसु लङ गोवु ताम्डे ति ल्यामो क्यानी पङ्बु बिन्नी “ख्यिराङला डे ख्याप्ताक कियी वोतुप दी येशू ति ख्रीष्ट यिनो।” सिनी यहूदी छ्योखाङला जोम्बुप मीतिवाला सिक्यासुङ। ४ती थोसिमा यहूदी मी अलायीकी येशू ख्रीष्टला तेपा क्यानी पावल ताङ सिलासकी तिङ्ला तिङ्यासुङ। तमा ते कोन्छ्योकला सोवा देकुप ग्रीकतिवा बडी ताङ ग्येसाकी पुम्पेजा छ्येतिवी साङ तेपा क्यासुङ।

५यिने मी बडीकी येशूला तेपा क्यावु थोडिसमा यहूदीतिवा ठतोक लानी हाला लाका मेतुप दुक्टातिवाला लङ्नी ग्येसाला ठका ठुका लोङ च्यिसुङ। तमा तिवी यासोन सिरुप मीकी खाङ्बा थमु ग्यप्नी पावल ताङ सिलासला मीतिवी चिप्ला टि वुङ्गुप छाल्सुङ। ६यिने पावल ताङ सिलासला माङ्येसिमा यासोन ताङ यम्बा तेपा कितुप मीतिवा ललाइला जिम्नी ग्येसाकी छ्येतिवी चिप्ला टि गाल। तमा वोरु देनिन सिरा “दी जम्बुलिङला ठका ठुका जोप मीतिवा दे साङ वानोक। ७तमा यासोनकी

तिवाला खोरो खाङ्बाला ज्याक्नोक। तिवा तेरीकी येशू सिरुप यम्बा ग्येल्बु मिरा च्यिक गिवी सिनी ग्येल्बु कैसरकी बिन्दुप कला मिचिनोक।” ८ती ताम्डे थोनी ग्येसाकी ठिम तोङ्गुपतिवा ताङ यम्बा मीतिवा तेरी काङ कितुप काङ कितुप गाल। ९यिने तिवी यासोन ताङ तिवी मुला गलुप यम्बा मीतिवाला टङ्गा^१ लानी पिताङ ताङ्सुङ।

पावलकी बेरियाला ख्याप्ताक क्यावु

१०ती नुपला राङ तेपा कितुपतिवी पावल ताङ सिलासला बेरिया सिरुप दासाला ताङ्सुङ। तिवा ते लेप्सिमा यहूदी छ्योखाङ नाङ्ला गाल। ११तेकी यहूदीतिवा ति थेसलोनिके यहूदीतिवा सिनाङ हाक्कोमु नोक। तुक क्यानी तिवा पावलकी ख्याप्ताक कितुप पेला सेम गा क्यानी ड्येन्गिनोक। तमा येशूकी कोर्ला तिवी बिन्दुप येन्देन ति टेङ्बु यिन्ताङ मिन्ताङ सिनी डियमी टेङ कोन्छ्योककी सुङ लोप्किनोक। १२ती तप्की तेकी यहूदीतिवा माङ्शोककी येशूला तेपा क्यासुङ। तमा ग्रीककी पुम्पेजा छ्येतिवा ताङ ग्रीककी ख्योक्पेजातिवा साङ बडी तेपा क्यासुङ। १३पावलकी बेरियाला साङ कोन्छ्योककी सुङ ख्याप्ताक कियी नोक सिरुप ति थेसलोनिकेकी

यहूदीतिवी हाक्कोनी तिवा ते साड वानी मी माङ्छ्योकला ठका ठुका जोसुड। १४ती तप्की तेपा कितुपतिवी पावलला शाक्येक ग्येम्छोकी गारीला ताङ्सुड। यिने सिलास ताड तिमोथी ति तेराड देसुड। १५पावलला क्योल डोपतिवी तीला एथेन्स ग्येसा सेक क्योल गाल। तमा तिवा सिलास ताड तिमोथीला डमु राड पावलकी चाला वुड गोकिवी सिरुप पावलकी क खुर्नी बेरियाला लोकसुड।

पावलकी एथेन्सला ख्याप्ताक क्यावु

१६पावल एथेन्सला सिलास ताड तिमोथीला गुन देतुप पेला तेकी ग्येसाला कुतिवा तिराडकी क्येङ्गुप थोङ्नी सेमला छासे पप लानोक। १७ती तप्की पावलकी यहूदीतिवा ताड कोन्छ्योकला शब्ज्यी बुलुप यहूदी मिन्दुप मिरिक यम्बातिवी मुला छ्योखाड नाङ्ला येशूकी कोर्ला केवुल क्यासुड। तमा यम्बा मीतिवाला साड हाला ठेनी डियमी टेड केवुल क्यासुड। १८ती पेला इपिक्युरी ताड स्तोइ सिरुप शेवा खावा वोतुप मीतिवी पर्ला ललाइकी पावल ताड मुला केवुल क्यासुड। तिवी पर्ला ललाइकी “दी पेतके पेतके सिरुप मी तीकी काड सिक्कावु यिनाड?” सिनी सिक्कासुड। तमा यम्बातिवी “दी याड छियग्यपकी ल्हलुतिवी कोर्ला ख्याप्ताक कितुप मी दोके थोङ्गिनोक।”

सिनी सिक्कासुड। च्यिलासिसिन पावलकी येशू ताड खो डोसु लावु कोर्ला ख्याप्ताक क्यानोक। १९तमा तिवी पावलला अरियोपागस सिरुप ठिम्खाडला टि गल्नी, “दी ख्योरो बिन्दुप येन्देन सम्बा ति काड यिन? डियराडला साड लोप थुप्किवी? २०ख्यिरा लापुप ताम्डे ति डियराडला मिच्यिक्पा थोकिनोक। तुक क्यानी ती ताम्डेकी तेन्दोक ति काड यिन, ती ति डियराड साड हाक्कोवु नो वे।” सिनी सिक्कासुड। २१तिवी तुक सिनी टिवु तेन्दोक ति एथेन्सकी मीतिवा ताड ते देतुप छियग्यपकी मीतिवी ति ताम्डे सम्बा ड्येन्दुप ताड शेतुप मिसिन यम्बा लाका काड साड मिकिनोक।

२२तमा पावल अरियोपागसकी पर्ला खोक लानी, “ओ एथेन्सकी मीतिवा, ख्यिराड ल्हलुतिवाला तेन्दुपला टेमु वोतुप ति डे थोङ्सुड। २३ड फार छुर युनी ल्हासिन ख्यिरा तेन्दुप ल्हतिवा बडी वोतुप ति डे थोङ्सुड। ती पर्ला ‘डो मेशेवु ल्हे थोक्ला’ सिनी टिवु छोटी साड डे थोङ्सुड। तमा ख्यिरा हाक्माकोवा क्यानी तेन्दुप ति ल्हकी कोर्ला ड ख्यिराडला ख्याप्ताक कितिन। २४काड यिन सिसिन जम्बुलिड ताड तीला वोतुप तेरी च्यालकतिवा ति कोन्छ्योककी ज्येसुड। खो ति देवाच्येन ताड जम्बुलिडकी कोन्छ्योक यिन्दुप तप्की मी लाक्पी जोवु ल्हडाड नाङ्ला मुज्युवी। २५कोन्छ्योककी जम्बुलिड

तेरी ज्येवु तप्की खोला कतुकारला ख्येलनोक सिनी मी लक नेसुर खोला शब्ज्यी बुल मोगोवी। च्यिलासिसिन खो तेरी मीतिवाला मिजी ताड उ ताड यम्बा तेरी गोवु च्यालकतिवा नङ्गुप कोन्छ्योक यिन। ^{२६}खोकी मी च्यिक नेमा राड दी जम्बुलिङ तेरीकी खला देतुप मी रुजेनतिवा तेरी जो नाङ्सुड। तमा मीतिवा ती जम्बुलिङला वासिमा चो सेक दे गोवु छे ताड देतुप दासा साड जो नाङ्सुड। ^{२७}कोन्छ्योककी ती तेरी क्यावु तेन्दोक ति मीतिवी खोला छोलशी, तमा छोलनी खोला ठेशी सिनी यिन। यिन्सिनाड खो दाक्पी मु ने थाक्किङ्बु मे। ^{२८}तुक क्यानी दाक्पु खोकी मुला राड मिजी क्योङ्गियन वे, खोकी मुला राड येर मर कियी वे, तमा खोकी मुला राड दी जम्बुलिङला देयी वे। ती तप्की स्थिरा छिकच्ये[†] जोपतिवा ललाइकी साड ‘दाक्पु ति वुतुड के खोकी गिपा राड यिन।’ सिक्या वे।

^{२९}दाक्पु कोन्छ्योककी गिपातिवा यिन्दुप तप्की खो ति मी लाक्पी लक्शी नेसुर नासाम तङ्गनी सेर, डुल ताड दो थ्योनी जोवु दोके यिन सिनी नासाम तोङ्गुप मेङ्गिगी। ^{३०}गोमाला मीतिवी हाक्माकोनी क्यावु तेरी लाकातिवाला कोन्छ्योककी ड्याम माक्या, यिने तफेन्ला दासा तेरीकी मीतिवी सेम ग्युर गोकिवी सिनी क नङ वे।

^{३१}च्यिलासिसिन खोकी तुजे यी तेन्तेन क्यानी दी जम्बुलिङला वोतुप मी तेरीला ठिम टेङ्बु क्या नङ्गिगी। ती ठिम कितुपला कोन्छ्योककी येशूला पेन नङ्गुप यिन। खोकी येशूला शेप ने डोसु लानी तेरी मीतिवाला दी ताम्डेकी कोर्ला पङ्बु छ्या तेन नाङ्सुड।”

^{३२}मीतिवी येशू टुङ्गनी डोसु लावु कोर्ला थोसिमा ललाइकी मर्च्या क्यासुड। तमा ललाइकी डियराड येलुड दी ताम्डे ति ड्येन गोकिवी सिनी सिक्यासुड। ^{३३}तोजोयी सिक्यासिमा पावल तिवी पर नेसुर थेन्नी गाल्सुड। ^{३४}यिने मी ललाइ ति पावलकी मुला तिङ्यानी येशूला तेपा क्यासुड। तिवा ति अरियोपागसकी ठिम कितुप डियनुसियस ताड दामारिस सिरुप पुम्पेजा मिरा च्यिक ताड यम्बा मीतिवा यिनोक।

पावलकी कोरिन्थला ख्याप्ताक क्यावु

१८ ती ज्युकला पावल एथेन्स नेसुर थेन्नी कोरिन्थला गाल्नोक। ^२ते लेप्सिमा पोन्टसला क्येवु अकिलास सिरुप यहूदी मिरा च्यिकला ठेनोक। ती ति खोरो पेर्मी प्रिस्किलाला साड मुला राड टिनी इटालिया लुङ्बा नेसुर कोरिन्थला वानोक। च्यिलासिसिन रोमी ग्येल्बु क्लौडियसकी तेरी यहूदीतिवाला रोम

नेसुर थेन ग्युक सिनी क बिन्नोक। तुक क्यानी पावल तिवाला ठेतुपला गाल्नोक। ^३तिवाला ठेसिमा तिवी लाका ति च्यिक्पा राड यिन्दुप तप्की पावल साड तिवी मुला राड देनी लाका क्यासुड। तिवी लाका ति कुर जोप लाका नोक। ^४डासोप डियमाला नरी पावल यहूदी छ्योखाडला गल्नी केवुल किनोक, तमा यहूदी ताड ग्रीककी मीतिवाला ल्यामो क्यानी हाक्को ज्यितुप छाल्सुड।

^५ती पेला सिलास ताड तिमोथी माकेडोनिया नेसुर वानोक। तुक क्यानी पावल ति कुर जोप लाका क्युर ज्याक्नी सुड ख्याप्टाक कितुप ताड यहूदीतिवाला येशू ति स्त्रीष्ट यिन सिनी पड्बु तेरिन नोक। ^६यिने यहूदीतिवा पावलकी तेन्दोकला लानी मर्च्या क्यासुड। तमा पावलकी ख्युर ग्युर्नी तिवाला “ख्यिराडला कोन्छ्योक नेमा ख्येलुप पर्च्या ति ख्यिरा क्येन यिन, डे ति मिन। त याड ड यहूदी मिन्दुप मिरिक यम्बाकी मीतिवी ते डोयी।” सिनी खोरो मज्यी लोकी थल्दुक ज्हुन ज्याक्नी गाल्सुड। ^७तेसुर पावल तीतस युस्तस सिरुप कोन्छ्योकला सोवा देकुप यहूदी मिन्दुप मिरिक यम्बाकी मी यीकी खाड्बाला कोन्छ्योककी सुड नेमा येन्देन तेरुपला गाल। तीकी खाड्बा ति यहूदी छ्योखाडकी चिप्ला राड नोक। ^८पावलकी बिन्दुप सुड थोसिमा ती छ्योखाडकी मी छ्ये क्रिस्पस ताड तीकी मिछाडतिवा

तेरीकी येशूला तेपा क्यासुड। तमा कोरिन्थकी मीतिवा बडीकी पावलकी ख्याप्टाक क्यावु सुड थोसिमा कोन्छ्योकला तेपा क्यानी बप्तिस्मा लानोक। ^९तमा नुप च्यिक पावलला ज्यल्का थोड्मी चोवो येशूकी तीला “ख्युरुड ज्यिवा माकी, यिने खरक्पा मादेवा क्यानी सुड ति लोप! ^{१०}च्यिलासिसिन ड ख्योरो मुला राड वे। तुक क्यानी ख्युरुडला सी साड मेलोकपा कि मुथुपी। दी ग्येसाला डला तेपा कितुप मीतिवा बडी वे।” सिनी सुड्सुड। ^{११}तमा पावल तिवी मुला लो च्यिक ताड फेका सेक देनी तिवाला कोन्छ्योककी सुड लाप्सुड।

^{१२}तमा गलियोन ति अखैया लुड्बा ओड्ज्येन कितुप मी छ्ये वोतुप पेला यहूदीतिवा ख च्यिक क्यानी पावलकी तेन्दोकला लानी पावलला ठिम्खाडला टिन गल्सिमा ^{१३}“दी मी तीकी याड रोमी ठिम ताड मुला मिथिन्दुप ताम्डे लाप्नी कोन्छ्योकला सोवा देक गोकिवी सिनी लुकिनोक।” सिनी सिक्क्यासुड। ^{१४}तमा पावलकी लप्तुछ्येप पेला ती गलियोन तीकी यहूदीतिवाला दुक सिक्क्यासुड, “ओ यहूदीतिवा, वुतुड के ख्यिरा क्यावु दी ताम्डे ति मीला मेलोकपा जोप याड्ना लाका दुक्टा कितुप ताम्डे यिन्सियाड डे ड्येन राड गोकिवी। ^{१५}यिने दी ताम्डे ति ख्यिरा ग्येताम ताड मिडतिवा ताड रडगी ठिमकी कोर्ला यिन्सिन ख्यिराड ल्हानी नासाम

तोडा! दुका ताम्डेकी ठिम कितुप ति डला गा मलङ्गिगी।” १६तुक सिक्कासिमा तीकी तिवाला ठिम्खाड नेमा तेन ताङ्सुड। १७तमा मीतिवा तेरीकी यहूदी छ्योखाडकी मी छ्ये सोस्थेनेसला जिम्नी ठिम्खाडकी दोङ्ला राड दुसुड। यिने तीकी कोर्ला गलियोनकी काड साड ड्याम माक्या।


पावल एन्टिओखियाला लोकप

१८ती ज्युक्ला पावल डियमा अलायी सेक ते राड देसुड। तमा कोन्छ्योकला तेपा कितुप मीतिवी मुला क्येनी प्रिस्किला ताड अकिलास साड मुला राड टिनी टुला जेनी सिरिया लुङ्बाला डोप छाल्सुड। यिने गोमाला कोन्छ्योकला थाक्छ्येनी लावा लावु ति नासाम शर्नी किंक्रियाला गल्नी खोरो ज्ह टेसुड। १९तेसुर तिवा एफिससला लेप्सिमा पावलकी प्रिस्किला ताड अकिलासला तेराड क्युर ज्याक्नी खोरुड ति यहूदी छ्योखाड नाङ्ला शुनी यहूदीतिवी मुला येशूकी कोर्ला केवुल क्यासुड। २०तमा तेकी यहूदीतिवी पावलला तरोड साड चेयी देराड ज्यु सिनी गोङ्बा शुसुड। यिने पावल माङ्येन। २१तमा तिवी मुला क्येनी डोप पेला पावलकी तिवाला “कोन्छ्योककी नोवा वोसिन ड येलुड ख्यिरा ते लोड वुङ्गुप्नो।” सिनी एफिसस नेसुर टुला जेनी गाल्सुड। २२तमा कैसरियाला

पाप्सिमा केन जेनी यरूशलेमकी चर्चला गल्नी तेकी तेपा कितुप मीतिवाला ठेनी मर एन्टिओखियाला गाल। २३ते डियमा चेयी देसिमा पावल गलातिया ताड फ्रिगियाकी लुङ्बाला वोतुप दासा कुतुक कुतुकला गल्नी ते वोतुप तेपा कितुप मी तेरीला टोङ्गु बिन्नी तेपा रम्बु जोसुड।

अपोल्लोसकी एफिससला ख्याण्टाक क्यावु

२४ती पेला अलेक्जेन्ड्रिया ग्येसाला क्येवु अपोल्लोस सिरुप यहूदी मिरा च्यिक एफिससला वानोक। ती ति ताम्डे ल्यामु लोपुप ताड कोन्छ्योककी सुङला खामु वोतुप मी नोक। २५कोन्छ्योककी सुड टेङ्बुकी कोर्ला तीकी येन्देन ड्येनोक। तुक क्यानी ती ति छासे सेम गा क्यानी येशूकी कोर्ला ताम्डे लपुप ताड ताम्डे टेङ्बु तिराड लोपुप किनोक। यिने तीला यूहन्नाकी बप्तिस्माकी कोर्ला तिराड छ्या नोक। २६ती ति यहूदी छ्योखाड नाङ्ला गल्नी डाडेड क्यानी सुड लप्किनोक। यिने तीकी लापुप सुड थोनी प्रिस्किला ताड अकिलासकी ती अपोल्लोस तीला येशूकी कोर्ला ल्यामु क्यानी हाक्माकोवु थोङ्नी तीला खोप्ने खाङ्बा टि वानी येशूकी सुड टेङ्बुकी तेन्दोक ति ल्यामो क्यानी लाप्सुड। २७तमा ती ज्युक्ला अपोल्लोस अखैयाकी दासाला डोप नो क्यासिमा तेपा कितुप मीतिवी तीला ते डोपला



लोमा छ्येतिवी लाका १८:२३-२१:१७

पावलकी लेन ल्यामु ल्याप्टाक किंतुपला सुम्बाला युक गलुप दासातिवा युरोप ताड अफ्रिका पर्ला वोतुप ग्येम्छो

टोङ्गु बिन्सुड। तमा अखैयाला वोतुप लोमातिवाला “अपोल्लोसला ल्यामो क्यान दाल्जा किटे की।” सिनी तिवी यिकी टिनी ताङ्सुड। तेसुर अपोल्लोस अखैयाला लेप्सिमा कोन्छ्योककी कटिन थोप्नी तेपा क्यावुतिवाला दाल्जा किटे क्यासुड। २८ च्यिलासिसिन कोन्छ्योककी सुड नेसुर तीकी येशू तिराड खीष्ट यिन सिरुप सुड बिन्नी तेरीकी मिङ्गाला यहूदीतिवा ताड मुला केवुल क्यानी तिवाला खरक्पा दे च्यिसुड।

पावलकी एफिससला ख्याण्टाक क्यावु

१९ अपोल्लोस ति कोरिन्थला वोतुप पेला पावल ति गलातिया ताड फ्रिगियाकी दासा नेवा क्यानी एफिससला वासुड। तमा ते ललाइ तेपा कितुप मीतिवा ताड मुला ठेनी, २ “ख्यिरा तेपा क्यासिमा ख्यिराडला कोन्छ्योककी थु चाङ्मा ड्येसुड माङ्ये?” सिनी टिसुड। यिने लोमातिवी पावलला “माङ्ये वे। कोन्छ्योककी थु चाङ्मा वे सिरुप ति ड्यिरा थोवु साड माथो वे।” सिनी सिक्क्यासुड। ३ तमा पावलकी लोड तिवाला “तुकै यिन्सिन, ख्यिरा चुका परकी बप्तिस्मा लावु?” सिनी टिसुड। तमा तिवी “ड्यिरा याड यूहन्नाकी बप्तिस्मा लायी।” सिनी सिक्क्यासुड। ४ येलुड पावलकी तिवाला सिक्क्यासुड, “यूहन्नाकी बप्तिस्मा याड

मीतिवाला सेम ग्युरुप थोक्ला तिराड बिन्दुप यिन। यूहन्नाकी ‘डे तिङ्ला मी यी फेक्किवी, ख्यिरा खोला तेपा की!’ सिनी सिक्क्यावु ती मी ति येशू यिन।” ५ ती ताम्डे थोसिमा तिवी येशूकी मिङला बप्तिस्मा लासुड। ६ ती ज्युक्ला पावलकी तिवी खला लाक्पा ज्याक्सिमा कोन्छ्योककी थु चाङ्मा तिवी खला फेप्नी तिवा ग्येताम कुतुक कुतुकला ताम्डे कितुप ताड ज्युकथमाला वुङ्गुप ताम्डे साड शेतुप छाल्सुड। ७ ते तिवा तो मिसिन मिरा च्यिङ्डी चोयी नोक।

८ ती ज्युक्ला पावल यहूदी छ्योखाडला गल्नी ल सुम सेक डाडेड क्यानी मीतिवाला कोन्छ्योककी ग्येल्खापकी कोर्ला लाप्नी तिवाला तेपा कि ज्यितुप छाल्सुड। ९ यिने मी ललाइकी सेम क्योङ्बु वोतुप तप्की पावलकी ताम्डेला तेपा माक्यानी मीतिवी मिङ्गाला पावलकी ताम्डेकी तेन्दोकला लासुड। तुक क्यानी पावलकी ती ताम्डे मेलोक्पा कितुपतिवाला क्युर ज्याक्नी लोमातिवाला टिनी टुरान्नस सिरुप लोपुप दासाला देनी ड्यिमी टेड तिवाला येशूकी कोर्ला लाप्सुड। १० पावलकी तिवाला लो ड्यी सेक लाप्सिमा ते एशियाला देतुप यहूदी ताड ग्रीककी मीतिवा तेरीकी येशूकी सुड ड्येन्सुड।

११ तमा ते कोन्छ्योककी पावलकी लक नेमा हलेवु लाकातिवा कि

च्चिसुड। १२ती हलेवु लाका ति पावलकी थोकुप रुमाल ताड लाका कितुप पेला कोन्दुप मज्या रे काड रे मीतिवी खुन गल्नी नेर्पुकी जुला रेक्सिन नेर्पुतिवी नेजुतिवा टेकुप ताड जेहन्डीतिवा थेन डिनोक।

१३तमा ललाइ फार छुर युकुप यहूदी मिंदुडतिवी डेकी कुलुप मीतिवाला येशूकी मिड तेन्नी, “पावलकी ख्याप्टाक क्यावु येशूकी मिडला ड ख्युरुडला सिरिन, थेन ग्युक!” सिनी क तेर्किनोक। १४ते स्केवास सिरुप यहूदी कोड्यार छ्येकी पुज्युड पिन दिनतिवी साड तुक राड किनोक। १५तिवी तुक कितुप पेला डेकी तिवाला “ड येशूला डो शेकिवी, पावलला साड डो शेकिवी। यिने ख्यिराड ति सु यिन?” सिनी टिसुड। १६तमा ज्युकला डेकी कुलुप मी ति तिवी खला फिर्नी तिवा तेरीला ओडला ज्याक्नी तला ताड्सुड। तमा तिवा जुला म थेन्नी ती खाड्बा नेमा पेटुड्बा सिड क्यानी टोनी गाल्सुड। १७ती ताम्डे ति एफिससला देतुप यहूदीतिवा ताड ग्रीकतिवी हाक्कोसुड। ती तप्की तिवा तेरी ज्यिवा लानी चोवो येशूकी मिडला सोवा तेक्सुड। १८तमा मलोक तेपा क्यावु मीतिवा बडी वानी मीतिवी मिङ्गाला खोप्रे क्यावु मेलोवा लाकातिवा क्युर्नी सेम ग्युर्सुड। १९तिवी पर्ला शाशुता कितुपतिवा बडीकी खोप्रे शाशुता कितुप पेज्यातिवा तेरी खुन वानी मी तेरीकी

मिङ्गाला जेसुड। ती पेज्याकी गोड ति ची क्यासिन डुलकी डप्बु तोड्डा खल ड चोयी नाकिनोक। २०तुक क्यानी येशूकी सुड ति मड मड टमिन ताड ओड छ्येवु डोयी गाल।

एफिससला मीतिवा हराड हरुड क्यावु

२१ती ज्युकला पावल कोन्छ्योककी थु चाड्माकी ओडला माकेडोनिया ताड अखैयाकी लाम नेवा क्यानी यरुशलेमला डोपला नासाम तड्नी, “ते गल्सिमा ड रोमला साड डो गोकिवी” सिनी सिक्यासुड। २२तमा खोरुडला दाल्जा कितुप तिमोथी ताड इरास्तसला ति माकेडोनियाला ताड्नी खोरुड ति डियमा चेयी पर सेक एशिया लुड्बाला देसुड।

२३ती पेला ते पावलकी ख्याप्टाक क्यावु येशूकी सुडगी कोर्ला मीतिवा छासे हराड हुरुड क्यासुड। २४च्चिलासिसिन डेमेत्रियस सिरुप डुलकी कु जोप मी यीकी आर्तेमिस सिरुप ल्हमुकी ल्हडाड दोके टिकपे टिकपे जोनी ती लाका कितुप मीतिवाला लाका बडी तेर्किनोक। २५ती डेमेत्रियसकी कु जोप लाका कितुप मीतिवा ताड यम्बा तुकै राड लाका कितुप मीतिवाला कताड्नी सिक्यासुड, “ओ नुपतिवा, दी छोड नेसुर ख्येप्साड ल्यामु राड गिवी सिरुप ति याड ख्यिराडला छ्या राड वे। २६एफिसस ताड एशियाला वोतुप

मीतिवा तेरीला ‘लाक्पी जोवु कुतिवा काड साड मिन।’ सिनी पावलकी मी बडीला लुनी टिन गलुप ति ख्यिरा थोङ्गुप ताड थोनी राड वे। २७ती तप्की दाक्पी छोडला कुन फोकुप तिराड मिन, दाक्पी ओड छ्येन्मु आर्तेमिस ल्हमुकी ल्हडाडला साड मेतेन्वी, तेरी एशियाकी लुङ्बा ताड जम्बुलिङ तेरीकी मीतिवी तेन्दुप ल्हमुकी मोवा साड तोर्नी डिवी।” सिनी सिक्यासुड।

२८ती थोसिमा तिवा कशेन डियर्मु लानी “ड्यिराड एफिसीतिवी ल्हमु आर्तेमिस राड छ्ये यिन।” सिनी च्यार तेन्सुड। २९तुक क्यानी ती ग्येसा तेरीला छासे हराड हुरुड क्यासुड। तेसुर तिवा ख च्यिक क्यानी माकेडोनिया नेसुर पावलकी मुला वावु पावलकी दाल्जा गायस ताड अरिस्तार्खसला जिम्नी टियी सिरा मी बडी लहेर्मु ल्हाप दिङ्माला गाल्सुड। ३०तमा पावल मी माङ्छ्योककी पर्ला राड डोप नो क्यासुड, यिने लोमातिवी खोला डो माच्यी। ३१ते वोतुप पावलकी दाल्जा एशियाकी मी छ्ये ललाइतिवी पावलला ती लहेर्मु ल्हाप दिङ्माला माडो सिनी लेन ताङ्नी गोङ्बा शुसुड। ३२ती पेला ती लहेर्मु ल्हाप दिङ्माला जोम्बुप मीतिवा ललाइकी ताम्डे च्यिक, यम्बातिवी ताम्डे च्यिक सिनी च्यार ग्यपुप तप्की ते छासे हराड हुरुड गाल। ते जोम्बुप मीतिवा माङ्शोककी ते च्यिला मी जोम्बुप

यिन सिरुप ति हाक्माकोनोक। ३३तमा ते वोतुप यहूदीतिवी अलेक्जेन्डरला दी हराड हुरुड क्यावु तेन्दोकला ताम्डे की सिनी मीतिवी दोङ्गला पुलनी ताङ्सिमा तीकी मीतिवाला खरक्पा दे सिनी लाक्पी छ्याक्के क्यानी मीतिवाला ताम्डे सिरुप छाल्सुड। ३४यिने अलेक्जेन्डर यहूदी यिन्दुप ति मी माङ्शोककी हाक्कोनी तिवा घण्टा ड्यी सेक “ड्यिरा एफिसीकी आर्तेमिस ल्हमु राड छ्ये यिन।” सिनी ख च्यिक क्यानी च्यार तेन्सुड।

३५ती ज्युक्ला तेकी ग्येसाकी मी छ्ये तीकी मीतिवाला कुसुमी दे च्यिनी दुक सिक्यासुड, “ओ एफिससकी मीतिवा, एफिससकी ग्येसाकी मीतिवा ति चोछ्येवु ल्हमु आर्तेमिसकी ल्हडाड ताड नाम नेमा पापुप तीकी कुला ज्होकुप मीतिवा यिन सिरुप ति तेरीला छ्या वे। ३६दी ताम्डे ति छासे राड खक्छ्येर्मु वे सिनी ख्यिराडला साड छ्या वे। तुक क्यानी ख्यिराड खरक्पा दे गोकिवी। तमा लाका वुल्दुङ्बा कितुप मेवी। ३७च्यिलासिसिन ख्यिरा दे टि वावु मीतिवी ल्हडाड नाङ्गला वोतुप काड साड कुन माक्या वे। दाक्पी ल्हमु अर्तेमिसला साड मारे माताड वे। ३८ती तप्की डेमेत्रियस ताड तीकी कु जोप लाका कितुप मीतिवी सी तेन्दोकला सि गोवु ताम्डे रे काड रे वोसिन ठिम्खाड साड पेनी वे, ठिम कितुप मी साड वे। ते गल्नी च्यिककी

च्यिकला क्येन तेर थुप्किवी। ३६यिने ती मिन्दाला ताम्डे यम्बा वोसिन तीकी तेन्दोकला ग्येसाकी मीतिवा जोम्नी केवुल कितुप छोकपाला राड गल्नी ताम्डे कि थुप्किवी। ४०च्यिलासिसिन हारिड हराड हुरुड क्यावु क्येन ति दाक्पुला राड फोकुप दोके नोक। दुका तेन्दोक राड मेतुप हराड हुरुडगी टिलेन ड्यिरा काड साड तेर मुथुपी।” ४१तीकी तोजोयी सिक्यासिमा मीतिवा तेरीला ताड्सुड।

पावल माकेडोनिया ताड ग्रीसला गलुप

२० ती हराड हुरुड क्यावु ज्युकला पावलकी लोमातिवाला कताङ्नी तिवाला टोङ्गु बिन्नी तिवी मुला क्येनी खुरुड ति माकेडोनिया थाकाला गाल। २ते वोतुप दासा दासाला गल्सिमा तेकी तेपा कितुप मीतिवाला टोङ्गु बडी बिन्नी ग्रीसला गाल। ३तमा ते ल सुम देसिमा टुला जेनी सिरियाला डोप नासाम ताड्सुड। यिने यहूदीतिवी पावलला सेतुपला च्यु क्यावु हाक्कोनी पावल काङ्बी राड माकेडोनिया नेवा राड डोप नो क्यासुड। ४ती पेला पावलकी मुला डोप मीतिवा ति बेरियाला क्येवु पुरासकी पुज्युड सेपोत्रस ताड थेसलोनिक्की अरिस्तार्खस ताड सिकन्दस ताड डर्बीकी गायस ताड तिमोथी ताड एशियाकी तुखिकस ताड त्रोफिमस नोक। ५ती मीतिवा

ति गोमाला के त्रोआसला गल्नी पावल ताड ड्यिराडला गुनी देनोक। ६ड्यिराड ति खमीर मालुकुप शुब्ज्याड साप तुछ्येन सिन्सिमा फिलिप्पी नेवा टुला जेनी गलिन। तमा ड्यिमा डकी छैर्मु त्रोआसला तिवी चाला लेप्सुड। ते लेप्सिमा ड्यिमा दिन सेक तिवी मुला राड देतिन।

युटिकसला सेन्बु लङ्गुप

७तमा डासोप ड्यिमी गोमु ड्यिराड चोवोकी डेनकी शुब्ज्याड सापला जोमिन। तमा पावल ती सला तीला राड डोप नो क्यावु तप्की तिवा ताड मुला नुप फेका सेक कोन्छ्योककी सुडगी कोर्ला अरा उरा सिनी देसुड। ८ते ड्यिराड देतुप खाङ्बी तेडगी कोठाला दिप्लीतिवा बडी चेनी नोक। ९ती पेला युटिकस सिरुप ख्योकपेजा नाज्युड यी करुड खला देनी नोक। पावल अलायी सेक अरा उरा सियी देसिमा ती ति ड्यिला शोर्नोक। तमा ती तप्की खाङ्बा सुम्दोक ख नेमा तला ग्यप्नी तिवी तीला लोङ्सालेन्सिन ती ति शिनोक। १०तमा पावल मर पाम वानी पुमुड सला चुनी तीला पाङ्बा तप्नी “ख्यिराड सेम्दुक माकी, दी याड माशि वे।” सिनी सिक्यासुड। ११ती ख्योकपेजा ति सेन्बु लावु थोडिसमा तिवा येर तेला गल्नी चोवो येशूकी मिडला च्योकुप शुब्ज्याड सोसुड। तमा पावल ति नाम लाङ्दा सेक

तिवी मुला अरा उरा सिनी देसुड।
नाम लासिमा तिवी मु नेसुर क्येसुड।
१२तमा मीतिवी ती गोमाला तला
ग्यप्नी सेन्बु लावु ख्योकपेजा तीला
टिनी गाल्सुड। ती तप्की तिवी
सेमला छासे गा लानोक।

पावल त्रोआस ने मिलेटसला गलुप

१३तेसुर पावल ति काड्बी राड
अस्सोस सेक डोप नो क्यावु तप्की
डियराड टुला जेनी गोमाला राड
अस्सोसला गलिन। १४ते पावलला
ठेसिमा टुला जेनी मुला राड
मितिलेनेला गलिन। १५तेसुर टुला
जेनी गल्सिमा ती सला तीला डियराड
खियसला लेप्सुड। तमा डियमा
डियवाला डियराड सामोसला लेप्नी
डियमा सुम्बाला मिलेटसला लेप्सुड।
१६पावल एशियाला अला देतुप नो
माक्यावु तप्की एफिससला माशुवा
क्यानी डोप नो क्यासुड। च्यिलासिसिन
लेप थुप्सिन पेन्तिकोसकी[†] तुछ्येनला
यरूशलेमला राड लेपुप नोनी रिवा
क्यासुड।

पावलकी एफिससकी गोमा कितुप मी छ्येतिवाला ठेतुप

१७तमा पावलकी मिलेटस नेमा
मीतिवा तङ्नी एफिससला वोतुप
चर्चला गोमा कितुप मी छ्येतिवाला

कताड्सुड। १८तमा ती गोमा कितुप
मी छ्येतिवा ते वासिमा पावलकी
तिवाला दुक सिनी सिक्क्यासुड, “ड
एशियाला वावु छेर्मु नेज्युनी ख्यिरा
पर्ला चुक क्यानी देतिन सिरुप ताम्डे
याड ख्यिराडला छ्या वे। १९ती पेला
यहूदीतिवी डला सेतुपला केवुल
क्यानी छासे दुक्पा वोसिनाड डे
कुसु ज्यम्बु क्यानी डुयी सिरा टेमु
क्यानी कोन्छ्योकला शब्ज्यी कितुप
माक्युर। २०ख्यिराडला ल्यामु वुङ्गुप
ताम्डे वोसिन ड मी तेरीकी दोड्ला
लानी येन्देन लोपुप ताड खाड्बा
खाड्बाला गल्नी लोपुपला डे कि
मुथुपी सिनी नाम्साड सिमाक्या। ती
ताम्डे याड ख्यिराडला साड छ्या वे।
२१ड दिक्छेन यिनोक सिनी सेम ग्युर्नी
कोन्छ्योककी सुडला ड्येन्दुप ताड
येशूला तेपा कि गोकिवी सिरुप ताम्डे
ति यहूदीतिवा ताड ग्रीकतिवाला डे
पड्बु बिनिन।

२२ल्होसा, त कोन्छ्योककी थु
चाड्माकी क नङ्गुप तप्की ड
यरूशलेमला डोयी वोतो। ते डला
काड ख्येल गिते, ती ति डला काड
साड छ्या मे। २३यिने डला दोजो
तिराड छ्या वे, ड चुका ग्येसाला
गल्सिनाड तिवी डला छेटाड दुडल
बिन्नी चोन्खाडला उप्किवी सिनी
कोन्छ्योककी थु चाड्माकी डला

२०:१६ पेन्तिकोसकी कोर्ला हाक्कोवुला दी थेपकी ग्यपला वोतुप “काले वोतुप
छिकतिवा”ला ल्हाप।

हाक्को च्यिसुड। ^{२४}यिन्सिनाड डे कि गोवु लाका तेरी सिन्दा कितुप ताड कोन्छ्योककी कटिन वोतुप लेन ल्यामुकी कोर्ला पङ्बु तेरुपला चोवो येशू नेमा डला चेक तेन नङ्गुप लाका तेरी कि थुप्सुड सिमिन डे मिजी ति काड साड मिन।

^{२५}ल्होसा, ख्यिरा पर्ला कोन्छ्योककी ग्येल्खापकी कोर्ला डे ख्याप्टाक क्यावे, यिने ख्यिरा पर्ला सी साड येलुड डला मोथोङ्गिगी सिनी मला छ्या वे। ^{२६}ती तप्की ख्यिरा क्यावु तेपा क्युर्नी ज्याक्सिनाड तीकी क्येन ति डला मोफोकशी सिनी हारिड ड ख्यिराडला ल्यामो क्यानी पङ्बु तेरिन। ^{२७}च्यिलासिसिन कोन्छ्योककी नोवाला वोतुप ताम्डेतिवा तेरी डे ख्यिराडला लापिन। ^{२८}तुक क्यानी ख्यिराड गोमा कितुप मी छ्येतिवा रङ्गी थोक्ला ल्यामो क्यानी नासाम तोड, तमा तेपा कितुप ख्यिरा मीतिवाला साड ल्यामो क्यानी ल्होसा। च्यिलासिसिन कोन्छ्योककी थु चाङ्माकी ख्यिराडला तेपा कितुप मीतिवा ल्हाटे कितुपला चेक तेतुप ताड खोकी खोरो सेवुकी ठककी ड्योनी नङ्गुप चर्च ल्यामो क्यानी ल्हापला पेतुप यिन। ^{२९}ड गल्सिमा ख्यिरा पर्ला ज्यिवा लोङ्गुप खटमुतिवा दोके येन्देन मेटेङ्बु लोपुपतिवा वानी ख्यिरा मीतिवाला ना तोङ्गिगी सिरुप ति डला छ्या वे। ^{३०}ख्यिरा पर नेमा राड मी मेलोकपातिवा थेन्नी

लोमातिवाला खोप्रे तिङ्गला टि डोपला ताम्डे जिनोक जो थुप्किवी। ^{३१}तुक क्यानी ख्यिराड च्याङ्से देता! लो सुम सेक ड्यी ताड नुप्ज्या ड्यी सिरा डे ख्यिराडला टोङ्गु बिन्दुप ति नासाम तोडा।

^{३२}त याड ड ख्यिराडला कोन्छ्योककी लकला ज्योकिनो। कोन्छ्योककी कटिन वोतुप सुङ्गी ख्यिराडला ज्होकिवी। तमा ती सुङ्गी राड ख्यिराडला रम्बु जेवी। खोकी पेतुपतिवा तेरीला खोकी मोलाम नङ्गिगी। ^{३३}मी ज्येनकी सेर डुल ताड कोन्दुप मज्याला डे नाम्साड देर्पा माक्या। ^{३४}ड ताड डे मुला वोतुपतिवा कतुकारला ख्येलुप पैला डे लाक्पी राड लाका क्यानी मिजी क्यङ्गुप याड ख्यिराडला छ्या वे। ^{३५}ख्यिरा साड टेमु क्यानी काड मेतुपतिवाला चुक क्यानी दाल्जा कि गोकिवी सिनी डे मिजी नेमा राड छ्या तेन वे। चोवो येशूकी 'लङ्गुप सिनाड तेरुप ति मड मोलाम वोतुप यिन।' सिनी सुङ्गुप ति ख्यिरा नासाम तोड।”

^{३६}तोजोयी सिक्यासिमा पावलकी पुमुड सला चुनी खोरो मुला वोतुपतिवा तेरीकी मुला मोपोर क्यासुड। ^{३७}तमा तिवा तेरी ड्यी सिरा पावलला पाङ्बा ताम्पुड। ^{३८}च्यिलासिसिन पावलकी तिवाला तफेन्ला सी साड येलुड डला मोथोङ्गिगी सिक्यावु तप्की तिवा पप क्यासुड। तमा तिवी पावलला टु सेक क्योल गाल।

पावल यरूशलेमला गलुप

२१ एफिससकी गोमा कितुप मी छयेतिवा ताड मुला क्येसिमा डियराड टुला जेनी तल्येक कोस ग्येसाला वायिन। तमा ती सला तीला रोडसला गल्नी ते नेसुर क्यानी पटाराला लेप्सुड। २तेसुर फोनिकेला डोप टु यी थेप्नी ती टुला राड जेनी गलिन। ३डोप पेला डियरा ग्येम्छो परकी स कम्बु^१ वोतुप साइप्रस थोड्सुड। तमा साइप्रसकी ल्होकी थाका नेमा क्यानी सिरियाला गल्नी टुरोसला पापिन। च्यिलासिसिन टी नडगी च्यालकतिवा ते बेप गोसुड। ४ते डियरा लोमातिवाला छल्नी ठेसिमा तिवा ताड मुला डियमा दिन सेक ते राड देतिन। तिवी पावलला यरूशलेमला माडो सिनी कोन्छ्योककी थु चाड्मा नेमा सिक्क्यानोक। ५यिन्सिनाड तेसुर डियराड क्येनी डोप पेला लेप्सिमा तिवा तेरी पेजापेर्मीतिवा ताड क्यानी डियराडला क्योलुपला ग्येसाकी फिला सेक वासुड। तमा ग्येम्छो गारीला पुमुड चुनी मुला राड मोपोर क्यानी तेरी क्येयिन। ६डियराड ति टुला जेनी गलिन। तिवा ति खोप्राड खाड्बा लोकसुड।

७तेसुर डियराड टुरोस नेसुर गल्सिमा टोलेमाइसला लेप्नी टु नेसुर पापिन। तमा तेकी तेपा कितुप मीतिवाला ठेनी तिवी मुला डियम्ज्यिक देतिन। ८ती

सला तीला डियराड कैसरियाला वानी सुड ख्याप्टाक कितुप फिलिपकी खाड्बा देतिन। ती फिलिप ति यरूशलेम चर्चकी सुड ख्याप्टाक कितुपला पेतुप मिरा दिनकी नाड्ला मिरा च्यिक यिनोक। ९ती फिलिपला जेन्दी माक्यावु पुम पिन ज्यी नोक। तिवा ति ज्युक्थमीकी कोर्ला नम्दर शेतुपतिवा यिनोक। १०तमा डियराड ते डियमा चेयी देतुप पेला यहूदिया नेसुर अगाबस सिरुप नम्दर शेतुप मी मिरा च्यिक ते वासुड। ११तीकी पावलला ठेसिमा पावलकी करा ति लानी खोरो काड्बा लाक्पा ति टानी दुक सिक्क्यासुड, “दी करा ति सी ति नोके, तीला यरूशलेमला यहूदीतिवी दुक राड क्यान टानी यहूदी मिन्दुप मिरिक यम्बाकी मीतिवाला चेक ते कितो सिनी कोन्छ्योककी थु चाड्माकी सुड्सुड।” १२ती थोसिमा डियराड ताड तेकी मीतिवी पावलला यरूशलेम माफेप सिनी गोड्बा शुयी। १३यिने पावलकी डियराडला “ख्यिराड दुक क्यान डुनी डे सेम च्यिला मेलोवा जेवी? चोवो येशूकी मिडला ड चोन्खाडला शोर्सिनाड, यरूशलेमला शिराड गोसिनाड ड डोयी।” सिनी सिक्क्यासुड। १४तमा पावलला डियरा चो क्येक्सिनाड माड्येन्सिमा “कोन्छ्योककी नोवा दोके च्युड्शी।” सिनी खरक्पा देतिन।

१५डियमा चेयी ज्युक्ला डियराड यरूशलेम थाकाला गलिन। १६डोप पेला कैसरियाकी लोमातिवा साड ललाइ डियरा मुला राड गलिन। तिवी डियराडला मनासोन सिरुप मीकी खाड्बा देतुपला टि गाल। ती मी ति साइप्रस ने वावु गोमाला तेपा क्यानी लोमा च्युङ्गुप मी यिनोक।

पावल यरूशलेमला लेपुप

१७तेसुर डियराड यरूशलेमला लेप्सिमा तेकी तेपा कितुप मीतिवी डियराडला गा ताड क्यानी गासो शुसुड। १८ती सला तीला पावल डियराड ताड क्यानी याकूबकी खाड्बा गलिन। ते यरूशलेम चर्चला गोमा कितुप मी छ्येतिवा साड तेरी जोम्नोक। १९तिवाला टसी देलेक सिक्यासिमा पावलकी कोन्छ्योककी थोक्ला लाका कितुप पेला खोरो मिजी नेमा यहूदी मिन्दुप मिरिक यम्बाकी मीतिवी पर्ला कोन्छ्योककी क्या नङ्गुप लाकाकी कोर्ला रे ताड रे क्यानी शेसुड।

२०ती थोसिमा तिवी कोन्छ्योकला सोवा तेक्नी पावलला सिक्यासुड, “ओ नुप, ड्येना! यहूदीतिवी पर्ला तेपा कितुपतिवा तोड्डा च्यिथम्बा चोयी वे। तमा तिवा तेरी मोशाकी ठिम तेन्दुपला छासे डाडेड वे। २१तिवी ख्योरो कोर्ला ताम्डे चेयी थोनोक। ती ति यहूदी मिन्दुप मिरिक यम्बाकी मीतिवी पर्ला देतुप यहूदीतिवाला

मोशाकी ठिम क्युनी ज्योकुप ताड तिवी आडातिवाला यहूदीतिवी च्येतुप लुकसु ताड यम्बा लुकसु साड मातेन सिनी ख्योरो लापुप यिन सिनोक। २२त काड कितुप? ख्युरुड फेम वे सिरुप ति तिवा तेरीकी हाक्को वे। २३ती तप्की डियरा ख्युरुडला काड सिक्यावे, ती ति की! कोन्छ्योककी दोङ्गला लावा लङ्गुप मीतिवा मिरा ज्यी डियरा मुला राड वे। २४दिवाला साड मुला राड टि गल्नी ख्युरुड साड चाड्मा कि गोकिवी। तमा दिवाला गोवु डोसुमतिवा साड ख्योरो राड ग्यम बिन। तमा दिवी ज्ह साड टेक च्यी। तुक क्यासिन ख्युरुड मोशाकी ठिमला राड युकिनोक सिनी ख्योरो कोर्ला तिवी थोवु ताम्डे ति टेड्बु मिनोक सिनी तेरीकी हाक्कोकिवी। २५यिने तेपा क्यावु यहूदी मिन्दुप मिरिक यम्बाकी मीतिवाला ‘लहला पुलुप च्यालक ताड ठक ताड ज्यिड्बा बाक्यम तङ्नी सेतुप सेम्येनकी श ताड शम्डेन कितुप लाका नेसुर कुतुक दे गोकितो।’ सिनी डियरा तिवाला यिकी टिनी ताड वे।”

२६तुक सिक्यासिमा ती सला तीला पावलकी ती मीतिवा मिरा ज्यीला मुला राड टि गल्नी तिवी मुला राड खोरुड साड चाड्मा जोसुड। तमा चेङ्गा जोप तुछ्येन ति नम छेकिवी सिरुप ताम्डे ताड तेरीकी थोक्ला बुलुप बुल्वाकी थोक्ला ताम्डे कितुपला पावल लहडाड नाङ्गला गाल।

पावलला जिम्बुप

२७ तमा लावा लावु डियमा दिन लेप्तुछ्येप पेला एशिया ने वावु ललाइ यहूदीतिवी पावलला ल्हडाड नाङ्ला वोतुप थोङ्गनोक। तमा तिवी मी माङ्छ्योकला चेन्नी पावलला जिम्नी २८ “ओ इस्राएलकी मीतिवा, दाल्जा किटे की! दी मी तीकी कनी साड मीतिवाला दाक्पी गिपा ताड दाक्पी ठिम ताड दी ल्हडाडकी थोक्ला येन्देन मेलोवा तेर किनोक। तोजो तिराड मिन, दीकी याड ग्रीककी मीतिवाला साड ल्हडाड नाङ्ला टि वानी दी दासा चाङ्माला मेचेङ्गा जोसुड।” सिनी सिक्यासुड। २९ च्यिलासिसिन ती सिनाड गोमाला एफिससकी त्रोफिमस सिरुप मी यीला पावलकी मुला ग्येसाला टिन वावु ति तिवी थोङ्गुप तप्की तीला राड पावलकी ल्हडाड नाङ्ला टि वावु यिन्दे नो क्यानोक। ३० तुक क्यानी ती ग्येसा तेरीला हराड हुरुड क्यासुड। तमा मीतिवा मुच्यिक मुला छ्योङ्बाल ग्यम वानी पावलला जिम्नी ल्हडाड नाड नेमा पाङ्ला टि वासिमा शाक्येक ती ल्हडाडकी गोतिवा ति च्येनोक। ३१ तमा तिवी पावलला सेतुप छोलुप पेला तेरी यरूशलेम ग्येसाला छासे हराड हुरुड गल वे सिरुप ताम्डे ति रोमी मक्मी तोङ्डा च्यिककी खकी छ्ये तीकी साड थोनोक। ३२ ती थोसिमा शाक्येक मक्मी छ्ये

तीकी यम्बा मक्मी ताड मक्मी सयी च्यिककी खकी छ्येतिवाला साड मुला राड टिनी तिवा वोतुप दासाला छ्योनी लेसुड। तमा मक्मी छ्ये ताड यम्बा मक्मीतिवाला थोङ्सिमा यहूदीतिवी पावलला दुङ्गुप क्युर्सुड। ३३ तमा मक्मी छ्ये ति पावलकी चाला वानी दीला जिम्नी च्यातक ड्यी श्वोनी च्याटोक ग्योप सिनी मक्मीतिवाला क बिन्सुड। तमा “दी मी ति सु यिन? दीकी काड लाका मेलोकपा क्यासुड?” सिनी मीतिवाला टिसुड। ३४ यिने मी माङ्छ्योककी पर्ला ललाइकी ताम्डे च्यिक, ललाइकी ताम्डे यम्बा यी सिनी वोरु तेन्नी हराड हुरुड क्यावु तप्की ते च्युङ्गुप ताम्डे ति काड यिन सिनी मक्मी छ्ये तीकी हाक्माको। तुक क्यानी पावलला मक्मीतिवा देतुप दासाला टि ग्युक सिनी मक्मीतिवाला क बिन्सुड। ३५ तमा पावल मक्मीतिवा देतुप दासाकी टापी खला लेप्सिमा मी माङ्छ्योक डियर्मु लानी वुल्दुङ्बा क्यावु तप्की मक्मीतिवी तीला खुर्नी गाल। ३६ च्यिलासिसिन मी माङ्छ्योककी तीला सेन क्युर सिनी वोरु देनिन सिरा तिड तिङ्ला तिङ्यानोक।

पावलकी मी माङ्छ्योकला खोरो
कोर्ला ताम्डे लापुप

३७ मक्मीतिवी पावलला खुर्नी मक्मीतिवा देतुप दासा नाङ्ला

शुकुतुछ्येप पेला पावलकी मक्मी छ्ये तीला “ड ख्युरुडला ताम्डे चेयी सिरुप नो वे।” सिनी सिक्क्यासुड। तमा मक्मी छ्ये तीकी पावलला “ए ख्योरो ग्रीककी ग्येताम लप शेकिवी रो? ^{३८}ख्युरुड ति खर्चे मलोक मिश्र नेसुर वानी रोमी लुङ्बी तेन्दोकला लानी मी सेतुप मी तोङ्डा ज्यीला चेन्नी दासा पाङ्थेरीला टिन डोप ती मी राड मिन?” सिनी टिसुड। ^{३९}यिने पावलकी सिक्क्यासुड, “ड याड किलिकिया लुङ्बाकी ग्येसा ग्येपु टार्सस ने वावु यहूदी यिन। ड गोङ्बा शोयी। डला दी मीतिवाला ताम्डे चेयी लपुप ओड नाड।” सिनी सिक्क्यासुड। ^{४०}पावलकी तुक सिक्क्यासिमा मक्मी छ्ये तीकी पावलला ताम्डे लप च्यिसुड। तमा पावल टापी खला खोक लानी मीतिवाला लाकपी लातुक क्यासुड। ती थोङ्सिमा मीतिवा कुशिमि देसुड। तमा पावलकी हिब्रूकी ताम्डे नाङ्ला दुक सिक्क्यासुड।

यहूदीतिवी दोङ्ला पावलकी खोरो कोर्ला ताम्डे क्यावु

२२ पावलकी “ओ अच्यनुपतिवा, ख्यिरा दोङ्ला डे कोर्ला ताम्डे यी सि गोवु वे। ती ति तेरीकी ड्येना!” सिनी सिक्क्यासुड। ^१पावलकी खोप्ने हिब्रू ताम्डेला लापुप थोनी मी माङ्छ्योक खरक्पा सोके देसुड। ^२तमा पावलकी तिवाला सिक्क्यासुड, “ड किलिकिया लुङ्बाकी टार्सस

ग्येसाला क्येवु यहूदी मी यिन। तमा दी यरूशलेम ग्येसाला राड गमलिएल गेकेनकी वोक्ला देनी ड्यिरा पगावा हङ्गावाकी छ्योकी ठिमकी कोर्ला ल्यामो क्यान लापिन। हारिड ख्यिराड कोन्छ्योकला चो गा लान वे, डला साड तोजो राड गा लान वोतुप्जा। ^४ती पेला डे येशूला ल्यामो कयानी हाक्माकोवु तप्की खोला तेपा कितुप मीतिवाला छेटाड बिन्नी सेतिन। तमा ख्योकपेजा पुम्पेजातिवाला टानी चोन्खाडला उपिन। ^५तीकी कोर्ला कोङ्यार छ्येतिवा ताड यम्बा मी छ्येतिवी साड डे कोर्ला पङ्बु तेर्किवी। तिवी राड दमस्कसला वोतुप खोरो यहूदी मीतिवाला जिम्बुप यिकी डला बिन्दुप तप्की येशूला तेपा कितुपतिवाला टानी यरूशलेम टि वानी छ्येर्पा तेरुपला ड दमस्कसला गलिन।

पावलकी खोरो मिजी फोवु कोर्ला सिक्क्यावु

(लोमा छ्येतिवी लाका ६:१-१६; २६:१२-१८)

^६डोयी वोतुप पेला ड्यिमि गुङ्गी छ्युजी च्यिङ्डी चोयीला ड दमस्कसला लेप्तुछ्येप पेला नाम नेसुर डे गारी गुरीला वो ग्यिर्पो यी ग्यपुप थोङ्सुड। ^७ती थोङ्लुङ्मे ड सला तला लोक ग्यप्सुड। ती पेला राड ‘ओ शाऊल, ओ शाऊल, ख्युरुड डला च्यिला छेटाड तेर्किवी?’ सिरुप वोरु यी डे थोसुड। ^८तमा डे

‘ओ चोवो, ख्युरुड सु यिन?’ सिनी टिसालेन्सिन खोकी ‘ड ति ख्योरो छेटाड तेरिन वोतुप नासरतकी येशू यिन।’ सिनी सुडसुड। ६ती पेला डे मुला वोतुपतिवी साड ती वो ति थोङ्गनोक, यिने ड ताड कयानी ताम्डे क्यावु ति तिवी माथोनोक। १०तमा डे ‘ओ चोवो, त ड काड कितुप?’ सिनी टिसालेन्सिन चोवोकी डला सुडसुड, ‘खोक लानी दमस्कसला ग्युक! ख्योरो काड लाकातिवा कि गोवु यिन, ते राड ख्युरुडला लप्किवी।’ ११ती वोसिर ग्यपुप तप्की डे काड साड माथोड। ती पेला राड डे मुला वोतुप दाल्जातिवी डे लाक्पाला जिम्नी डला दमस्कसला क्याल्सुड।

१२ते हननिया सिरुप कोन्छ्योकला टेङ्गु बु कयानी मोवा कितुप ताड कोन्छ्योककी ठिमला युक्पुप मिरा च्यिक नोक। तीला तेरी यहूदीतिवी ताङ्गदेन किनोक। १३ती ति डे चाला वानी ‘ओ नुप शाऊल, ख्युरुड थोङ्गुप डोशी!’ सिनी सिक्क्यासुड। तुक सिक्क्यालुङ्मे डे मिक ति थोड थुपुप गल्नी तीला थोङ्गसुड। १४तमा तीकी डला ‘दाक्पी पगावा हङ्गावी कोन्छ्योककी खोरो नोवा हाक्को ज्यितुपला ताड टेङ्गु बु वोतुप येशूला थोङ्गुपला ताड खोकी ख नेमा थेन्दुप सुड ड्येन्दुपला ख्युरुडला पेन नङ्गुप यिन। १५तुक कयानी तेरी मीतिवी चिप्ला खोकी थोक्ला ख्योरो काड थोङ्गुप ताड हाक्कोवु ति ख्युरुड राड

पङ्गु बु वे। १६त याड ख्युरुड च्यिला गुनी देकिवी? खोक लानी बप्तिस्मा लो। तमा खोकी मिङला रेन्नी ख्योरो दिक्पातिवा क्युर।’ सिनी सिक्क्यासुड।

१७-१८ती तिङ्गला ड यरूशलेमला लोड वासिमा ड ल्हडाड नाङ्गला मोपोर कयान देतुप पेला चोवोकी डला ‘डमु कयानी यरूशलेम नेसुर थेन्नी ग्युक। च्यिलासिसिन डे थोक्ला ख्योरो पङ्गु बिन्दुप ति तिवी मेङ्गेन्वी।’ सिनी सुङ्गुप ति डे ज्यल्का थोङ्गसुड। १९यिने डे सिक्क्यायिन, ‘ओ चोवो, तेरी छ्योखाडतिवाला ड गल्नी चोवोला तेपा कितुपतिवाला चोन्खाडला उपुप ताड तिवाला दुवु ति तिवा तेरीला छ्या वे। २०तमा चोवोकी थोक्ला पङ्गु तेरुप स्तिफनसला सेतुप पेला ड साड चिप्ला राड देनी तीला सेतुपतिवी मुला शुनी ख च्यिक कयानी तिवी मज्या जेन्नी देतिन।’ २१यिन्सिनाड चोवोकी डला ‘ख्युरुड ग्युक! च्यिलासिसिन ड ख्युरुडला थाक्किङ्गुबुकी यहूदी मिन्दुप मिरिक यम्बाकी मीतिवी ते डे थोक्ला पङ्गु तेरुपला तोङ्गियन।’ सिनी सुङ्गसुड।”

पावलकी खुरुड रोमी नागरिक्ता वोतुप मी यिन सिक्क्यावु

२२पावलकी तोजोयी सिक्क्यालुङ्मे यहूदीतिवा दुक सिनी च्यार ग्यकुप छाल्सुड, “दुका मी याड जम्बुलिङला ज्योकुप सिनाड से राड गोकिवी। च्यिलासिसिन तुका मी याड सेन्बु

दे छ्योवु मे।” २३तिवी तुक सियी पावलकी कोन्छ्योकला मारे तङ्गुप यिन नोनी खोप्राड मज्या ज्होलिन ताड थल्दुक नामला क्युरिन सिरा वोरु देन्दुप छाल्सुड। २४ती थोडिसमा मक्मी तोड्डा च्यिककी खकी छ्ये तीकी मक्मीतिवाला क बिन्नी “पावलला नाड्ला टिनी काडगी तेन्दोकला तिवा दुका वोरु तेन्दुप यिन, ती ति हाक्कोवुला तीला तल्ल्येक ग्यप्नी टी!” सिनी सिक्कासुड।

२५तमा तिवी पावलला टानी तल्ल्येक थ्वोन बेपुप छोलुप पेला पावलकी खोरो चाला लानी वोतुप मक्मी सयी च्यिककी खकी छ्ये तीला दुक सिनी टिसुड, “काड क्येन मेतुप रोमी नागरिक्ता वोतुप मीला तल्ल्येक ग्यकुप ति रोमी ठिमला वे?” २६ती थोसिमा मक्मी सयी च्यिककी खकी छ्ये ति मक्मी तोड्डा च्यिककी खकी छ्ये ते गल्नी, “ख्योरो काड कितुप छलुप यिन? दी मी याड रोमी मी के नोक।” सिनी सिक्कासुड। २७तमा मक्मी तोड्डा च्यिककी खकी छ्ये ति वानी पावलला “डला सी ताड। ख्यो रोमी नागरिक्ता वोतुप मी राड यिन?” सिनी टिसुड। तमा पावलकी “ड रोमी नागरिक्ता वोतुप मी राड यिन।” सिनी सिक्कासुड। २८येलुड मक्मी छ्ये तीकी पावलला “डे याड रोमी नागरिक्ता ड्येतुपला टङ्गा बडी तेनी ड्योवु यिन।” सिनी सिक्कासुड। यिने पावलकी “ड याड दी लुड्बाला

राड क्येवु रोमी नागरिक्ता वोतुप मी यिन।” सिनी सिक्कासुड। २९तुक सिक्कासिमा पावलला ताम्डे टेपला वावु मक्मीतिवा तेरी क्येनी गाल। तमा पावल ति रोमी नागरिक्ता वोतुप मी यिनोक सिरुप हाक्कोनी मक्मी छ्ये ति ज्यिवा क्यानोक। च्यिलासिसिन तीकी क्येन मेसिनाड पावलला टानोक।

यहूदी छ्योकी ठिम्खाडकी मीतिवी दोड्ला पावलकी सिक्कावु

३०ती सला तीला यहूदीतिवी पावलला काडगी तेन्दोकला क्येन बिन्दुप यिनाड सिनी हाक्कोवुला मक्मी तोड्डा च्यिककी खकी छ्ये तीकी पावलला टावु नेसुर पि ताड्सुड। तमा तेरी कोड्यार छ्येतिवा ताड यहूदी छ्योकी ठिम्खाडकी तेरी मीतिवाला जोम सिनी क बिन्नी पावलला मर टि वानी तिवी दोड्ला लाड्सुड।

२३ तमा पावलकी ते जोम्बुप यहूदी छ्योकी ठिम्खाडकी मीतिवी थाकाला ल्हानी दुक सिक्कासुड, “ओ अच्युनुपतिवा, हारिड ड्रियमा सेक कोन्छ्योककी थोड्दाडला डे सेम टेड्बु कयानी मिजी क्याड्रियन।” ३१ती ताम्डे थोसिमा तेरी सिनाड कोड्यार छ्ये हननिया तीकी ते चिप्ला देतुपतिवाला पावलकी खला पोप सिनी क बिन्सुड। ३२यिने पावलकी तीला “ख्युरुड खोनक्पु

यिन। कोन्छ्योककी ख्युरुडला बेक्कितो। डला काड क्येन मेसिनाड ख्युरुड च्यिला डला दुङ्गुप क तेर्किवी?” सिनी सिक्कासुड। ४तमा चाला लानी देतुपतिवी पावलला “काड ख्युरुड कोन्छ्योककी तेरी सिनाड कोङ्गार छ्येला मारे तोङ्गिगी?” सिनी सिक्कासुड। ५तुक सिक्कासिमा पावलकी सिक्कासुड, “ओ अच्युनुपतिवा, खो तेरी सिनाड कोङ्गार छ्ये यिन सिरुप ति याड डला छ्या राड मे। च्यिलासिसिन कोन्छ्योककी सुडला ख्योरो लुङ्बाला ओङ्ग्येन कितुपतिवाला मारे मातोड सिनी टि वे।”*

६तमा ते जोम्बुप मीतिवी नाड ने छो च्यिक ति सदुकी ताड छो यम्बा ति फरिसीतिवा नोक सिरुप ति हाक्कोनी पावलकी थोर ग्यप्नी दुक सिक्कासुड, “ओ अच्युनुपतिवा, ड फरिसी यिन, डे पपाआमा साड फरिसी यिन। कोन्छ्योककी शेषतिवा सेन्बु लङ्गुप रेवाकी थोक्ला राड ख्यिरा डला दे ठिम कियी वे।” ७पावलकी तुक सिक्कासिमा फरिसीतिवा ताड सदुकीतिवी पर्ला ठका ठुका गाल। तमा मी माङ्छ्योककी पर्ला साड क्येङ्सु गाल। ८च्यिलासिसिन सदुकीतिवी शेष ने डोसु लङ्गुप ताड देवाच्येनकी मी ताड थुतिवा काड साड मेवी सिनोक। यिने

फरिसीतिवा ति शेष ने डोसु लङ्गुप ताड देवाच्येनकी लेन क्योलुप थु ताड यम्बा थुतिवा तेरी वे सिनी सिनोक। ९तुक क्यानी ते छासे हराड हुरुड क्यसुड। तमा फरिसी नाड ने ललाइ छ्योकी गेकेनतिवा लानी दुक सिनी ड्ये छाल्सुड, “ड्यिरा याड दी मीला काड साड क्येन माथोड। कोन्छ्योककी थु चाङ्मा याङ्ना देवाच्येनकी मीतिवी के दीला ताम्डे लापुप यिन्ते यिन्दे।” १०ते तिवा थमु ग्यकुप छलुप थोङ्सिमा तिवी पावलला येर मर थेन्नी सेकिते सिनी ज्यिवा लानी मक्मी तोङ्डा च्यिककी खकी छ्ये तीकी यम्बा मक्मीतिवाला “मर गल्नी तिवी पर नेसुर पावलला उर्च्युम ग्यम टि वानी ड्यिराड देतुप दासाकी नाङ्गला क्योल!” सिनी क बिन्सुड।

११ती गोमु चोवो येशू पावलकी चाला लानी, “पावल, डाडेड की! यरूशलेमला ख्योरो डे थोक्ला पङ्बु बिन्दुप दोके रोमला वोतुप मीतिवाला साड पङ्बु तेर गोकिती।” सिनी सुङ्सुड।

पावलला सेतुप च्यु क्यारु

१२नाम लासिमा यहूदीतिवा जोम्नी पावलला माशेता सेक्ला छ्यु साड मुथुड, समा साड मासा सिनी न क्याल्सुड। १३ती पावलला मेलोवा

कितुप मीतिवा मिरा खल ड्यी सिनाड मड नोक। १४तिवा कोड्यार छ्येतिवा ताड यहूदी छ्योखाडकी गोमा कितुप मी छ्येतिवी ते गल्नी “पावलला माशेता सेक्ला छ्यु साड मुथुड, समा साड मासा सिनी ड्यिरा तेन्तेन क्यानी न क्यलिन। १५ती तप्की स्त्रिराड ताड यहूदी छ्योकी ठिम्खाडकी मीतिवा डिकनी मक्मी छ्येला गोड्बा शुनी पावलला यम्बा ताम्डे टि गोकिवी सिनी टिनी शोक। तमा ती दे वुङ्गुप पेला ड्यिराड लामला राड तीला सेतिन।” सिनी सिक्कासुड। १६ती ताम्डे ति पावलकी छप्युक तीकी थोनी मक्मीतिवा देतुप दासाला गल्नी पावलला सिक्कासुड। १७तमा पावलकी मक्मी सयी च्यिककी खकी छ्ये च्यिकला कताड्नी “दी ख्योकपेजा तीला मक्मी तोड्डा च्यिककी खकी छ्येकी चाला क्यल नाड। च्यिलासिसिन दीकी खोला काड रे च्यिक रे सि गोवु वे सिनोक।” सिनी सिक्कासुड। १८तमा मक्मी तीकी पावलकी छप्युक तीला मक्मी तोड्डा च्यिककी खकी छ्येकी चाला टि गल्नी “चोन्खाडला वोतुप पावलकी डला कताड्नी ‘दी ख्योकपेजाला मक्मी छ्येकी ते टिनी ग्युक। दीकी खोला काड रे च्यिक रे सि गोवु ताम्डे वे।’ सिनी ताड्सुड।” सिनी सिक्कासुड।

१९तमा मक्मी तोड्डा च्यिककी छ्ये तीकी पावलकी छप्युकला लाक्पाला

जिम्नी सु साड मेतुप दासाला टि गल्नी ख्योरो डला सि गोवु ताम्डे ति काड यिन सिनी टिसुड। २०तमा तीकी सिक्कासुड, “यहूदीतिवी डे च्येच्याड पावलकी कोर्ला तरोड साड यम्बा ताम्डे टि गोकिवी सिनी सला येलुड यहूदी छ्योकी ठिम्खाडला टिनी वुङ्गुपला ख्युरुडला गोड्बा शोप सिनी तिवी ताम्डे थाक्छ्येन नोक। २१तिवी सिक्कावु ताम्डेला माड्येना, च्यिलासिसिन तिवी पर्ला मिरा खल ड्यी सिनाड मड्मुकी पावलला माशेता सेक छ्यु साड मुथुड, समा साड मासा सिनी न क्यल्नी तेरी टडिक क्यानी ख्योरो ताम्डेला गुनी देन वे।” २२ती थोसिमा मक्मी तोड्डा च्यिककी खकी छ्ये तीकी पावलकी छप्युक तीला “ख्योरो डला सिक्कावु ताम्डे ति सुला साड मासिरा।” सिनी ताड्सुड।

पावलला कैसरियाला टि तड्गुप

२३ती ज्युकला मक्मी तोड्डा च्यिककी खकी छ्ये तीकी मक्मी सयी च्यिककी खकी छ्ये मिरा ड्यीला कताड्नी, “हारिड नुपला छ्युजी गु चोयीला मक्मी सयी ड्यी ताड त शेन्दुप मिरा खाल दिन तमा दुड खुरुप मी सयी ड्यी चोयीला कैसरियाला तोड्गुपला टडिक क्या ज्योक। २४तमा पावलकी थोक्ला साड ततिवा दा शोक। तमा तीला काड मेलोवा कि माच्यिवा क्यानी

यहूदिया लुङ्बाला ग्येला कितुपला रोम ने वावु मी छ्ये फेलिक्सकी ते क्योल।” सिनी क बिन्सुड। २५तमा ती मक्मी छ्ये तीकी दुका यिकी यी टिनी ताङ्सुड।

२६“यहूदिया लुङ्बाला ग्येला कितुपला रोम ने वावु मी छ्ये फेलिक्सला क्लौडियस लुसियसकी टसी देलेक! २७दी मी ति यहूदियाकी पावल सिरुप मी यिन। दीला यहूदीतिवी जिम्नी सेतुप छाल्सुड। यिने दी ति रोमी लुङ्बी मी यिनोक सिरुप ति डे हाक्कोनी मक्मीतिवी मुला ते गल्नी दीला तिवी लक नेमा ज्होकिन। २८काङ्गी तेन्दोककी तिवी दीला मेलोकपा सिनी क्येन बिन्दुप नोक ल्हापला डे तीला यहूदी छ्योकी ठिम्खाङ्की मी छ्येतिवी ते टिनी गलिन। २९डे हाक्कोवु ति तिवी दीला छ्योकी ठिमकी टिवा टेपला तिराङ नोक। यिने दीला से गोवु छ्येर्पा ताङ चोन्खाङला उपुप क्येन याङ डे काङ साङ माथोङ। ३०दी मीला सेतुप च्यु क्यावु ताम्डे ति डे हाक्कोसुड। तुक क्यानी तीला शाक्येक ख्योरो ते तङ वोतो। दीकी थोक्ला क्येन तेरुपतिवाला साङ ख्योरो चिप्ला राङ गल्नी सि सिनी डे क बिनिनो।”

३१मक्मी छ्येकी तुक सिनी क बिन्सिमा मक्मीतिवी पावलला नुपला

राङ एन्टिपाट्रिस सिरुप दासाला क्याल्सुड। ३२ती सला पावलला “त याङ ख्युरुङ त शेन्दुपतिवा ताङ मुला ग्युक।” सिनी ते राङ क्युर ज्याक्नी ज्येन मक्मीतिवा ति मक्मीतिवा देतुप दासाला लोकसुड। ३३तिवा कैसरिया लेप्नी यहूदिया लुङ्बाला ग्येला कितुपला रोम ने वावु मी छ्येला यिकी तेसिमा पावलला तीकी दोङ्ला क्याल्सुड। ३४रोम ने वावु ती मी छ्ये तीकी यिकी ति रासिमा पावलला चुका दासाकी मी यिनोक सिनी टिसुड। तमा पावल किलिकियाकी यिनोक सिरुप हाक्कोसिमा खोकी तीला ३५“ख्युरुङला क्येन तेरुपतिवा वासिमा ड ख्योरो ताम्डे ड्येनिनो।” सिक्यासुड। तमा पावलला “हेरोदकी जोवु ग्येल्खाङला ज्याक्नी ज्हेना!” सिनी मक्मीतिवाला क बिन्सुड।

फेलिक्सकी दोङ्ला पावलला क्येन बिन्दुप

२४ डियमा डकी ज्युकला तेरी सिनाङ कोङ्यार छ्ये हननिया ताङ ललाइ यहूदी छ्योखाङकी गोमा कितुप मी छ्येतिवी तर्तुल्लस सिरुप ठिमला खामु वोतुप मी ताङ मुला यहूदिया लुङ्बाला ग्येला कितुपला रोम ने वावु मी छ्ये फेलिक्सकी ते वानी पावलकी तेन्दोकला लानी शुवा ग्यप्सुड। २तमा पावलला ते कताङ्सिमा तर्तुल्लसकी दुक सिनी क्येन ग्यप्सुड। “यहूदियाला

ग्येला कितुपला रोम ने वावु मी छ्ये फेलिक्स ला, ख्योरो डियराडला छासे लोदिमु बिन वे। तमा दी गिपाकी थोकला यर्के डोप लाकातिवा क्या वे। ३दी ताम्डे ति डियराड कनी गल्सिनाड ताड्डेन क्यानी इयेन्दा कितिन। ४यिने उकुर च्यिक डियरा गोड्बा शुवु ताम्डे ति च्येयी सेन्डे की। ५च्यिलासिसिन डियरा ल्हासिन दी मी तीकी कनी साड मीतिवाला छासे दुक्पा तेरुप ताड लुड्बा तेरीकी यहूदीतिवी पर्ला हराड हुरुड जोप ताड नासरी छ्योककी गोमा कितुप मी छ्ये यिन्दुप थोड्सुड। ६तमा दीकी याड ल्हडाडला साड मेचेङ्गा जोप नो किनोक। तुक क्यानी डियरा दीला जिमिन। ७-८त याड ख्योरे राड दीला ल्यामो क्यानी टिसिन डियरा दीला क्याने बिन्दुप तेन्दोक ति तेरी हाक्कोकिवी।” सिनी सिक्यासुड। ९यम्बा यहूदीतिवी साड ती ताम्डेतिवा टेके राड यिन सिक्यासुड।

१०ती ज्युक्ला फेलिक्सकी पावलला ताम्डे लपुपला लाक्पी लातुक क्यासिमा पावलकी दुक सिक्यासुड, “ख्युरुड लो अलायी गोमा नेज्युन यहूदी गिपातिवाला ग्येला कितुप मी यिन्दुप ति डे हाक्कोसुड। ती तप्की मीतिवी डला क्याने बिन्दुप कोर्ला गा ताड क्यानी दी ताम्डे सिरिन। ११ख्योरे राड फार छुर टिनी ल्हासिन गिवी, ड यरूशलेमला वानी सोवा तेकुप ति डियमा च्यिङ्डी मिसिन मागल

वे। १२डे ल्हडाड ताड छ्योखाड ताड ग्येसाला मी ताड मुला केवुल क्यावु याड्ना मीतिवाला चेन्दुप दी डला क्याने तेरुपतिवी काड साड माथोड वे। १३तुक क्यानी डला क्याने बिन्दुप ताम्डेकी पड्बु साड दिवी तेर मुथुपी। १४यिने ख्युरुडला ती ताम्डे ति ड टेड्बो सिरिन। ड तिवी यम्बा छोकपा सिरुप येसूला तेपा क्यानी दाक्पी गिपाकी कोन्छ्योकला सोवा देकिन। तमा ठिमला वोतुप ताम्डे ताड कोन्छ्योककी लुड्तेम्बाकी थेपला वोतुप तेरी ताम्डेला तेपा कितिन। १५टेड्बु वोतुपतिवा ताड मेटेड्बुतिवा तेरीला कोन्छ्योककी शेष ने सेन्बु लोड्गिगी सिरुप ताम्डे ति दिवी खोप्रे सेमला लावु दोके ड साड कोन्छ्योकला रेवा कितिन। १६ती तप्की कोन्छ्योककी थोड्दाडला ताड मीतिवी थोकला साड ड नरी टेड्बु कितुप छोलिन।

१७लो अलायी ज्युक्ला ड डे गिपातिवी पर्ला दुक्पाला ख्येलुप मीतिवी थोकला टड्गा बिन्नी दाल्जा कितुप ताड कोन्छ्योकला बुल्वा बुलुपला ड यरूशलेमला वायिन। १८ड ल्हडाड नाड्ला गल्नी ठिमला वोतुप दोके चाड्मा कितुप लुक्सु कियी वोतुप ति दिवी थोड्सुड। ती पेला मी मड्मु साड मे, हराड हुरुड साड मे। यिने ते एशिया ने वावु ललाइ यहूदीतिवा तिराड वोतुप्जा। १९ती एशिया ने वावु यहूदीतिवी डे थोकला

काङ रे च्यिक रे सि गोवु ताम्डे वोसिन तिवी राङ दे ख्योरे चिप्ला वानी क्येन ग्यक थुप गोवु ति यिन्जा। ^{२०}डला क्येन बिन्दुप ति टेङ्बु यिन्सिन ड यहूदी छ्योकी ठिम्खाङकी मीतिवी चिप्ला वोतुप पेला डला काङ क्येन थोङ्गुप ति दी मीतिवा खोप्रे राङ दे लप्शी। ^{२१}डे तिवी पर्ला लानी थोर ग्यप्नी सि गोवु ताम्डे च्यिक ति दी यिन, ‘कोन्छ्योककी शेषतिवा सेन्बु लोङ्गुपकी कोर्ला डे ख्यिराडला ख्याप्ताक क्यावु तप्की ख्यिरा चिप्ला हारिङ डला ठिम क्रियी वे।’ ”

^{२२}ती फेलिक्सकी साङ येशूकी कोर्ला तेरी छ्या वोतुप तप्की “मक्मी तोङ्डा च्यिककी खकी छ्ये लुसियस दे वासिमा ड ख्यिरा शुवाकी कोर्ला केवुल क्यानी तेरिन।” सिनी सिक्यासुङ। ^{२३}तमा तीकी मक्मी सयी च्यिककी खकी छ्ये तीला क बिन्नी “पावलला ल्यामो ल्होसा, तीला चोन्खाङ नाङ्ला ठिम तम्बु माकी। तमा सु वानी तीला गोवु च्यालकतिवा दाल्जा क्यासिनाङ मायेका।” सिनी सिक्यासुङ।

पावल चोन्खाङला उप्नी ज्यकुप

^{२४}डियमा अलायी तिङ्ला फेलिक्स खोरो यहूदी पेर्मी दूसिल्ला ताङ मुला ते वासुङ। तमा तीकी पावलला कताङ्नी ख्रीष्ट येशूला तेपा कितुप कोर्ला ड्येन्सुङ। ^{२५}पावलकी टेङ्बु वोतुप ताङ खोरुडला डेकला ज्योकुप

ताङ ज्युकथमाला कोन्छ्योककी जम्बुलिङकी मीतिवाला ठिम क्या नङ्गुप कोर्ला ताम्डे किसालेन्सिन फेलिक्स ति ज्यिवा क्यानी पावलला “तन्दा ति ख्युरुङ ग्युक, खोम वोतुप पेला ड ख्युरुङला लोङ कतोङ्गुप्नो।” सिनी सिक्यासुङ। ^{२६}पावलकी टङ्गा तेर किते यिन्दे नोनी तीकी रेवा साङ क्यानोक। ती तप्की तीकी पावलला पर्चिक पर्चिक कताङ्नी अरा उरा सिनोक। ^{२७}यिने लो ड्यी ज्युकला फेलिक्सकी छापला पर्किअस फेस्तस ओङ्ज्येन कितुपला वासुङ। ती पेला फेलिक्सकी यहूदीतिवाला गा लोङ्गुपला पावलला चोन्खाङला राङ उम ज्याक्नी गाल्सुङ।

पावलकी खुरुडला रोमी ग्येल्वी दोङ्ला ठिम की सिक्यावु

२५ फेस्तस यहूदिया लुङ्बाला ओङ्ज्येन कितुपला कैसरियाला वानी डियमा सुम तिङ्ला यरूशलेमला गाल। ^२तमा ते वोतुप कोङ्ग्यार छ्येतिवा ताङ यहूदी मी छ्येतिवा वानी फेस्तसला पावलकी थोक्ला क्येन ग्यप्नी ^३पावलला यरूशलेमला टि वुङ च्यी सिनी तीला गोङ्बा शुसुङ। च्यिलासिसिन तिवी पावलला लामला राङ सेतुप सिनी च्यु ल्हानोक। ^४तमा फेस्तसकी तिवाला “पावल ति कैसरियाला राङ उम ज्याङ वे। ड साङ टिम्बु राङ ते डो गोकिवी। ^५तुक क्यानी ख्यिरा

ओङ्ज्येन वोतुप मी छ्येतिवा डे मुला राड ते गल्नी पावलकी लाका मेलोवा क्यावु वोसिन तीकी तेन्दोकला क्येन ग्यक थुप्किवी।” सिनी सिक्क्यासुड।

६तमा फेस्तस यरूशलेमला डियमा ग्ये च्यथम्बा साड मादेवा क्यानी कैसरियाला लोकसुड। ती सला तीला ठिम कितुप ठीला देनी पावलला टि शोक सिनी क बिन्सुड। ७तमा पावलला टि वासिमा यरूशलेम नेसुर वावु यहूदीतिवा पावलकी गारी गुरीला लानी तीकी थोक्ला छासे क्येन मेलोवातिवा ग्यप्सुड। यिने तिवी ती क्येनकी पड्बु ति काड साड तेर माथुप। ८यिने पावलकी खोरो थोक्ला दुक सिक्क्यासुड, “यहूदीतिवी ठिमकी तेन्दोकला ताड यहूदी ल्हडाङकी तेन्दोकला ताड रोमी ग्येल्बु कैसरकी तेन्दोकला डे काड साड मेलोवा माक्या वे।” ९यिने फेस्तसकी यहूदीतिवाला गा लोङ्गुपला पावलला दुक सिक्क्यासुड, “काड ख्युरुड यरूशलेमला गल्नी ते डे चिप्ला दी ताम्डेकी कोर्ला ठिम किशी सिनी नोकिवी?”

१०तमा पावलकी “मिन, ड कैसरकी ठिम कितुप ठिम्बाडला राड वे। डला दे राड ठिम कि गोकिवी। यहूदीतिवाला डे काड साड ताम्डे मेलोवा मालाप वे। ती ति ख्युरुडला राड ल्यामो छ्या वे। ११डे शि गोवु छ्येर्पा खुर गोवु लाका

मेलोवा क्यावु यिन्सिन डला शेसिनाड गिवी। यिने दोजो दिवी डला क्येन बिन्दुप ति काड पड्बु मेसुड सिंसिन सी साड डला दिवी लकला चेक ते मथुपी। तुक क्यानी डला रोमी ग्येल्बु कैसरकी दोङ्गला टि ताङ्नी ते राड ठिम किशी।” सिनी सिक्क्यासुड। १२पावलकी तुक सिक्क्यासिमा फेस्तसकी केवुल कितुपतिवी मुला ताम्डे क्यानी पावलला “ख्योरो कैसरकी दोङ्गला डोप नो क्यावु तप्की ख्युरुड कैसर ते राड तोङ्गिन।” सिनी सिक्क्यासुड।

पावलला ग्येल्बु अग्रिपास ताड बरनिकीकी चिप्ला कतङ्गुप

१३डियमा चेयी ज्युक्ला फेस्तसला टसी देलेक सिरुपला ग्येल्बु अग्रिपास ति बरनिकी[†] ताड मुला कैसरियाला वानी १४डियमा अलायी देसिमा फेस्तसकी पावलकी थोक्ला ग्येल्बुला दुक सियी ताम्डे क्यासुड, “फेलिक्सकी चोन्खाडला उम ज्यकुप मिरा च्यिक दे वे। १५दीकी कोर्ला ड यरूशलेमला वोतुप पेला कोङ्ग्यार छ्येतिवा ताड यहूदीतिवाला गोमा कितुपतिवी दीकी तेन्दोकला क्येन ग्यप्नी दीला छ्येर्पा ग्येल गोकिवी सिनी गोङ्बा शुसुड। १६यिने क्येन फोकुप मी तीकी क्येन ग्यकुप मीतिवाला ठेनी खोरो तेन्दोकला ग्यपुप क्येनकी कोर्ला टिलेन तेरुप सिनाड

गोमाला चुका मीला साङ ठिम कितुप ति रोमी ठिमला मे सिनी तिवाला डे सिक्क्यायिन। १७ तमा तिवा कैसरियाला डे मुला राङ वासिमा ती सला तीला राङ ड फिमु माक्यावा क्यानी ठिम कितुप ठीला देनी तीला टि शोक सिनी क बिनिन। १८ तीकी थोक्ला पावलला क्येन तेरुप मीतिवी डे नो क्यावु दोके काङ साङ क्येन ग्यक गोवु लाका मेलोवा क्यावु माथोड। १९ यिने तिवा नक लक्लोका गलुप तेन्दोक ति तिवी छ्योकी थोक्ला ताङ येशू सिरुप शेष मी च्यिककी कोर्ला नोक। ती येशूला पावलकी तरोड साङ डोसु राङ वे सिनी सिनोक। २० दीकी कोर्ला ड काङ कितुप काङ कितुप गलुप तप्की पर्साला याङ तीकी यरूशलेमला गल्नी ठिम क्यान नाङ्शी सिरुप नो वोते सिनी डे तीला टियी। २१ यिने पावलकी खुरुडला रोमी ग्येल्बु कैसरकी ते राङ ठिम कितुपला तोड सिनी गोड्बा शुसुड। ती तप्की कैसर ते माताडा सेक्ला पावलला जेना सिनी मक्मीतिवाला क बिनिन।” २२ तमा अग्रिपासकी फेस्तसला दी मी तीकी ताम्डे ति डे साङ ड्येन्दुप ड्येसिन वुङ्गुप्जा सिनी सिक्क्यासुड। तमा फेस्तसकी सला ख्योरो राङ ड्येन्सिन गिवी सिनी अग्रिपासला सिक्क्यासुड।

२३ ती सला तीला अग्रिपास ताङ बरनिकी ति छासे ताङ्देन ताङ क्यानी मक्मी तोङ्डा च्यिककी छ्येतिवा

ताङ यहूदी छ्योकी ठिम्खाङकी मी छ्येतिवा ताङ मुला ठिम कितुप दासाला शुसुड। तमा फेस्तसकी क बिन्दुप तप्की पावलला ते कताङ्सुड। २४ कताङ्सिमा फेस्तसकी अग्रिपास ताङ ते वोतुप मी तेरीला सिक्क्यासुड, “ग्येल्बु अग्रिपास ताङ दे जोम वोतुप तेरी मीतिवा, ख्यिरा थोङ्गुप दी मी तीकी कोर्ला तेरी यहूदीतिवी ‘दी मी ति सेन्बु दे छ्योवु मे।’ सिनी यरूशलेमला ताङ दे साङ डला गोड्बा शुसुड। २५ यिने दीकी से गोवु छ्येर्पा याङ काङ साङ माक्यावु ति डे थोङ्सुड। तमा दीकी साङ रोमी ग्येल्बु कैसरकी चाला डो च्यी सिनी गोड्बा शुवु तप्की डे दीला रोमी ग्येल्बी ते राङ तोङ्सा क्यायी। २६ दी मी तीकी कोर्ला डे रोमी ग्येल्बुला टि गोवु ताम्डे काङ साङ मे। तुक क्यानी दी मीला ख्यिराङ ताङ खकछ्येवु ग्येल्बु अग्रिपासकी चिप्ला टिन वायी। तमा ड्यिरा दीला ल्यामो क्यानी टिसिमा डे काङ रे च्यिक रे ताम्डे टिकुप ड्येकिवी। २७ च्यिलासिसिन चोन्खाङला शोरुप मी तेन्दोकला काङ साङ क्येन हाक्माकोवा क्यानी दी मीला तोङ्गुप ति ल्यामु मिन।”

अग्रिपासकी दोङ्ला पावलकी
खोरो थोक्ला ताम्डे क्यावु

२६ तमा अग्रिपासकी पावलला
ख्युरुड ख्योरो थोक्ला
लप थुप्किवी सिनी सिक्क्यासुड।

तमा पावलकी खोरो थोक्ला ताम्डे
 लापुपला लाक्पी छ्याक्के कयानी
 दुक सिक्यासुड। २“ओ ग्येल्बु
 अग्रिपास, यहूदीतिवी डला क्येन
 ग्यपुप तेरी ताम्डेकी कोर्ला हारिड
 ड ग्येल्बुकी चिप्ला लपुप ड्येतुप
 तप्की डला छासे गा लानी वे।
 ३“च्यिलासिसिन यहूदीतिवी तेरी लुकुसु
 ताड छ्योला तेपा कितुप ताम्डेला
 कुतुक कुतुक वोतुप ति ग्येल्बुला
 राड छ्या वोतुप तप्की डे ताम्डे
 ल्यामो कयानी सेन सिनी ड गोड्बा
 शोयी। ४“ड ज्येन्दा वोतुप पेला नेज्युनी
 डे मिरिककी पर्ला ताड यरूशलेमला
 साड डे किताड नालु चुकै वे सिरुप
 ति तेरी यहूदीतिवाला छ्या राड
 वे। ५“तिवी डला तोड नेज्युनी छ्या
 वे। ड ति छ्योकी ठिमला छासे
 तम्बु वोतुप फरिसीकी मी यिन्दुप
 ति तिवी नोवा वोसिन पड्बु तेर
 थुप्किवी। ६“कोन्छ्योककी डियरा
 पगावा हङ्गावातिवाला थाक्छ्येन
 नङ्गुप शेप ने डोसु लावु ख्रीष्टकी
 थोक्ला रेवा कयानी गुनी देतुप तप्की
 हारिड ड दी ठिम्खाडला लानी वे।
 ७“दाक्पी गिपा च्यिङ्डीकी मीतिवी”
 ड्यी ताड नुज्या सेम च्यिक राड
 च्युङ्नी ती कोन्छ्योककी थाक्छ्येन
 नङ्गुप ति ड्येतुपला सोवा तेक्नी
 रेवा क्यासुड। ओ ग्येल्बु, दी रेवाकी

थोक्ला यहूदीतिवी डला क्येन ग्यम
 वे। ८“कोन्छ्योककी शेपतिवाला सेन्बु
 लोड मुथुपी सिनी ख्यिराड च्यिला
 नासाम तोडिगवी?

९“गोमाला याड डे साड नासरतकी
 येशूला तेपा कितुपतिवाला क्येन
 तेरुप सिनी नासाम ताड्यिन। १०“तमा
 यरूशलेमला वोतुप नासरतकी येशूला
 तेपा कितुप मीतिवा बडीला छ्येर्पा
 बिनिन। कोङ्ग्यार छ्येतिवा नेसुर
 ओङ्ज्येन थोप्नी तेपा कितुप मी
 बडीला चोन्खाडला उपिन। तोजो
 तिराड मिन, तिवाला सेतुप पेला ड
 साड तिवी मुला ख च्यिक क्यायिन।
 ११“छ्योखाड छ्योखाडला गल्नी
 तिवाला थेङ्मा बडी छ्येर्पा बिन्नी
 तेपा कितुप क्युर ज्यितुप ताड येशूला
 मारे तोङ्गुप नो क्यायिन। तमा
 तिवाला ड्यिर्मु लानी लुङ्बा ज्येनकी
 ग्येसातिवाला साड गल्नी छेटाड
 बिनिन।”

पावलकी खोरो सेम ग्युरुप ताम्डे क्यावु

(लोमा छ्येतिवी लाका ६:१६; २२:६-१६)

१२“तमा येलुड थेङ्मा यी ड
 कोङ्ग्यार छ्येतिवी ओङ्ज्येन ताड क
 बिन्दुप तप्की दमस्कसला गलिन।
 १३“लामला डोयी वोतुप पेला ड्यिमा
 फेका चोयीला, ओ ग्येल्बु, देवाच्येन

२६:७ ती ‘गिपा च्यिङ्डीकी मीतिवा’ ति याकूबकी पुज्युड पिन च्यिङ्डी नेसुर च्युङ्गुप यिन
 (उत्पत्ति ४६)।

नेमा ड ताड डे मुला गलुपतिवी गारी गुरीला डियमा शरुप सिनाड मड वो सल्वु ग्यपुप ति डे थोड्सुड। १४तमा डियराड तेरी सला तला ग्यप्सुड। ती पेला हिबू ग्येतामला ‘ओ शाऊल, ओ शाऊल, ख्युरुड डला च्यिला छेटाड तेर्किवी? ख्योरो डला छेटाड बिन्सिन ती छेटाड ति ख्युरुडला राड फोकिवी।’ सिरुप वोरु यी डे थोसुड। १५तमा डे ‘ओ चोवो, ख्योरुड सु यिन?’ सिनी टिसालेन्सिन खोकी ‘ड ख्योरो छेटाड तेरिन वोतुप येशू यिन। १६ख्युरुड खोक लानी टडी दे। च्यिलासिसिन ख्यिरा डला थोड्गुप ताड डे ख्यिराडला छ्या तेन्दुप ताम्डेकी थोक्ला कोन्छ्योकला शब्ज्यी कितुप ताड पड्बु तेरुपला बेतुप नोनी ड ख्यिरा चिप्ला छ्यरुप यिन। १७ड ख्युरुडला ख्योरो गिपा ताड यहूदी मिन्दुप मिरिक यम्बाकी मीतिवी मु नेसुर ज्होकनी तिवी पर्ला तोड्यिनो। १८ख्युरुड गल्नी ख्योरो गिपाकी मीतिवाला कोन्छ्योककी थाकाला ग्युर च्यी। तमा तिवा नक्तोमी वुड नेसुर ठछ्येलीला ग्युर्नी शैतानकी ओड नेसुर कोन्छ्योककी थाकाला वुडशी। तुक क्यासिन तिवी दिक्पा ताकिवी, तमा डला तेपा क्यानी टेड्बु गलुपतिवी पर्ला देतुप ड्येकिवी।’ सिनी सुड्सुड।

१९ती तप्की ओ ग्येल्वु अग्रिपास, देवाच्येन नेमा सुड्गुप ताम्डेला डे

ड्येनिन। २०गोमाला दमस्कसला ताड यरूशलेमला, तेसुर यहूदियाकी दासा तेरीला देतुप मीतिवाला ताड, तेसुर गल्नी यहूदी मिन्दुप मिरिक यम्बाकी मीतिवाला साड ‘रडगी क्यावु दिक्पा ने सेम ग्युर, तमा कोन्छ्योककी थाकाला ग्युर्नी सेम ग्युरुप मी दोके मिजी टेड्बु क्योड।’ सिनी डे ख्याप्ताक क्यायिन। २१ती तप्की यहूदीतिवी डला ल्हडाड नाइला जिम्नी सेतुप छाल्सुड। २२यिन्सिनाड हारिड सेक कोन्छ्योककी डला दाल्जा किटे क्यान वे। ती तप्की ड दे लानी छ्ये छ्युडा ड्यिकरला पड्बु तेरिन। कोन्छ्योककी लुड्तेम्बातिवा ताड मोशाकी सिक्पावु सुडतिवा वुतुड के छेकिवी सिरुप ताम्डे ति मिसिन यम्बा ताम्डे काड साड सिमाक्या वे। २३डे सिक्पावु ति ख्रीष्टकी दुक्पा खुर गोवु ताड टुङ्नी थल्माला डोसु लानी खोरो गिपा ताड यहूदी मिन्दुप मिरिक यम्बाकी मीतिवाला दिक्पा ने थर ज्यितुप वोसिरकी लाम छ्या तेन नडिगवी सिरुप कोर्ला यिन।”

२४पावलकी तुक सिनी खोरो थोक्ला ताम्डे लपिन वोतुप पेला फेस्तसकी थोर ग्यप्नी “ओ पावल, ख्योरुड ड्योनोक। ख्योरो येन्देन बडीकी ख्युरुडला ड्येन्बु जोवु यिन।” सिनी वोरु तेन्सुड। २५यिने पावलकी दुक सिक्पासुड, “ओ ओड छ्येवु फेस्तस ला, ड ड्येन्बु

मिन, ड टेङ्बु ताड येन्देन वोतुप ताम्डे तिराड लपिन। ^{२६}दी ताम्डेकी कोर्ला ग्येल्बुकी हाक्को वे। तुक क्यानी ती ताम्डे ति ड डाडेड क्यानी लपिन वे। च्यिलासिसिन दी तेरी ताम्डे ति छ्याकला मेतुप तप्की ग्येल्बुकी साड बानी माज्याक वे। ^{२७}ग्येल्बु अग्रिपास ला, काड ग्येल्वी लुङ्तेम्बातिवी खला तेपा किवी? ग्येल्बुकी तेपा किवी सिरुप ति डला छ्या वे।” ^{२८}तमा अग्रिपासकी पावलला “काड ख्युरुड डला उकुर च्यिकला राड ख्रीष्टियान जोप नो किवी?” सिनी सिक्कासुड। ^{२९}यिने पावलकी सिक्कासुड, “कोले क्यान यिन्सिनाड शाक्यक यिन्सिनाड ग्येल्बुला तिराड मिन, हारिड डला च्याटोक माग्यप्सिन डे ताम्डे ड्येन्दुपतिवा तेरी ड दोके राड येथूला तेपा किशी सिनी ड कोन्छ्योकला मोपोर कितिन।”

^{३०}पावलकी तुक सिक्कासिमा ग्येल्बु ताड फेस्तस ताड बरनिकी ताड ते देतुपतिवा तेरी लासुड। ^{३१}तमा तिवा थेन्सिमा खोप्राड पर्ला “दी मी तीकी याड से गोवु छ्येर्पा खुर गोवु ताड चोन्खाडला डो गोवु लाका मेलोवा काड साड माक्यानोक।” सियी तिवा ताम्डे क्यासुड। ^{३२}तमा अग्रिपासकी फेस्तसला “दीकी कैसरकी चाला डोपला गोड्बा माशुवु यिन्सिन दी मीला पि तोङ्गुज्जा।” सिनी सिक्कासुड।

पावल रोमला टि गलुप

२७ तेसुर ड्यिराड टुला जेनी इटालिया लुङ्बाला डोप ताम्डे तेन्तेन क्यासिमा तिवी पावल ताड यम्बा चोन्खाडला शोरुप मी ललाइतिवाला ग्येल्बु अगस्टसकी मक्मी नाङ्गला युलियस सिरुप मक्मी सयी च्यिककी खकी छ्ये यीला चेक तेसुड। ^२तमा एड्रामिटेनोस नेसुर एशियाकी दासा दासा नेवा क्यानी डोप टुला जेनी ड्यिराड गलिन। डोप पेला माकेडोनियाला क्येवु थेसलोनिकेकी मी अरिस्तार्खस साड ड्यिरा मुला गलिन। ^३ती सला तीला ड्यिराड सीदोनला लेप्सुड। तमा मक्मी छ्ये युलियसकी पावलला ड्यिङ्ज्ये क्यानी पावलकी दाल्जातिवी चाला गल्नी तिवी पावलला दाल्जा किटे किशी नोनी डो च्यिसुड। ^४तेसुर ड्यिराड येलुड टुला जेनी गलिन। यिने लुड कशेन ग्यपुप तप्की ग्येम्छो परकी स कम्बु वोतुप साइप्रसकी ग्यप ने क्यानी गलिन। ^५तमा तेसुर ड्यिराड किलिकिया ताड पामफिलियाकी फर्केन ग्येम्छो नेवा क्यानी लुकियाकी ग्येसा माइराला लेप्सुड। ^६ते इटालियाला डोप अलेक्जेन्ड्रियाकी टु यी थेप्सुड। तमा ड्यिराड तेरी ती टुला जेनी गलिन। ^७ड्यिमा अलायी सेक कोले कोले क्यानी छासे कले क्यानी ड्यिराड कनीडसला लेप्सिमा लुड मड कशेन ग्यप्नी डो माच्यिवु तप्की

ग्येम्छो परकी स कम्बु वोतुप क्रेटकी गारी नेवा क्यानी सालमोनेकी ग्यप नेवा कोर्नी गलिन। ९छासे कले क्यानी ग्येम्छो गारी गारी नेसुर डोसालेन्सिन डियराड डछ्येवु सिरुप टु ग्यकुप दासाला वायिन। तमा लासिया सिरुप ग्येसा ति थाक्डियमु राड थोड्सुड।

६तमा तुजे साड अलायी गल सिन्दुप ताड तेनकी ल[†] साड थेन्दुप तप्की लुड कशेन ग्यप्नी ग्येम्छोला टुला डोप छासे कले नोक। तुक क्यानी पावलकी तिवाला दुक सिनी टोड्गु बिन्सुड। १०“ओ दाल्जातिवा, दुक क्यानी ग्येम्छो शानी डोपला टु तिराड मिन, समा च्यालकतिवा नुम डोप ताड दाकपु साड तेरीला ज्यानी डोप दोके वोतुप डे थोड्गिनोको।” ११यिने मक्मी छ्ये तीकी पावलकी ताम्डे सिनाड टु तोड्गुप मी ताड टुकी ज्यिन्दाककी खला ड्येन्सुड। १२ते टु ग्यकुप दासाला ति गुन्बी लला देतुप कले वोतुप तप्की अछ्योता सेक टु तङ्नी फोनिक्सला गल्नी गुन्बी लला तेराड देतुप सिनी मी माड्शोककी टोड्गु बिन्सुड। फोनिक्स ति क्रेटकी टु ग्यकुप दासा यी यिन। ती दासा ति डियमा फोकुप थाकाला ख्येलिगीवी।

१३तमा ल्होकी थाका ने लुड कोले क्यानी ग्यकुप छाल्सुड। तुक क्यानी तिबी नो क्यावु दोके तेरी च्युड्सुड।

नोनी टु तङ्नी क्रेटकी गारी गारी ने क्यानी गाल्सुड। १४यिने चेयी ज्युक्ला ग्येम्छो परकी स कम्बु क्रेट नेसुर ‘च्याड-शर’ सिरुप लुड कशेन ग्येपु ग्यप्सुड। १५तमा ती लुड छासे ग्येपु वोतुप तप्की टु ति लुड वुड्गुप थाकाला तोड माथुप। तमा डियराड जेवु टु ति लुडगी कनी खुन गल्सिनाड गल्शी सिनी पिताड तडियन। १६तमा कलौडा सिरुप ग्येम्छो परकी स कम्बु दासा टिकपे यीकी लोला लेप्सिमा ती ग्येम्छो परकी स कम्बु वोतुप दासा ति लुड क्योरुप तप्की लुड अला मग्यकनोक। तुक क्यानी टु तोड्गुप मीतिवी छासे कले क्यानी टु टिकपे तीला टु गिर्पी नाड्ला ज्याक्सुड। १७तमा ती टु टिकपेला टु गिर्पी खला ज्याक्सिमा थाक्पा थ्वोन कोर्नी टा ज्याक्सुड। तेसुर सिरटिस सिरुप पेमा वोतुप दासाला दोकिवी सिनी ज्यिवा लानी तिबी ग्येम्छो नाड्ला पेमा नोवु मिन्दुक सिनी लङ्गर ग्यप्नी ल्हासुड। तमा ती टु ति लुड डोप थाकाला गाल्सुड। १८तमा लुडगी डियराडला छासे क्यानी योक योक ताड दिक दिक क्यावु ति क्यातोक् क्यासुड। ती सला तीला टु तोड्गुप मीतिवी टु येड्गा जोपला टी नाड्ला वोतुप समा च्यालकतिवा थेन्नी क्युर्सुड। १९तमा डियमा सुमकी छेर्मु तिबी खोरो लाक्पी राड टुकी च्यालकतिवा योनी क्युर्सुड।

२०डियमा अलायी सेक डियमा ताड कर्मा साड मोथोङ्गुप क्यानी कशेन लुङ ग्यपुप तप्की डियरा याड सेन्बु मुलुते सिनी नासाम तडियन।

२१डियमा अलायी सेक दाक्पु तेरी काड साड मासोवा क्यानी देतिन। तमा पावल लानी तिवाला दुक् सिक्कासुड, “ओ दाल्जी टेड, ख्यिराड डे खला ड्येन्नी क्रेट नेसुर दुला माजेवु यिन्सिन ख्यिराडला दुका छेटाड ताड कुन मोफोकुप ति यिन्जा। २२त याड ड ख्यिराडला सिरिन डाडेड की, ख्यिराड सु साड ना मोडोवी। यिने टु ति याड ना डिवी। २३च्यिलासिसिन दाड नुपला डे सोवा देकुप कोन्छ्योककी लेन क्योलुप थु यी डे चाला लानी डला २४‘पावल, ज्यिवा माकी। ख्युरुड कैसरकी दोङ्ला लड राड गोकिवी। ल्होसा, ख्योरो मुला टि नाङ्ला वोतुपतिवा तेरीकी मिजी ति कोन्छ्योककी ख्योरो लकला चेक तेन नड वे।’ सिनी सिक्कासुड। २५तुक क्यानी दाल्जी टेड, डाडेड की। कोन्छ्योककी डला काड सुङ्गुप ति तुकै राड गिवी सिनी ड तेपा कितिन। २६यिने दाक्पी टु ति लुङगी ग्येम्छो परकी स कम्बु यीला क्योल्लिवी।”

२७तमा डियमा च्युप्ज्यीकी नुपला डियराड जेवु टु ति एडियास सिरुप ग्येम्छोला लुङगी पुलिन येर ताड मर कियी गाल। नुप फेका चोला टु तोङ्गुपतिवी टु ति ग्येम्छो परकी

स कम्बुला लेप्तुछ्येन वे सिनी नो क्यानोक। २८तमा चो तिङ्मु नोक सिनी तिवी छे ग्यप्नी ल्हासिन दोम्बा खल च्यिक चोयी वोतुप ति हाक्कोसुड। तमा येलुङ फचेक गल्नी छे ग्यप्नी ल्हासिन दोम्बा च्येडा तिङ्मु वोतुप हाक्कोसुड। २९तमा टु ति ग्येम्छो नाङ्ला वोतुप दोला दो किते सिनी ज्यिवा लानी तिवी टि तिड नेसुर लङ्गर ज्यी चोके क्युर्सुड। तमा नाम लङ्दा सेक रेवा क्यानी देसुड। ३०ती पेला टु तोङ्गुपतिवा टु नेमा टोनी डोपला टी गोमा नेसुर लङ्गर क्युरुप दोके क्यानी टी नाङ्ला वोतुप टु टिक्पे ति ग्येम्छोला पाप्नोक। ३१ती हाक्कोसिमा पावलकी मक्मी छ्ये ताड यम्बा मक्मीतिवाला “टु तोङ्गुपतिवा टि नाङ्ला राड मादेसियाड ख्यिराड तेरी शिवी।” सिनी सिक्कासुड। ३२तमा मक्मीतिवी टु टिक्पेकी थाक्पातिवा च्येनी टु ति डो च्यिसुड।

३३नक्सराड सिरिडला पावलकी तिवा तेरीला सिक्कासुड, “समा सो, ख्यिरा काड मासोवा क्यानी देतुप ति हारिड डियमा च्युप्ज्यी गाल। ३४तुक क्यानी समा सो सिनी ड ख्यिराडला गोङ्बा शोयी। काड रे च्यिक रे सोसिन ख्यिरा डार ड्येकिवी। ख्यिरा गोकी ज्हे ड्येङ्मा यी साड ना मोडोयी।” ३५तमा तोजोयी सिक्कासिमा पावलकी शुब्ज्याड लकला लानी तेरीकी दोङ्ला कोन्छ्योकला थुचिछे पुल्लिसमा ती


शुब्ज्याड ति च्याकनी सोसुड। ^{३६}तमा यम्बातिवी साड डाडेड ड्येनी काड रे च्यिक रे समा सोसुड। ^{३७}ती टी नाङ्ला ड्यिराड तेरी क्यासिन मिरा सयी ड्यी ताड खल दिन ताड टुक वोतुप्जा। ^{३८}ड्यिरा डाता सेक सोन सिन्सिमा टु येङ्गा जोपला तेरी टे डुमातिवा ग्येम्छो नाङ्ला क्युरिन।

^{३९}नाम लासिमा ड्यिरा ती दासा ति डो माशेसिनाड ग्येम्छो परकी स कम्बु वोतुप दासाकी गारीला पेमा वोतुप दासा थोड्सुड। तुक क्यानी टु तोङ्गुपतिवी थुप्सिन टु ति ती गारीला क्यल ज्योकुप सिनी केवुल क्यासुड। ^{४०}तिवी लङ्गरतिवा च्येनी ग्येम्छो नाङ्ला क्युर्सुड। ती पेला राड टु फार छुर क्योकुप च्यालक पि ताङ्नी लुड वुङ्गुप थाकाला डोपला ग्यावु कुर ति लाङ्नी लुड वुङ्गुप थाकाला ग्युर्सुड। तमा टु ति पेमा वोतुप ग्येम्छो परकी स कम्बुला डोप छाल्सुड। ^{४१}यिने टु ति ते राड वोतुप पेमाला दाप्सुड। तमा दाप्सिमा टुकी गो ति ते राड ग्येनी फार छुर कि माथुप। टुकी तिङ्ला ति ग्येम्छोकी बालाप फोकनी छ्यकुप छाल्सुड। ^{४२}तमा चोन्खाडला शोरुप मीतिवा च्याल ग्यप्नी टोन डिते नोनी मक्मीतिवी तिवाला सेतुप नो क्यासुड। ^{४३}यिने मक्मी छ्ये तीकी पावलला ज्होकुप नो क्यावु तप्की तिवाला तुक माकी सिनी क्येक्सुड। तमा च्याल ग्यक थुपुपतिवा चोयी ति टि नाड नेमा छ्योङ्बाल ग्यप्नी फर्केन

ग्येम्छो परकी स कम्बुला च्याल ग्यप्नी ग्युक सिनी क बिन्सुड। ^{४४}तमा यम्बा लुवुतिवा ति टु छ्यकुप पङ्लिड ताड शिङगी खला देनी ग्येम्छो परकी स कम्बुला गाल। तुक क्यानी ड्यिराड तेरी ल्यामो क्यानी ग्येम्छो परकी स कम्बुला लेप थुप्सुड।

पावल मालटाला लेपुप

२८ तेसुर ड्यिराड थर्सिमा ती ग्येम्छो परकी स कम्बु वोतुप दासाकी मिड ति माल्टा सिवी सिनी हाक्कोसुड। ^२तमा तेकी मीतिवी ड्यिराडला छासे च्यम्बा क्यासुड। च्यिलासिसिन छ्यर्वा ग्यप्नी ख्येवा वोतुप तप्की तिवी ड्यिराडला मे तड बिन्नी गासो शुसुड। ^३तमा पावलकी शिड पाङ्बा काड खुर वानी मेला च्यिसुड। ती मे राप वोतुप तप्की रुल यी थेन वानी पावलकी लाक्पाला फेनी ते राड ज्युनी देसुड। ^४तेकी मीतिवी पावलकी लकला रुल ज्युन देतुप थोङ्नी खोप्पाड पर्ला “दी मी याड वुतुड के शेन्बा के यिन्दे। दी ग्येम्छो ने थर थुप्सुड, यिने कोन्छ्योककी पर्च्या नेसुर ति थर माथुप।” सिनी सिक्यासुड। ^५यिने पावलकी ती रुल तीला मे नाङ्ला थप ज्हुन क्युर्सुड। तमा तीला काड साड ना माताड। ^६तमा तेकी मीतिवी पावलकी जु ति बोनी शिते सिनी ल्हानी गुन देसुड। यिने अलायी सेक ल्हासिनाड तीला काड साड माक्यावु थोड्सिमा तिवी



लोमा छ्येतिवी लाका २७:१-२८:१४

पावल रोमला गलुप लामतिवा

नासाम ग्युर्नी “दी मी याड ल्ह यिन्दुप यिनोक।” सिनी सिक्यासुड।

७ते गारी गुरीला पब्लियस सिरुप ती ग्येम्छो परकी स कम्बुकी मी छ्येकी शिड नोक। तीकी डियराडला गासो शुनी डियमा सुम सेक तीकी खाड्बा समा बिन्सुड। ८ती पेला पब्लियसकी पपा ति छा ताड खोकपा शोनी नानोक। तमा पावल तीला ल्हापला गल्नी तीकी गोला लाक्पा ज्याक्नी कोन्छ्योकला मोपोर क्यानी तीला टेक च्यिसुड। ९ते तुकै च्युडिसमा ती गारी गुरीकी यम्बा मी नेर्पुतिवा साड ते वासुड। तमा तिबी नेजु ति पावलकी टेक च्यिसुड। १०ती तप्की तिबी डियराडला छासे ताड्देन क्यासुड। तमा ल सुम ज्युक्ला डियराड माल्टा नेसुर टुला जेनी रोमला डोप पेला तिबी डियराडला गोवु चोयी समा च्यालकतिवा टी नाड्ला ज्याक्नी बिन्सुड।

पावल रोमला लेपुप

११तमा ल सुम ज्युक्ला डियराड माल्टा नेसुर टुला जेनी गलिन। ती टु ति अलेक्जेन्ड्रिया नेसुर वानी गुन्बी लला ते राड ज्योकिनोक। ती टुकी गोमाला ल्ह छेमाकी कु क्वोनी जोवु नोक। १२तेसुर डियराड सुराकुसाई सिरुप दासाला लेप्सुड। ते लेप्सिमा डियमा सुम ते राड देतिन। १३तेसुर गल्सिमा डियराड ग्येम्छो गारी ताड गारी ने क्यानी रेगियन सिरुप दासाला

लेप्सुड। ते लेपुप डियमा च्यिककी ज्युक्ला ल्होकी थाका ने लुड ग्यप्सुड। तमा ती सला तीला डियराड पटिओलीला लेप्सुड। १४ते डियरा ललाइ तेपा कितुप मीतिवा ताड मुला ठेसुड। तमा तिबी डियराडला ते राड दे सिनी गोड्बा शुवु तप्की डियराड डियमा दिन सेक ते राड देतिन, तमा तेसुर रोमला गलिन। १५डियराड वुड्गुप लेन थोनी रोमला वोतुप तेपा कितुपतिवा अप्पियसकी हाला ताड डोखाड सुम सिरुप दासा सेक डियराडला ठेतुपला वानोक। तिवाला थोडिसमा पावलकी डाडेड ड्येनी कोन्छ्योकला थुचिछे पुल्लुड। १६तमा डियराड रोमला लेप्सिमा पावलला ज्हेन्दुपला मक्मी मिरा च्यिककी मुला खोप्ने लावु खाड्बा यीला दे च्यिसुड।

पावलकी रोमला सुड ख्याप्ताक क्यावु

१७तेमी डियमा सुम तिड्ला पावलकी ते देतुप यहूदी गोमा कितुप मीतिवाला कतोड ताड्सुड। यहूदीतिवा ते जोम्सिमा पावलकी तिवाला सिक्यासुड, “ओ अच्युनुपतिवा, डे याड डरा लुड्बी मीतिवा ताड पगावा हड्गावी लुकसुकी तेन्दोकला काड लाका माक्यासिनाड यहूदीतिवी डला जिम्नी यरूशलेमला वोतुप रोमीतिवी लकला चेक तेन ताड्सुड। १८ती रोमीतिवी

डला ल्यामो क्यान टिन ल्हानी से गोवु छ्येर्पा तेर गोवु तेन्दोक काड साड माथोडिसमा डला पिताड तोङ्गुप नो क्यावु यिन। १६यिने यहूदीतिवी डला पिताड तोङ्गुप गा माक्यावु तप्की ग्येल्वु कैसरकी दोङ्ला राड ठिम की सिनी डे गोङ्बा शुयी। यिन्सिनाड डे गिपाकी तेन्दोकला काड साड क्यान तेरुप ताम्डे माक्या वे। २०ती तप्की ख्यिराडला ठेनी अरा उरा सिरुप नोनी डे ख्यिराडला कतङ्गुप यिन। च्यिलासिसिन इस्राएलकी मीतिवी रेवा क्यानी गुन देतुप शेष ने डोसु लावु ख्रीष्टकी थोकला राड डला च्याटोक ग्यपुप यिन।” २१तमा ते देतुप यहूदी गोमा कितुप मीतिवी पावलला सिक्यासुड, “ड्यिरा याड अच्युकी तेन्दोकला यहूदिया नेसुर काड यिकी राड माङ्ये वे। सु साड वानी अच्युकी थोकला ताम्डे काड साड मालाप वे। अच्युकी लाका मेलोवा क्यावु यिन सिनी ताम्डे साड माक्या वे। २२यिने अच्युकी नासाम ति काड नोक सिनी अच्युकी ख नेमा राड ड्येन्दुप ड्यिरा नो वे। च्यिलासिसिन कनी साड मीतिवा अच्युकी छोकपाकी कोर्ला ताम्डे मेलोवा तिराड किवी सिरुप ति ड्यिराडला छ्या वे।”

२३तुक क्यानी तिवी ड्यिमा च्यिक पावलला ठेतुप तुजे जोसुड। तमा मीतिवा बडी पावल देतुप खाङ्बा

वासुड। पावलकी टोप नेज्युनी सोन्हिप सेक तिवाला कोन्छ्योककी ग्येल्वापकी कोर्ला लाप्सुड। तमा मोशाकी ठिम ताड कोन्छ्योककी लुङ्तेम्बाकी थेष नेसुर येसूकी कोर्ला तिवाला पङ्बु बिन्सुड। २४पावलकी सिक्यावु ताम्डेला ललाइकी तेपा क्यासुड, ललाइकी तेपा माक्या। २५तमा तिवा खोप्रे पर्ला साड ताम्डे माडिकनोक। तुक क्यानी केन डोप पेला पावलकी दुक सिनी लाप्सुड, “ख्यिरा पगावा हङ्गावाला कोन्छ्योककी थु चाङ्माकी यशैया लुङ्तेम्बा नेमा सुङ्गुप सुड ति टेके राड नोक। ती सुड ति दी यिन,

२६‘गल्नी दी मीतिवाला दुक सिनी सी।

ख्यिरा ड्येन्दुप याड ड्येन्गिवी,
यिने हाक्मोकोवी।

ल्हाप याड ल्हेवी,
यिने मोथोङ्गिगी।

२७च्यिलासिसिन तिवी सेम ति
क्योङ्बु गल्नी वे।

तमा तिवी नम्ज्योक वोन्बा गलुप
ताड मिक् चुम वे।

मिसियाड तिवी मिक्की थोङ्गुप
ताड नम्ज्योक थोवु ताड
सेमगी हाक्को थुप्नी दिक्पा
ने ग्युरुप ति यिन्जा।

तमा तिवाला डे दिक्पा ने थर
ज्यितुप ति यिन्जा।’*

२८ ती तप्की ख्यिरा हाक्कोशी,
कोन्छ्योककी दिक्पा ने थर ज्यितुप
सुङ ति यहूदी मिन्दुप मिरिक यम्बाकी
मीतिवाला ख्याप्टाक क्यानी वे।
तमा तिवी ती सुङ ति ड्येन्गिवी।”
२९ (पावलकी ती सुङ ति ख्याप्टाक
क्यासिमा यहूदीतिवा खोप्रे पर्ला
अलायी लप्सिर ग्यक्टी चेसिमा तेसुर
क्येनी गाल्सुङ।)†

३० तमा पावल लो ड्यी सेक खोरे
लावु खाङ्बाला राङ देसुङ। ते तीकी
येशूकी कोर्ला येन्देन ड्येन्दुपला
वुङ्गुपतिवा तेरीला गासो शुसुङ।
३१ तमा सी साङ पावलला माक्येक।
तुक क्यानी पावलकी ज्यिवा माक्यावा
क्यानी कोन्छ्योककी ग्येल्खापकी
कोर्ला ख्याप्टाक कियी ताङ चोवो
येशू ख्रीष्टकी कोर्ला येन्देन बिन्सुङ।

२८:२९ यम्बा थेपला ती पद ति मे।

